



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



94  
35

F74

# ELEMENTA MATHEMATICA

THE  
OFFICE OF THE  
ATTORNEY GENERAL  
OF THE STATE OF NEW YORK



*Fortunatio da Brixia.*

P. F. FORTUNATI  
A B R I X I A

*Ord. Min. Ref. Prov. Brixia Lect. Theol. Scriptoris Ord.  
& in Brixiana Academia Publ. Matheseos  
& naturalis Philos. Professoris*

E L E M E N T A  
M A T H E M A T I C A

I N Q U A T U O R T O M O S  
D I G E S T A.

T O M U S T E R T I U S

Geometriam solidorum continens.



B R I X I Æ . C I D I C C X X X I X .

Typis JOANNIS-MARIÆ RIZZARDI.  
SUPERIORUM FACULTATE.

1. The first step is to identify the problem or question that needs to be answered. This involves understanding the context and the specific requirements of the task.

[illegible][illegible]

1992

7-11

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 250 million to 450 million. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion.

[illegible]

**THE UNIVERSITY OF CHICAGO**

**I N D E X**  
**LIBRORUM**  
**QUOS TOMUS TERTIUS**  
**COMPREHENDIT.**



**LIBER XI.**  
De sectione, & genesi solidorum:

**LIBER XII.**  
De circulis sphaera.

**LIBER XIII.**  
De similitudine, & ratione solidorum:

**LIBER XIV.**  
De solidorum dimensione:



**APPRO-**

## A P P R O B A T I O N E S.

**D**E mandato Reverendissimi P. Felicis a Roma hujus Cismontanae Reformationis Familiae V. Commiss. Generalis, nos infrascripti Lectores Theologi vidimus *Tomum III. Elementum Mathematicarum S. P. Fortunato a Brixia hujus Reformatae Provinciae Brixiae Alumni*; cumque nihil plane in eo nobis occurrerit, quod vel Catholicae Fidei contrarium sit, vel probis moribus adverfetur, illum non indignum judicamus, quominus in ~~hac~~ *hac* ~~prodeat~~ *prodeat*, dummodo tamen ita iis quoque videatur, ~~ad quos de jure spectat.~~

In quorum fidem &c.

Brixiae die 8. Februarii 1739.

*F. Pressen a Brixia Lect. Theol.*

*F. Bonaventura a Brixia Lect. Theol.*

---

F. FELIX A ROMA STRICT. OBSERV. S. P. N. FRANCISCI, Lect. Emeritus, Sac. Congr. Indici Consultor, iterato Proc. Gefilis, & in hac Cismontana Reformationis Familia V. Commiss. Generalis, & humilis in Domino Servus.

*Dilecto Nobis in Christo P. F. Fortunato a Brixia Lect. Theol., Script. Ordinis, nostrae Ref. Prov. Brixiae Alumnae Salutem, & Seraphicam Benedictionem.*

**C**Um juxta Apostolicas, nostraeque Ordinis Constitutiones liber, cui titulus: *Elementa Mathematicae: Tomus Tertius* a te elaboratus ab idoneis Nostrae Reformationis Censoribus, ad id specialiter a Nobis deputatis, recognitus fuerit, & approbatus, Nos praesentium tenore, ac cum salutaris obedientiae merito, tibi facultatem facimus, & imperitur, ut servatis alias de jure servandis, illud typis evulgare possis, & valseas.

Dat. Romae ex nostro Conventu S. Francisci ad ripas Tyberis die 7. Martii 1739.

F. FELIX A ROMA V. Com. Gen.

L. S.

Reg. Scab. Brix.

*De mandato P. S. Romae*

*F. Joannes Pius a Pressano Secr. Gen.*

NOI

# NOI RIFORMATORI DELLO STUDIO DI PADOVA.

**A**Vendo veduto per la Fede di Revisione, ed Approvazione del P. F. Tommaso-Maria de Angelis Inquisitore di Brescia, nel Libro intitolato: *P. F. Fortunati a Brixia Ord. Min. Ref. Provincia Brixie, Elementa Mathematica Tomus tertius*; non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concedemo Licenza a Gian-Maria Rizzardi Stampatore in Brescia, che possi esser stampato; osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. 21. Marzo 1739.

[ *Gio: Francesco Morosini Kav. Rif.*

[ *Z. Pietro Pasqualigo Rif.*

[

*Agostino Gadaldini Segret.*

SPHAL-

*Elementorum Liber XI.*

- |   |                   |
|---|-------------------|
| §. 10. l. 5. <i>icosaedrum</i>          | <i>icosaedrum</i> |
| §. 31. l. 3. <i>Latus vero</i>          | <i>Latus vero</i> |
| §. 91. <i>ad marg.</i> Fig. 9. Tab. 7.  | Fig. 7. Tab. 7.   |
| §. 113. l. 2. Duo                       | Dico              |
| §. 117. <i>ad marg.</i> Fig. 8. Tab. 7. | Fig. 8. Tab. 8.   |
| §. 126. l. 2. contra                    | contra.           |

*Elementorum Liber XII.*

- |   |                     |
|---|---------------------|
| §. 16. <i>ad marg.</i> Fig. 13. Tab. 7. | Fig. 13. Tab. 8.    |
| §. 81. l. 18. <i>communi arcui</i>      | <i>communi arcu</i> |

*Elementorum Liber XIII.*

- |  |                              |
|--|------------------------------|
| §. 22. l. 1. <i>est minor cateto</i>             | <i>est major cateto</i>      |
| §. 25. <i>ad marg.</i> Fig. 1. Tab. 8.           | Fig. 1. Tab. 7.              |
| §. 26. <i>ad marg.</i> Fig. 8. Tab. 8.           | Fig. 8. Tab. 7.              |
| §. 117. l. 6. <i>summi</i>                       | <i>sumi</i>                  |
| §. 139. Theor. l. 2. <i>in ratione duplicata</i> | <i>in ratione triplicata</i> |

*Elementorum Liber XIV.*

- |   |                               |
|---|-------------------------------|
| §. 50. Coroll. l. 3. <i>altitudo vero</i>       | <i>basis vero</i>             |
| §. 79. l. <i>penul. Dem.</i> <i>simul basi-</i> | <i>simul cum basibus</i>      |
| bus.  |                               |
| §. 116. l. 1. <i>Dem.</i> <i>theorematis</i>    | <i>theorematis XXII.</i>      |
| XXI.  |                               |
| §. 121. l. 2. <i>Resol.</i> <i>nec non</i>      | <i>nec non valor segmenti</i> |
| segmenti  |                               |

Cetera, quæ tibi occurrent, sphalmata levioris momenti, non est, cur moreris, optime Lector.

BEE



# ELEMENTORUM MATHEMATICORUM LIBER XI.

De genesi, & sectione solidorum.

**A** Planis ad solida gradum facimus. Agemus itaque primo de *solidorum sectione, & genesi*; tum de *sphæra circulis*; dein de *solidorum ratione, & similitudine*; postremo de *eorum dimensione*.

## DEFINITIO I.

1. *Solidum, quod corpus Mathematicum etiam dicitur, est magnitudo secundum trinam dimensionem, longitudinis scilicet, latitudinis, & profunditatis, extensa, una, vel pluribus superficiibus terminata. In idea corporis Mathematici trina tantum dimensio occurrit, ita nimirum, ut quodcunque corpus sensibile veniat sub notione corporis Mathematici, si affectionibus omnibus, quæ in ipso sunt, neglectis, trina dumtaxat dimensio in illo concipiatur.*

A

DE-

## DEFINITIO II.

Fig. 1.  
Tab. VII 2. *Angulus solidus est ille, qui continetur tribus ad minimum angulis planis simul penes duo ipsorum latera unitis, atque in idem punctum, quod ipsius anguli apex dicitur, desinentibus, quin tamen planam superficiem constituent. Hujusmodi est angulus productus in A a tribus planis angulis BAD, BAG, CAD simul penes ipsorum latera unitis, atque commune punctum A habentibus, quin ex illorum unione plana superficies confurgat.*

## COROLLARIUM I.

3. *Hinc anguli plani, qui solidum angulum constituunt, simul sumti debent esse minores quatuor rectis. Exenim, si secus, plana superficies ex illorum unione haberetur.*

## COROLLARIUM II.

4. *Duo anguli solidi erant aequales inter se, si anguli plani, quibus continentur, fuerint numero, & magnitudine aequales, eodemque ordine inter se dispositi. Hoc enim ipso illorum unus intra alterum positus perfecte ei congruat.*

## COROLLARIUM III.

5. *Vicissim aequales anguli solidi planis angulis numero, & magnitudine aequalibus continentur. Quandoquidem, si focus, anguli ipsi sibi mutuo haudquaquam congruerent; ac proinde contra hypothesein non essent inter se aequales.*

## DEFINITIO III.

Fig. 2-  
Tab. VII 6. *Ex solidis angulis ille vocatur rectus, qui tribus rectis angulis planis comprehenditur. Sic rectus est solidus angulus pro-*



productus in puncto C a tribus angulis planis BCD, BCF, DCF, quia quilibet horum trium angulorum est rectus.

COROLLARIUM.

7. Omnes anguli solidi recti sunt inter se aequales. Omnes enim continentur angulis planis numero, & magnitudine æqualibus.

DEFINITIO IV.

8. *Angulus solidus obtusus est ille, qui rectum superat. Acutus vero ille, qui a recto deficit.*

DEFINITIO V.

9. Solidum vel planis superficiebus totum clauditur, vel una curva superficie continetur, vel plana simul, & curva superficie comprehenditur. *Extrema igitur solidorum sunt superficies, quemadmodum extrema planorum sunt lineæ, & extrema linearum sunt puncta.*

DEFINITIO VI.

10. Ex corporibus, quæ planis duntaxat superficiebus terminantur, illa dicuntur regularia, quæ planis regularibus, atque inter se aequalibus continentur, omnesque ipsorum anguli sunt inter se aequales. Corpora regularia sunt cubus, tetraedrum, octaedrum, dodecaedrum, & icosaedrum, quibus additur sphaera, corpus inter omnia nobilissimum. Cubus, tetraedrum, octaedrum, dodecaedrum, & icosaedrum corpora Platonica vocari solent, quod illis Plato in Timæo quinque corpora simplicia, cælum videlicet, ignem, aerem, aquam, & terram, comparaverit. Cetera vero corpora ab his diversa, quorum infinita plane sunt genera, irregularia vocantur.

## COROLLARIUM.

11. Omnes anguli corporis regularis sunt inter se aequales Planis namque angulis numero, & magnitudine æqualibus singuli continentur.

## DEFINITIO VII.

12. *Pyramis est solidum terminatum pluribus, quam duobus triangulis planis rectilineis, ea ratione simul penes duo qualibet ipsorum latera unitis, ut spatium undique claudant, & eorum bases figuram planam rectilineam, quæ pyramidis basis dicitur, constituent; omnium vero ipsorum vertices in unum punctum coeant, quod ipsius pyramidis apex, seu vertex nuncupatur.* Talis est solidum  $BADC$ , sicuti etiam solidum  $EFGH$ , quorum alterum *pyramis trilatera*, alterum *pyramis quadrilatera* dicitur, quatenus nempe basis  $BCD$  prioris figura plana trilatera est, tribusque idcirco triangulis planis pyramis ipsa continetur; basis vero  $KFGH$  posterioris est figura plana quadrilatera, ipsaque propterea pyramis quatuor triangulis planis comprehenditur. Porro punctum  $A$ , in quo simul coeunt vertices omnium triangulorum pyramidem  $BADC$  terminantium, *vertex*, sive *apex* pyramidis  $BADC$  vocatur, sicuti etiam punctum  $E$  dicitur *vertex*, sive *apex* pyramidis  $KFGHE$ .

## COROLLARIUM.

13. Quævis pyramis tot triangulis planis rectilineis terminatur, quot latera in ejus basi numerantur.

## DEFINITIO VIII.

14. *Axis pyramidis est recta linea ducta ab illius vertice in centrum basis. Ut si punctum  $M$  fuerit centrum basis  $FGHK$ ,*

## Liber XI.

FGHK, recta EM erit axis pyramidis KFGHE.

### DEFINITIO IX.

15. *Pyramis dicitur recta, si illius axis ad perpendicularum basi iussiterit, cuiusmodi est pyramis KEGH. Dicitur vero inclinata, si illius axis oblique ad basim sese habuerit.*

### COROLLARIUM.

16. *Altitudo pyramidis rectæ diversa non est ab illius axe. Altitudo namque cuiuslibet figuræ est recta ducta a vertice in basim, eique ad perpendicularum incumbens (a).*

### DEFINITIO X.

17. *Prisma est solidum pluribus planis rectilineis comprehensum, quorum duo ex adverso equalia sunt, similia, & parallela, reliqua vero sunt parallelogramma. Huiusmodi sunt duo solida AF, BH. Quandoquidem in utroque plana ex adverso posita, nimirum ABC, DEF, sicuti etiam ACD, LGH, æqualia sunt, similia, & parallela, reliqua autem sunt parallelogramma.* Fig. 4.  
Fig. 5.  
Tab. 7.

### COROLLARIUM.

18. *Tot parallelogrammis prisma quodcumque clauditur, quot latera sunt in uno planorum sibi ex adverso positorum.*

### DEFINITIO XI.

19. *Si pro basi prismatis sumatur unum ex illis planis, quæ sibi mutuo in illo adversantur, illud prisma vocatur rectum, in quo omnia parallelogramma, quibus comprehenditur, sunt rectangula. Rectum videlicet erit prisma AF, quia paral-* Fig. 4.  
Tab. 7.

rallelogramma ADEB, BEFC, ADFC sunt rectangula. Hoc enim ipso ad perpendicularum suæ basi incumbit.

### COROLLARIUM I.

20. Tot rectangulis prisma rectum continetur, quot sunt latera in illius basi.

### COROLLARIUM II.

21. Altitudo prismatis recti est latus unius ex illis rectangulis, quibus comprehenditur.

### DEFINITIO XII.

Fig. 2. 22. Parallelepipedum est solidum sex parallelogrammis con-  
Tab. 7. prehensum, quorum duo qualibet ex adverso posita, sunt sibi mu-  
tuo aequalia, similia, & parallela. Tale est solidum AF.

### COROLLARIUM.

23. Omne parallelepipedum est prisma, licet non omne prisma sit parallelepipedum. Quandoquidem omne parallelepipedum est huiusmodi, ut duo ipsius plana ex adverso posita, sint æqualia inter se, similia, & parallela, cetera vero sint parallelogramma. Verum prisma non exigit, quemadmodum parallelepipedum, ut parallelogramma sint omnia plana, quibus comprehenditur.

### DEFINITIO XIII.

Fig. 6. 24. Cubus est solidum sex quadratis aequalibus, & quæ ex ad-  
Tab. 7. verso sunt, sibi mutuo parallelis comprehensum. Huiusmodi est solidum BG.

### COROLLARIUM I.

25. Omnia cubi latera sunt inter se æqualia. Sunt enim latera quadra torum æqualium.

COROLLARIUM II.

26. Omnes anguli cubi sunt recti; atque adeo inter se aequales. Etenim eorum quilibet tribus angulis rectis planis continetur.

COROLLARIUM III.

27. Cubus est solidum regulare. Terminatur enim planis regularibus, sibi mutuo æqualibus, & similibus, omnesque ipsius anguli sunt æquales.

COROLLARIUM IV.

28. Omnis cubus est parallelepipedum, quamvis non omne parallelepipedum sit cubus. Plana enim, quibus cubus continetur, sunt parallelogramma (a), & quidem similia (b), ex quibus duo quælibet ex aduerso sunt parallela, & inter se æqualia, prout parallelepipedum exigit. Verum omnia sunt quadrata, quod ad parallelepipedum non requiritur.

COROLLARIUM V.

29. Altitudo cubi æquat latus basis ejusdem. Est enim latus unius ex illis quadratis, quibus cubus continetur, quæ omnia sunt æqualia.

DEFINITIO XIV.

30. Conus est solidum, quod circulo, tanquam basi, & curva superficie ex una parte in punctum tota desinente continetur, seu Fig. 7. conus est solidum, quod determinatur a recta linea circa periphe- Tab. 7. riam circuli revoluta, dum alterum illius extremum puncto extra illius circuli planum sumpto, interim constanter hæret. Hujusmodi

(a) § 24.

(b) Lib. IX. §. 1.

di est solidum BAD circulo BCD, & curva superficie producta a recta AB circa peripheriam ipsius circuli BCD revoluta, fixo manente illius extremo A, comprehensum.

### DEFINITIO XV.

Fig. 7. Tab. 7. 31. *Basis conĩ est circulus, cui conus insistit. Apex, seu vertex est punctum, in quod conus ipse desinit. Axis conĩ est recta ducta ab illius vertice in baseos centrum. Latus vero est quaecunque recta linea ducta a vertice conĩ in peripheriam basis. Sic basis conĩ BAD est circulus BCD. Apex punctum A. Axis recta AE. Latus recta AB, sicuti etiam recta AD.*

### DEFINITIO XVI.

Fig. 7. Tab. 7. 32. *Si latera AB, AD conĩ BAD triangulum æquilaterum cum baseos diametro BD constituent, conus dicitur æquilaterus; si constituent triangulum isosceles, conus dicitur isosceles; scalenus vero nuncupatur, si triangulum scalenum hujusmodi rectæ efficiant.*

### DEFINITIO XVII.

Fig. 7. Tab. 7. Fig. 8. 33. *Ille conus vocatur rectus, cujus axis ad perpendicularum basi incumbit; obliquus vero ille, cujus axis ad basim inclinat. Rectus nimirum est conus BAD; quia illius axis AE perpendicularis est basis circulo BCD. Obliquus vero conus bad; quia illius axis ac super baseos circulum bcd oblique cadit.*

### COROLLARIUM.

34. *Altitudo conĩ recti diversa non est ab illius axe. Altitudo namque conĩ est recta perpendicularis ducta a vertice in basim.*

SCHO-

S C H O L I O N.

35. Conus rectus concipi potest oriri ex completa revolutione trianguli rectanguli circa alterum ex lateribus, quæ sunt circa angulum rectum, immotum, consistens. Sic co-<sup>Fig. 7.</sup>  
nus rectus BAD habetur ex revolutione trianguli rectangu-<sup>Tab. 7.</sup>  
li BEA circa quiescens latus AE, ita nimirum ut conica su-  
perficies determinetur a rotante hypotenusa AB, & baseos  
circulus BCD ex revolutione lateris BE.

DEFINITIO XVIII.

36. *Cylindrus est solidum duobus circulis æqualibus, & paral-  
lelis, & curva superficie in illorum peripherias desinente compre-  
hensum.* Tale est solidum AD terminatum duobus circulis <sup>Fig. 9.</sup>  
AB, CD æqualibus, & parallelis, curvaque superficie ACDB <sup>Tab. 7.</sup>  
desinente in ipsorum circularum peripherias; quæ proinde  
concipi potest veluti genita ex tali motu rectæ lineæ AC  
circa peripherias circularum AB, CD, ut sibi semper pa-  
rallela existat.

DEFINITIO XIX.

37. *Basis cylindri est circulus, cui ille incumbit. Axis est re-  
cta linea conjungens centra circularum, quibus cylindrus termina-  
tur. Latus vero est recta axi parallela, utriusque circuli periphe-  
riam tangens.* Sic basis cylindri AD est circulus CD. Axis  
recta EF. Latus vero tam recta AC, quam recta BD.

DEFINITIO XX.

38. *Cylindrus rectus est ille, cujus axis perpendicularis est cir-  
culo baseos. Obliquus vero, cujus axis in circulum baseos oblique* <sup>Fig. 9.</sup>  
*cadit.* Rectus videlicet est cylindrus AD, obliquus vero cy-<sup>Fig. 10.</sup>  
lindrus qd; quia axis EF ad perpendicularum insistit basi CD,  
non sic autem ef basi d.

## COROLLARIUM.

39. *Altitudo cylindri recti ab illius axe distracta non est.*

## S C H O L I O N.

Fig. 9.  
Tab. 7. 40. Oritur cylindrus rectus ex completa revolutione rectanguli circa unum ex suis lateribus plane immobile. Videlicet cylindrus rectus AD oritur ex revolutione rectanguli AEFC circa latus EF omnino quiescens, ita nimirum ut ex revolutione laterum AE, CF emergant circuli AB, CD, quibus cylindrus terminatur, & ex revolutione lateris AC cylindrica superficies ACDB.

## DEFINITIO XXI.

Fig. 11.  
Tab. 7. 41. *Tetrahedrum est solidum quatuor triangulari planis rectilineis regularibus, & inter se aequalibus terminatum, cujusmodi est solidum ACB.*

## DEFINITIO XXII.

Fig. 12.  
Tab. 7. 42. *Octaedrum est solidum octo triangulari rectilineis regularibus, & inter se aequalibus comprehensum, ut solidum DEF.*

## DEFINITIO XXIII.

Fig. 13.  
Tab. 7. 43. *Dodecaedrum est solidum, quod duodecim pentagonis aequalibus, & regularibus continetur, ut solidum GHK.*

## DEFINITIO XXIV.

Fig. 14.  
Tab. 7. 44. *Icosaedrum est solidum viginti triangulari regularibus, atque inter se aequalibus terminatum, ut solidum LMN.*



DEFINITIO XXV.

45. Polyedrum est solidum pluribus figuris planis rectilineis comprehensum. Est enim polyedrum in genere solidorum, quod polygonum in genere planorum.

DEFINITIO XXVI.

46. Sphæra est solidum una tantum curva superficie comprehensum, in cuius solidi area punctum est, a quo omnes rectæ lineæ ductæ in illam curvam superficiem sunt inter se æquales. Tale est solidum ABCD curva superficie undique terminatum. *Fig. 15. Tab. 7.* Æquales namque sunt rectæ lineæ EG, EF, omnesque aliæ, quæ a puncto E in superficiem ABCD cadere possunt.

Genesis sphæræ.

47. Sphæra producitur a semicirculo rotante circa quiescentem diametrum, integramque revolutionem completente. Sic sphæra ABCD oritur ex completa revolutione semicirculi BAD circa quiescentem diametrum BD. Hinc sphæra definitur ab Euclide lib. XI. Elementorum, cum semicirculi manente diametro, semicirculus circumductus in idem revolvatur, unde caput circumduci. *Fig. 16. Tab. 7.*

COROLLARIUM I.

48. Cum semicirculus BAD ex tot concentricis semiperi-  
pheriis circularibus confurgat, quot in illius radio BE, cen-  
tro excepto, puncta numerantur (a), soliditas sphæræ ABCD  
concipi potest veluti confurgens ex tot sphaericis superficiebus sibi  
mutuo concentricis, quot sunt puncta, excepto centro, in radio BE  
semicirculi genitoris BAD, atque adeo etiam ipsius sphæræ. Quæ  
libet

B 2

(a) Lib. IX. §. 49.

libet enim ex illis semiperipheriis, quæ semicirculi genitoris aream constituunt, in illa circa diametrum BD revolutione sphaericam superficiem producit.

## COROLLARIUM II.

49. Quemadmodum soliditas sphaeræ ABCD oritur ex completa revolutione semicirculi BAD circa diametrum immobilem BD, ita ejus sphaera superficies nascitur ex completa revolutione semiperipheriæ BAD circa eandem diametrum BD.

## S C H O L I O N.

50. Mensura rotationis semicirculi BAD circa immotam diametrum BD, unde efficitur sphaera ABCD, est peripheria circuli per centrum ipsius sphaeræ transeuntis, atque adeo in illa maximi. Hujusce enim circuli peripheria, cum sit major peripheriis omnium aliorum circulorum ipsius sphaeræ, certa hoc ipso, & immutabilis est apud omnes, prout ad mensuram requiritur.

## DEFINITIO XXVII.

Fig. 35  
Tab. 7. 51. Centrum sphaera est punctum sumtum in illius area, a quo omnes recta linea ducta in sphaera superficiem, sunt inter se aequales. Ut si omnes rectæ lineæ, quæ a puncto E sphaeræ ABCD cadunt in illius superficiem, fuerint inter se æquales, punctum E erit centrum ipsius sphaeræ ABCD.

## COROLLARIUM I.

52. Centrum sphaera est punctum in illius medio existens. Ab illo enim singula sphaericæ superficiæ puncta æqualiter distant.

COROLLARIUM I.

53. Hinc planum per sphaera centrum transiens sphaeram ipsam bifariam dividit.

DEFINITIO XXVIII.

54. Diameter sphaera est recta quaecunque linea transiens per centrum sphaera, & utrinque ad illius superficiem terminata. Sic <sup>Fig. 15.</sup> <sub>Tab. 7.</sub> recta BD est diameter sphaerae ABCD.

DEFINITIO XXIX.

55. Radius sphaera qui illius etiam semidiameter dicitur, est qualibet recta linea a sphaera centro in illius superficiem ducta, ut rectae EG, EF in sphaera ABCD.

COROLLARIUM I.

56. Omnes ejusdem sphaera radii sunt inter se aequales. Omnes enim illae rectae lineae sunt aequales inter se, quae a centro in superficiem cadunt (a).

COROLLARIUM II.

57. Omnes diametri ejusdem sphaera sunt aequales. Sunt enim inter se, ut radii (b).

COROLLARIUM III.

58. Diameter semicirculi genitoris est etiam diameter sphaera; atque adeo etiam radius ejusdem semicirculi est radius ipsius sphaerae.

DE-

(a) §. 51.

(b) Lib. I. §. 127.

## DEFINITIO XXX.

59. Hemisphaerium est solidum similis sphaerae superficie, & plano per illius centrum ducto comprehensum. Planum quippe, quod per sphaerae centrum transit, sphaeram ipsam bifariam dividit (a).

## Genesis hemisphaerii.

60. Oritur hemisphaerium ex quadrante circuli revoluto circa radium. Ut enim sphaera a rotante semicirculo circa diametrum, ita hemisphaerium a rotante quadrante circa radium fiat necesse est.

## DEFINITIO XXXI.

61. Sector sphaerae est solidum comprehensum sub circulari portione superficiei sphaericae, & sub curva superficie, quae initium sumens a curva linea circularem superficiei sphaericae portionem terminante, in ipsius sphaerae centrum desinit.

## Genesis sectoris sphaerici.

62. Ut notio sectoris sphaerici clarior fiat, illius genesis considerata est. Producitur itaque sector sphaericus ex completa revolutione sectoris circularis, quomodo hemisphaerium ex revolutione quadrantis, circa quiescentem ejusdem radium.

## COROLLARIUM I.

63. Cum area sectoris circuli ex tot arcibus similibus, si-bique mutuo concentricis consurgat, quot, centro excepto, sunt

(a) §. 53.

sunt puncta in illius radio (a), sector sphericus spectari potest veluti compositus ex ~~his~~ <sup>portiones</sup> circularibus superficierum sphericarum sibi mutuo concentricarum, atque centrum versus continuo decrescentibus, quæ, excepto centro, habentur puncta in illius radio. In illa namque revolutione sectoris circularis quilibet arcus circuli sectorem ipsam constituens, circula rem sphericæ superficierum portionem producit.

C O R O L L A R I U M II.

64. Portiones circulares superficierum sphericarum, quæ sphericum sectorem constituunt, sunt sibi mutuo similes, eandem scilicet proportionem habent omnes ad integram superficiem sphericam, cujus aareum quilibet est portio. Similes namque sunt arcus geniores, omnesque huiusmodi sphericarum superficierum portiones eadem revolutione, quæ ipse totidem integram superficiem sunt, producuntur.

D E F I N I T I O XXXII.

65. Segmentum sphaera est ipsius sphaera portio, plano sphaeram ipsam extra centrum dividente, & parte superficierum ipsius sphaera comprehensa. Segmenta nimirum sphaerae ABCD sunt duæ ipsius portiones HAM, HCM, quarum altera sub plano HM extra centrum ipsius sphaerae traducto, & sub portione HAM superficierum sphaericæ ABCD, altera sub eodem plano, & sub portione HCM ejusdem superficierum continetur.

Fig. 15.  
Tab. 7.

C O R O L L A R I U M.

66. Cum planum per sphaera centrum transiens sphaeram ipsam bifariam dividat (b), illud sphaera segmentum erit majus, in quo sphaera centrum reperitur.

Gene-

### Genesis segmenti sphaerici.

Fig. 15.  
Tab. 7. 67. Sphaerae segmentum producitur a semisegmento circulari revolutio circa radium, qui bifariam, atque adeo ad angulos rectos, chordam arcus totius segmenti circularis, totumque ipsum arcum dividat. Segmentum scilicet sphaericum HCM gignitur ex revolutione semisegmenti circularis MXC circa radium EG bifariam, atque ad rectos angulos dividendam tum chordam HM totius arcus HCM, tum ipsum arcum.

### DEFINITIO. XXXIII.

68. Illa recta lineae equaliter a sphaerae centro distare dicuntur, in quas rectae perpendiculares inter se aequales cadunt a centro ipsius sphaerae. Illa vero dicitur a centro sphaerae magis distare, in quam cadit major recta perpendicularis ab illius centro. Memoria repetantur, quae diximus de huiusmodi lineis in circulo.

### DEFINITIO XXXIV.

Fig. 1.  
Tab. 7. 69. Sectio solidi dicitur illa figura plana, qua, facta sectione ipsius solidi ope plani, in ejus partibus divisis de novo conspicitur. Sic figura abc est sectio pyramidis BAD divisae a plano per puncta a, b, c, traducto.

### L E M M A I.

Cylindrus est prisma infinitorum laterum.

70. Esto cylindrus ACDB. Dico, ipsum, non, differre a prismate infinitis parallelogrammis latitudinis infinite parve comprehensum.

*Demonstratio.*

Speſtetur priſma AGH. Maniſteſtum eſt, priſma AGH ad cylindrum magis accedere, & fieri cylindro ſimile, quo magis multiplicantur latera baſeos FGHL, eodem manente perimetro, atque adeo quo plura ſunt parallelogramma, quibus ipſum priſma comprehenditur; ita nimirum ut, ſi numero infinita ſint latera in baſi polygona FGHL, ea-que propterea infinite parva, & infinita idcirco ſint parallelogramma, quibus ipſum priſma terminatur, huiusmodi priſma nullatenus diſcerni poſſit a cylindro, quemadmodum baſis ipſius priſmatis tunc a circulo haudquaquam diſtinguitur (a). Ergo cylindrus quoque ſpectari poteſt veluti priſma infinitis parallelogrammis comprehenſum.

Fig. 9.  
Fig. 5.  
Tab. VII

C O R O L L A R I U M.

71. Cylindrica idcirco ſuperficies componitur ex infinitis parallelogrammis latitudinis infinite parvæ, penes duo ipſorum latera ſimul unitis.

L E M M A II.

*Conus eſt pyramis infinitorum laterum.*

72. Speſtetur conus BAD. Dico, ipſum non eſſe diverſum a pyramide infinitis triangulis baſim infinite parvam habentibus terminata.

*Demonſtratio.*

Eadem eſt cum præcedenti. Conſtat enim, pyramidem eo magis ad conum accedere, quo plura ſunt latera baſeos, eodem manente perimetro; ac proinde quo magis multiplicantur triangula, quibus pyramis continetur, ita nimirum,

Fig. 7-  
Tab. VII

Tom. III.

C

ut

(a) Lib. IX. §. 149.

ut si latera bascos sint infinita, ac per consequens magnitudinis infinite parvæ, ipsaque idcirco pyramis infinitis triangulis basim infinite parvam habentibus comprehendatur, pyramis huiusmodi a cono discerni nullo modo queat. Er go conus quicumque considerari, ac sumi potest veluti pyramis infinitis triangulis basim infinite parvam habentibus comprehensa.

## COROLLARIUM.

73. *Superficies conica confurgit ex infinitis triangulis basim habentibus infinite parvam, simul penes latera mitis, atque in unum commune punctum desinentibus, quod est coni vertex.*

## THEOREMA I.

*Sectiones prismatis basi parallela sunt basi similes, & æquales.*

Fig. 6. Tab. 7. 74. *Prisma AFH secetur plano parallelo basi FGHKL, sitque abcd illius sectio. Dico, hanc esse similem, & æqualem basi FGHKL.*

## Demonstratio.

Cum enim mutua sectio duorum planorum sit recta linea (a), tot rectis continebitur sectio *abcd*, quot planis comprehenditur prisma AFH, atque adeo quot rectis lineis illius basis terminatur (b). Rursus cum rectæ GH, *cd* sint parallelæ (c), ob parallelismum scilicet sectionis *abcd*, & basis FGHKL, ipsæque rectæ GH, *cd* inter latera parallela DH, CG contineantur (d), duæ rectæ GH, *cd* erunt inter se æquales (e), sicuti eandem ob causam etiam duæ FG, *bc*, nec non duæ FL, *ba*, duæ quoque LK, *ac*, & etiam duæ KH, *ad*. Igitur duæ figuræ planæ FGHKL, *abcd* sunt

(a) Lib. VIII. §. 24.

(b) §. 18.

(c) Lib. VIII. §. 26.

(d) Lib. VI. §. 8.

(e) Ibidem §. 20.



sunt inter se mutuo æquilateræ. Porro cum rectæ  $FH$ ,  $bd$  æquales sint inter se, & parallelæ, eadem scilicet ratione, qua, ut modo vidimus, æquales sunt, & parallelæ duæ  $GH$ ,  $cd$ , duo triangula  $FGH$ ,  $bcd$  habebunt latera æqualia, alterum alteri, sicuti etiam bases. Ergo anguli quoque  $FGH$ ,  $bcd$ , qui æqualibus lateribus continentur, æquales erunt (a). Eodem modo ostendam, æquales esse etiam angulos  $GFL$ ,  $cba$ , sicuti etiam angulos  $FLK$ ,  $bac$ , angulos quoque  $LKH$ ,  $acd$ , nec non angulos  $KHG$ ,  $edc$ . Igitur duæ figuræ planæ  $FGHKL$ ,  $abcde$  sunt inter se mutuo non tantum æquilateræ, verum etiam æquiangulæ; ac proinde sibi mutuo similes (b), & æquales (c). Sectiones itaque prismatis &c. quod erat ostendendum.

C O R O L L A R I U M I.

75. Si prisma trilateram basim habeat, ut prisma  $AEF$ , ostenso, sectionem basi parallelam  $abc$  æquilateram esse ipsi Tab. 7. basi, patet, eam esse eidem basi æqualem (d) atque æqua- Fig. 4. les cum illa angulos habere, alterum alteri (e); ac proinde illi esse omnino similem (f).

C O R O L L A R I U M II.

*Si prisma secetur plano basi parallelo, ejus segmenta erunt prismata.*

76. Ut si prisma  $AE$  secetur plano  $abc$  basi  $DEF$  parallelo, utrumque segmentum  $Ab$ ,  $aF$  erit prisma. Commune Tab. 7. siquidem planum  $abc$  simile, & æquale est planis  $ABC$ ,  $DEF$ , ipsisque per hypothesein est parallelum.

C 2

CO.

(a) Lib. V. §. 82.

(b) Lib. II. §. 2.

(c) Lib. V. §. 17.

(d) Ibidem §. 24.

(e) Ibidem §. 82.

(f) Lib. II. §. 66.

## COROLLARIUM III.

*Elementa prismatis sunt omnia sibi mutuo similia,  
& inter se aqualia.*

77. Elementa siquidem prismatis sunt planæ superficies, quæ sectionibus basi parallelis determinantur. Hæc autem sunt omnes sibi mutuo similes, & inter se æquales (a). Ergo &c.

## Genesis prismatis.

Fig. 4.  
Fig. 5.  
Tab. 7.  
78. Oritur propterea prisma quodcunque ex parallela elevatione figuræ planæ rectilineæ, itaut illius centrum rectam lineam in huiusmodi motu describat, ipsaque figura eadem semper maneat. Videlicet prisma AEF consurgit ex parallela elevatione trianguli DEF, & prisma BGH ex parallela elevatione pentagoni FGHKL, quam elevationem metitur geniti prismatis altitudo.

## COROLLARIUM I.

79. Hinc prisma quodcunque componitur ex tot planis superficiebus sibi superimpositis, basi similibus, & æqualibus, nec non ipsi basi, sibi quæ mutuo parallelis, quot in illius altitudine puncta numerantur. Etenim in parallela plani genitoris elevatione, ex qua prisma consurgit, toties sumitur ipsum planum, quot sunt puncta in altitudine ipsius prismatis.

## COROLLARIUM II.

80. Considerari idcirco potest prisma quodcunque, veluti factum ex ductu basis in illius altitudinem. Genitor siquidem planum a prismatis basi diversum non est.

THEO-

T H E O R E M A I I.

*Sectiones cylindri basi parallelae sunt circuli circulo  
basi aequales.*

81. Cylindrus AD secetur plano basi CD parallelo, sit-  
que MN illius sectio. Dico, hanc esse circulum circulo ba-  
tis CD æqualem.

*Demonstratio.*

Cylindrus AD est prisma infinitorum laterum (a). Omnes  
autem sectiones prismatis basi parallelæ sunt ipsi basi simi-  
les, & æquales (b). Ergo sectio quoque MN cylindri AD  
similis, & æqualis erit basi CD. Hæc autem est circulus (c).  
Ergo circulus quoque erit sectio MN, & quidem circulo  
CD baseos æqualis. Sectiones itaque cylindri &c. quod erat  
ostendendum.

Fig. 9.  
Tab. 7.

C O R O L L A R I U M I.

*Si cylindrus secetur plano basi parallelo, utrumque  
illius segmentum erit cylindrus.*

82. Segmenta nimirum AN, NC cylindri AD secti pla-  
no MN basi CD parallelo, erunt cylindri. Sectio namque  
MN est circulus circulo basis CD æqualis, & per hypothe-  
sim utrique circulo AB, CD parallelo.

Fig. 9.  
Tab. 7.

C O R O L L A R I U M I I.

*Elementa cylindri sunt circuli circulo basis aequales.*

83. Elementa namque cylindri determinantur sectionibus  
basi parallelis.

Ge-

(a) §. 70.

(b) §. 74.

(c) §. 37.

## Genesis cylindri.

Fig. 9. Tab. VII. 84. Cylindrus confurgit ex parallela elevatione circuli ; ea quidem lege, ut centrum circuli genitoris rectam lineam in huiusmodi motu describat, ipse vero circulus neque augeatur, neque decreseat. Ut si circulus CD ita moveri concipiatur ab F in E, ut sibi semper sit parallelus, ejusque centrum F rectam FE describat, cylindrus fiet AD. Hanc porro elevationem circuli genitoris metitur ipsius cylindri altitudo.

## COROLLARIUM I.

85. Cylindrus propterea componitur ex tot circulis circulo basis aequalibus, eique, nec non inter se mutuo parallelis, quot sunt puncta in illius altitudine.

## COROLLARIUM II.

86. Quamobrem cylindrus quicumque spectari potest, veluti factum ex multiplicatione circuli baseos per altitudinem.

## HYPOTHESES.

87. Si ergo altitudo prismatis, aut cylindri ponatur  $= a$ , ejusque basis  $= b$ , soliditas prismatis, & cylindri erit  $= ab$ . Etenim  $ab$  exprimit factum, quod nascitur multiplicando quantitatem  $b$  per quantitatem  $a$ .

## THEOREMA III.

*Sectiones pyramidis basi parallela sunt similes ipsi basi.*

88. Pyramis ABD scitur plano basi BCDE parallelo; sique bcd illius sectio, Dico, hanc esse similem basi BCDE.

Dei

Demonstratio.

Cum enim pyramis ABD tot planis contineatur; quot sunt latera basis BCDE (a), & sectio duorum planorum sit recta linea (b), tot rectis terminabitur sectio *bcd*, quot re-  
ctis continetur basis BCDE. Rursus cum planum secans sit parallelum basi, rectæ DE, *de* erunt parallelæ, sicuti etiam rectæ CD, *cd* (c). Erit ergo DE ad *de*, & CD ad *cd*, ut AD ad Ad (d); ac proinde DE. *de* = CD. *cd* (e), & alternando *de*. *cd* = DE. CD (f). Eodem modo ostendam, esse *dc*. *cb* = DC. CB. & *cb*. *be* = CB. BE, nec non *be*. *ed* = BE. ED. Ductis porro rectis *ce*, CE, cum plana BCDE, *bcd* sint parallela, ipsæque rectæ *ce*, CE, in eodem plano consistant ACE, erunt inter se parallelæ; cumque recta CE sit basis trianguli CAE, & recta *ce* duo ipsius latera dividat AC, AE, erit CE. *ce* = AC. Ac (g), adeoque CD. *cd* = CE. *ce*, cum sit etiam CD. *cd* = AC. *ac*. Quamobrem erit quoque *dc*. *ce* = DC. CE (h). Duo igitur triangula CED, *ced* habent latera sibi mutuo proportionalia, suntque propterea æquiangula (i), angulus nimirum *cde* æqualis est angulo CDE, qui proportionalibus lateribus continentur. Eodem modo demonstrabitur angulus *bed* æqualis angulo BCD, angulus *ebc* angulo EBC, & angulus *bed* angulo BED. Duo itaque plana BCDE, *bcd* sunt inter se mutuo æquiangula, habentque latera circa æquales angulos proportionalia. Ergo sunt sibi mutuo similia (k). Sectiones igitur pyramidis &c. quod erat ostendendum.

SCHOLIION.

89. Si pyramis sit trilatera, ut ABCD, ex eo tantum patet

(a) §. 19.

(b) Lib. VIII. §. 24.

(c) Ibidem §. 26.

(d) Lib. IX. §. 59.

(e) Lib. I. §. 76.

(f) Ibidem §. 125.

(g) Lib. IX. §. 30.

(h) Lib. I. §. 125.

(i) Lib. IX. §. 70.

(k) Ibid. §. 1.

Fig. 1.  
Tab. 7. patet, sectionem *abc* basi BCD parallelam, similem esse ipsi basi, quod tria latera trianguli *abc* proportionalia sint tribus lateribus trianguli BCD (a).

## C O R O L L A R I U M.

*Omnia elementa pyramidis sunt basi similia.*

90. Determinantur enim sectionibus basi parallelis.

## T H E O R E M A IV.

*Sectiones conii basi parallelae sunt circuli.*

91. Conus BAD secetur plano basi BCD parallelo, sitque MN illius sectio. Dico, hanc esse circulum.

*Demonstratio.*

Cum enim conus sit pyramis infinitorum laterum (b), sectio MN conii BAD basi BCD parallela, erit similis ipsi basi BCD (c). Hæc autem est circulus (d). Ergo circulus quoque erit sectio MN. Itaque sectiones &c. quod erat ostendendum.

Fig. 9.  
Tab. 7.

## C O R O L L A R I U M.

*Conii elementa sunt circuli.*

92. Elementa siquidem conii determinantur sectionibus basi parallelis.

THEO.

(a) Lib. IX. §. 71.

(b) §. 72.

(c) §. 88.

(d) §. 82.

THEOREMA V.

*Sectiones pyramidis basi parallelae decrescunt in ratione duplicata imminuta altitudinis.*

93. Duo plana FGHK, MNPQ sint sectiones pyramidis ABD parallelæ illius basi BCDE, adeoque etiam inter se. Altitudo vero ipsius pyramidis sit recta Ae. Dico, sectiones huiusmodi decrescere in ratione duplicata imminuta altitudinis, videlicet sectionem FGHK esse ad sectionem MNPQ in ratione duplicata altitudinis Ae ad altitudinem Aa. Fig. 18.  
Tab. 7.

Casus I.

Cadat primo altitudo Ae ipsius pyramidis intra illius basim.

*Demonstratio.*

Secetur pyramis ipsa plano Aexx, in quo ipsius altitudo reperitur, sitque ab sectio plani MNPQ, cd sectio plani FGHK, & Af sectio plani ADE. Cum igitur mutua duorum planorum sectio sit recta linea (a), & plana FGHK, MNPQ sint per hypothesim inter se parallela, parallelæ erunt rectæ cd, ab (b), sicuti etiam rectæ HK, PQ. Quamobrem erit Ad. Ab = AH. AP (c). Est autem eandem ob causam Ac. Aa = Ad. Ab. Ergo erit quoque Ac. Aa = AH. AP. Constat porro, esse HK. PQ = AH. AP (d). Ergo erit similiter Ac. Aa = HK. PQ (e). Manifestum porro est, duo plana FGHK, MNPQ esse inter se in ratione duplicata laterum HK, PQ (f); cum ipsa plana sint similia, eorumque latera homologa sint duo HK, PQ. Ergo planum FGHK erit ad planum MNPQ

D in

(a) Lib. VIII. §. 24.

(b) Ibidem §. 26.

(c) Lib. IX. §. 57.

(d) Ibidem §. 59.

(e) Lib. I. §. 76.

(f) Lib. IX. §. 170.

in ratione quoque *duplicata* altitudinis *Ac* ad altitudinem *Aa*.

*Casus II.*

Fig. 19. Tab. 7. Modo altitudo pyramidis *ABD* sit in uno ipsius plano triangulari *ADE*, nimirum altitudo sit recta *Af*. Dico, sectionem *FGHK* esse ad sectionem *MNPQ* in ratione *duplicata* altitudinis *Ad* ad altitudinem *Ab*.

*Demonstratio.*

Etenim iisdem positis, cum sit *Ad . Ab = AH . AP* (a), ob parallelismum scilicet rectarum *HK*, *PQ*, sitque *HK . PQ = AH . AP* (b), erit quoque *Ad . Ab = HK . PQ* (c). Sunt autem duo plana similia *FGHK*, *MNPQ* in ratione *duplicata* suorum laterum homologorum *HK*, *PQ* (d). Ergo duo ipsa plana erunt similiter in ratione *duplicata* altitudinis *Ad* ad altitudinem *Ab*.

*Casus III.*

Fig. 1. Tab. 8. Altitudo demum datæ pyramidis cadat extra illius basim, altitudo nimirum pyramidis *ABD* sit recta *AZ*; altitudo sectionis *FGHK* sit recta *An*, & altitudo sectionis *MNPQ* sit recta *Am*. Dico, sectionem *FGHK* esse ad sectionem *MNPQ* in ratione *duplicata* altitudinis *An* ad altitudinem *Am*.

*Demonstratio.*

Quandoquidem iisdem positis, cum segmenta *cd*, *ab* sint parallela, inter se quoque parallelæ erunt rectæ *cn*, *am*. Quamobrem erit *An* ad *Am*, ut *Ad* ad *Ab* (e), adeoque etiam ut *HK* ad *PQ*, cum scilicet ostensum fuerit, esse *HK . PQ = Ad . Ab*. Sunt autem duo plana *FGHK*, *MNPQ*

(a) Lib IX. §. 37.

(b) Ibidem §. 59.

(c) Lib. I. §. 76.

(d) Lib. IX. §. 170.

(e) Ibidem §. 37.



MNPQ in ratione *duplicata* laterum HK, PQ. Ergo erunt quoque in ratione *duplicata* altitudinis An ad altitudinem Am. Itaque sectiones pyramidis &c. quod erat ostendendum.

C O R O L L A R I U M.

*Elementa pyramidis decreſcunt in ratione duplicata imminuta altitudinis.*

94. Cum enim elementa pyramidis determinantur sectionibus basi parallelis, sicuti hujusmodi sectiones decreſcunt in ratione *duplicata* imminuta altitudinis, in eadem quoque ratione pyramidis elementa minuuntur.

Genesis pyramidis.

95. Pyramis oritur ex tali motu plani rectilinei, ut sibi semper sit parallelum, continuo uniformiter decreſcat in ratione *duplicata* imminuta altitudinis ipsius pyramidis, ejusque centrum rectam lineam describat. Conſurgit nimirum pyramis ABD ex parallela elevatione figuræ planæ rectilineæ BCDE, ita tamen ut continuo uniformiter minuat<sup>Fig. 19.</sup>ur in ratione *duplicata* imminuta altitudinis A<sup>Tab. 7.</sup>e ipsius pyramidis, atque ipsius figuræ centrum e rectam e A in hujusmodi motu describat. Hanc autem elevationem decreſcentis plani metitur altitudo ipsius pyramidis. Patet ex natura elementorum, quibus pyramidem constare diximus.

C O R O L L A R I U M I.

96 Pyramis componitur ex tot planis rectilineis basi similibus, sibi mutuo, atque basi parallelis, continuo uniformiter apicem versus decreſcentibus, quot in illius altitudine puncta numerantur. Patet ex genesi ipsius pyramidis.

D 2.

CORO-

97. Hinc pyramis considerari potest, veluti factum ex ducta figura plana rectilinea, sive basis ipsius pyramidis continuo uniformiter decrescentis, in altitudinem.

## THEOREMA VI.

*Si conus secetur plano per verticem ad basim traducto, sectio erit triangulum rectilineum.*

Fig. 20.  
Tab. 7.

98 Conus BAD secetur plano, quod transeat per verticem A, ejusque basim BCD dividat. Dico, hujusmodi sectionem BAD, vel EAF esse triangulum rectilineum.

*Demonstratio.*

Hæc enim sectio tribus rectis lineis AB, BD, DA, vel AE, EF, FA comprehensa est. Nam duæ BD, EF sunt communes sectiones planorum secantium BAD, EAF, & basis BCD, quæ sunt lineæ rectæ (a). Duæ vero AB, AD, sicuti etiam duæ AE, AF sunt communes sectiones conicæ superficiæ, atque eorundem planorum; ac proinde sunt rectæ lineæ congruentes illi rectæ, ex qua, dum movetur circa peripheriam circuli BCD, conica ipsa superficies BAD producit (b). Ergo sectiones BAD, EAF sunt triangula plana rectilinea. Itaque si conus &c. quod erat ostendendum.

## COROLLARIUM.

*Sectio per axim coni æquilatæ est triangulum æquilaterum; coni isoscelis est triangulum isosceles; & coni scaleni est triangulum scalenum.*

99. In sectione siquidem coni, quæ plano per illius axim tra-

(a) Lib. VIII. §. 24.

(b) §. 30.

traducto perficitur, recta ex sectione basios determinatā per illius centrum transit. Quamobrem sectio per axim coni æquilateri erit *triangulum æquilaterum*; coni isoscelis erit *triangulum isosceles*; & coni scaleni erit *triangulum scalenum* (a).

THEOREMA VII.

*Sectiones coni cujuscunque basi parallele decreſcunt in ratione duplicata imminutæ altitudinis.*

100. Conus BAD secetur plano basi BCD parallelo, sitque circulus MN illius sectio. Dico, sectionem MN minui supra Fig. 7. basim BCD in ratione *duplicata* imminutæ altitudinis, vi- Tab. 7. delictet basim BCD esse ad sectionem MN in ratione *duplicata* altitudinis AB ad altitudinem AZ.

*Demonstratio I.*

Conus quicunque est pyramis infinitorum laterum (b). Sectiones autem pyramidis basi parallele decreſcunt in ratione *duplicata* imminutæ altitudinis (c). Ergo in eadem quoque ratione minuuntur sectiones coni, quæ sunt basi parallele.

*Demonstratio II.*

I

Conus BAD sit rectus. Secetur autem plano per verticem A, & centrum E basis BCD traducto, atque adeo per centrum Z sectionis, sive circuli MN tranſeunte (d). Itaque sectiones MZN, BED planorum circularium MN, BCD erunt rectæ lineæ (e); cumque hujusmodi rectæ tranſeant per centra circulorum MN, BCD ob hypothesim, erunt ipsorum circulorum diametri (f). Sunt autem rectæ BD, MN

(a) §. 32.

(b) §. 72.

(c) §. 93.

(d) §. 31.

(e) Lib. VIII. §. 24.

(f) Lib. VII. §. 7.

MN parallelæ inter se (a), ob parallelismum scilicet planorum MN, BCD. Ergo, cum sectio BAD sit triangulum (b), duo triangula BAD, MAN erunt similia (c), eorumque latera BD, MN, utpote eidem angulo BAD opposita, erunt homologa (d). Erit ergo altitudo AE trianguli BAD ad altitudinem AZ trianguli MAN, ut est basis, sive diameter BD circuli BCD ad basim, sive ad diametrum MN circuli MN (e). Circulus autem BCD est ad circumulum MN in ratione *duplicata* diametri BD ad diametrum MN (f). Ergo circulus BCD erit ad circumulum MN in ratione quoque *duplicata* altitudinis AE ad altitudinis AZ; adeoque &c.

## II.

Est modo conus obliquus *bad*, cujus altitudo sit recta *ag*. Secetur autem plano per verticem *a*, & centrum *e* basis *bcd*, ut supra, traducto. Sectio *bad* erit triangulum (g), duoque triangula *bad*, *man* erunt similia ob parallelismum rectarum, sive sectionum *bd*, *mn*, quemadmodum supra demonstravimus, eorumque latera homologa erunt ipsæ rectæ *bd*, *mn*, diametri nimirum basis *bd*, & sectionis *mn*. Erit igitur altitudo *ag* trianguli *bad* ad altitudinem *ax* trianguli *man*, ut est latus *bd*, sive diameter basis *bcd* ad latus *mn*, sive ad diametrum sectionis conicæ basi parallelæ *mn* (h). Est autem basis *bcd* ad sectionem *mn* in ratione *duplicata* diametri *bd* ad diametrum *mn* (i). Ergo basis *bcd* erit ad sectionem *mn* in ratione itidem *duplicata* altitudinis *ag* ad altitudinem *ax*. Itaque sectiones conici &c. quod erat ostendendum.

CORO.

(a) Lib. VIII. §. 26.

(b) §. 98.

(c) Lib. IX. §. 69.

(d) Ibidem §. 67.

(e) Ibid. §. 78.

(f) Ibid. §. 186.

(g) §. 98.

(h) Lib. IX. §. 78.

(i) Ibid. §. 186.

COROLLARIUM.

*Coni elementa decreſcant in ratione duplicata imminuta altitudinis.*

101. Elementa ſiquidem conĩ ſuat circuli baſi paralleli.

Genesis conĩ.

102. Oritur conus ex tali motu circuli, ut ſibi ſemper fit parallelus, continuo uniformiter minuat in ratione duplicata imminuta altitudinis, ejuſque centrum rectam lineam a conĩ axe minime diverſam deſcribat. Sic conus ABCD confurgit ex parallela elevatione circuli BCD continuo uniformiter decreſcentis in ratione duplicata imminuta altitudinis AE, & quidem tali lege, ut centrum E circuli genitoris in axe AE ipſius conĩ continuo reperiat. Patet ex natura elementorum, quibus conus ipſe componitur.

Fig. 7.  
Tab. 7.

COROLLARIUM I.

103. Confurgit propterea conus quicunque ex tot circulis baſi, ſibiſque mutuo parallelis, continuo apicem verſus uniformiter decreſcentibus, quot in illius altitudine puncta numerantur.

COROLLARIUM II.

104. Hinc conus conſiderari poteſt veluti factum ex multiplicatione circuli baſis, continuo uniformiter in ratione duplicata imminuta altitudinis decreſcentis, per ipſius altitudinem.

THEO-

## THEOREMA VIII.

Si duæ pyramides ejusdem generis secantur planis, quæ sint earundem basibus parallela, atque ipsarum altitudines proportionaliter dividant, sectiones hujusmodi erunt directæ inter se, ut ipsarum pyramidum bases.

105. Duæ pyramides trilateræ  $ABCD$ ,  $abcd$  secantur planis  $EFK$ ,  $efk$ , quæ parallela sint basibus  $BCD$ ,  $bcd$ , earumque altitudines  $AN$ ,  $an$  proportionaliter dividant in punctis  $M$ ,  $m$ , ita nimirum ut sit  $an$  ad  $am$ , ut est  $AN$  ad  $AM$ . Dico, sectionem  $EFK$  esse ad sectionem  $efk$ , ut est basis  $BCD$  ad basim  $bcd$ .

Fig. 2.  
Fig. 3.  
Tab. 8.

## Demonstratio.

Cum ex hypothese sectiones  $EFK$ ,  $efk$  sint basibus  $BCD$ ,  $bcd$  parallelæ, erit basis  $BCD$  ad sectionem  $EFK$  in ratione duplicata altitudinis  $AN$  ad altitudinem  $AM$ , quemadmodum etiam basis  $bcd$  ad sectionem  $efk$  in ratione duplicata altitudinis  $an$  ad altitudinem  $am$  (a). Posuimus autem, rationem altitudinis  $an$  ad altitudinem  $am$  eandem esse cum ratione altitudinis  $AN$  ad altitudinem  $AM$ . Ergo ratio quoque basis  $bcd$  ad sectionem  $efk$  eadem erit cum ratione basis  $BCD$  ad sectionem  $EFK$ , erit nempe  $BCD : EFK = bcd : efk$ . Igitur alternando erit quoque  $EFK : efk = BCD : bcd$  (b), sive sectio  $EFK$  ad sectionem  $efk$ , ut est basis  $BCD$  ad basim  $bcd$ . Itaque si duæ pyramides &c. quod erat ostendendum.

CORO-

(a) §. 100.

(b) Lib. I. §. 125.

COROLLARIUM I.

*Si dua pyramides ejusdem generis equalium basium, sed  
inequalium altitudinum secantur planis, quæ sint  
illarum basibus parallela, & altitudines pro-  
portionaliter dividant, eorum sectiones  
erunt æquales.*

106. *Æquales nimirum erunt sectiones EFK, est pyra-  
midum ABCD, abcd, si bases BCD, bcd æquales fuerint,  
& altitudo AN ad altitudinem AM, ut altitudo an ad al-  
titudinem am. Cum enim sectiones EFK, est futuræ hoc  
ipso sint inter se, ut bases BCD, bcd, quemadmodum ba-  
ses per hypothesim sunt æquales, ipsæ quoque sectiones e-  
runt æquales.*

Fig. 2.  
Fig. 3.  
Tab. 8.

COROLLARIUM II.

*Si dua pyramides ejusdem generis equalium basium, &  
altitudinum ad eandem altitudinem planis, quæ  
sint earum basibus parallela, dividantur,  
earum sectiones erunt æquales.*

107. *Ut si pyramides triangulares abcd, ABCD æquales  
habentes bases bcd, BCD, & altitudines an, AN secantur  
ad æquales altitudines Am, AM planis est, EFK, quæ sint  
earum basibus parallela, sectiones ipsæ est, EFK erunt æ-  
quales. Hujusmodi namque sectiones sunt directæ inter se,  
ut bases. (a)*

Fig. 1.  
Fig. 4.  
Tab. 9.

## THEOREMA IX.

*Si duo conii secantur planis, quæ eorum basibus sint parallela, ipsorumque altitudines proportionaliter dividant, sectiones erunt directæ, ut ipsæ bases.*

108. Coni ABC, MNO secantur planis DE, QR, quæ  
 Fig. 5. sint basibus BC, NO parallela, altitudines vero AL, MP  
 Fig. 6. proportionaliter dividant, sit nimirum MP ad MY, ut AL  
 Tab. 2. ad AK. Dico, sectiones DE, QR esse directæ inter se, ut  
 bases BC, NO.

*Demonstratio I.*

Conus est pyramis infinitorum laterum (a). Ergo quemadmodum in pyramidibus, ita in conis sectiones, quæ fiunt planis eorum basibus parallelis, ipsorumque altitudines proportionaliter dividantibus, sunt directæ inter se, ut ipsæ bases.

*Demonstratio II.*

Cum enim conicæ sectiones basi parallelæ sint circuli (b), iique decrecant in ratione duplicata imminutæ altitudinis (c), erit basis NO, ad sectionem QR, ut est basis BC ad sectionem DE ( Posita est enim altitudo MP ad altitudinem MY, ut est altitudo AL ad altitudinem AK. ) Ergo alternando erit sectio DE ad sectionem QR, ut est basis BC ad basim NO (d). Itaque si duo conii &c. quod erat ostendendum.

CO-

(a) §. 78.

(b) §. 91.

(c) §. 100.

(d) Lib. I. §. 129.



COROLLARIUM I.

*Si duorum conorum bases fuerint æquales, & plana basibus parallela, quibus secantur, eorum altitudines inæquales proportionaliter diuiserint, eorum sectiones erunt æquales.*

109. Ut si basis BC conì ABC æqualis fuerit basi NO conì MNO, & inæquales altitudines AL, MP proportionaliter sectæ fuerint in punctis K, Y. planis DE, QR, quæ sint eorum basibus parallela, sectiones ipsæ DE, QR erunt æquales. Sunt enim sectiones huiusmodi directe inter se, ut ipsæ bases. Fig. 5.  
Fig. 6.  
Tab. 3.

COROLLARIUM II.

*Si duo conì æqualium basium, & altitudinum ad eandem altitudinem planis eorum basibus parallelis secti fuerint, eorum sectiones erunt æquales.*

110. Si nimirum conì ABD, *abd* æqualium basium BCD, *bcd*, & altitudinum AE, *ag* ad eandem altitudinem *ax* secti fuerint planis MN, *mn*, quæ sint eorum basibus parallela, sectiones ipsæ MN, *mn* erunt æquales. Circuli namque sectionum MN, *mn* sunt directe inter se, ut circuli basium BCD, *bcd*. Fig. 7.  
Fig. 8.  
Tab. 7.

THEOREMA X.

*Si cylindrus secetur plano, quod vel transeat per centra circulorum, quibus terminatur, vel illius axi parallelum existat, sectio erit parallelogrammum.*

I.

III. Cylindrus ACDB secetur plano, & quidem primo, quod  
E 2

Fig. 7.  
Tab. 8. quod per centra  $m$ ,  $n$  transeat circulorum  $AB$ ,  $CD$ , quibus cylindrus terminatur, sitque illius sectio  $ACDB$ . Dico, hanc esse parallelogrammum.

### Demonstratio.

Mutua sectio plani secantis, & circuli  $AB$ , sicuti etiam circuli  $CD$ , est recta linea (a). Hujusmodi quoque sunt sectiones cylindricæ superficiei, & plani, ut ex genesi ipsius superficiei est manifestum. Sectio itaque cylindri quatuor rectis  $AC$ ,  $CD$ ,  $DB$ ,  $BA$  terminatur. Duæ autem rectæ  $AB$ ,  $CD$  æquales sunt (b), & parallelæ (c). Ergo duæ quoque  $AC$ ,  $BD$  æquales erunt (d), & parallelæ (e); atque ideo sectio  $ACDB$  erit parallelogrammum (f).

### I I.

112. Secetur modo cylindrus  $ACDB$  plano  $acdb$ , quod sit ipsius axi  $mn$  parallelo. Dico, sectionem quoque  $acdb$  esse parallelogrammum.

### Demonstratio.

Etenim hujusmodi quoque sectio  $acdb$  rectis lineis terminatur. Id enim eodem modo ostendetur, quo idipsum ostensum est de sectione  $ACDB$ . Duæ enim  $ab$ ,  $cd$  æquales sunt inter se, (g), utpote æqualiter distantes per hypothesim a centro sui circuli  $AaB$ ,  $CdD$  respective. Suntque insuper parallelæ; cum paralleli sint circuli  $AaB$ ,  $CdD$ , in eodemque plano secante ambæ consistant. Ergo duæ quoque  $ac$ ,  $bd$  æquales erunt inter se (h), & parallelæ (i); ac proinde sectio  $acdb$  erit parallelogrammum (k). Si ergo cylindrus

(a) Lib. VIII. §. 24.

(b) §. 36.

(c) Lib. VIII. §. 26.

(d) Lib. V. §. 75.

(e) Ibidem §. 98.

(f) Lib. VI. §. 8.

(g) Lib. VII. §. 60.

(h) Lib. V. §. 75.

(i) Ibidem §. 88.

(k) Lib. VI. §. 8.

lindrus secetur plano &c. quod erat ostendendum.

THEOREMA XI.

*Omnia cujusvis cylindri latera sunt ejusdem axi æqualia.*

113. Recta AC sit latus cylindri Ad, cujus axis sit recta mn. Duo, rectas AC, mn esse inter se æquales.

*Demonstratio.*

A centro m circuli AbB ad extremum A ducatur radius mA, & a centro n circuli CdD ad extremum C radius nC. Quoniam igitur duæ rectæ AC, mn sunt parallelæ (a), erunt in eodem plano (b); ac proinde in eodem itidem plano erunt duæ mA, nC. Duæ autem mA, nC sunt æquales ob æqualitatem circulorum Ab, Cd, & parallelæ inter se ob eorundem circulorum parallelismum (c). Ergo duæ quoque rectæ AC, mn sunt inter se æquales (d). Itaque omnia cujusvis cylindri &c. quod erat ostendendum.

Fig. 7.  
Tab. 2.

COROLLARIUM.

*Omnia cujusvis cylindri latera sunt inter se æqualia.*

114. Cum enim omnia sint æqualia ejusdem axi, inter se quoque erunt æqualia (e).

THEOREMA XII.

*Polyedrum quodcumque resolvi potest in tot pyramides, quot sunt illius plana.*

115. Esto polyedrum ABC. Dico, ipsum in tot pyramides

(a) §. 37.

(b) Lib. VIII. §. 18.

(c) Ibidem §. 26.

(d) Lib. V. §. 75.

(e) Synop. Alg. §. 259.

des resolvi posse, quot sunt plana  $ALa$ ,  $Aac$ ,  $AcN$ . &c, quibus terminatur.

*Demonstratio.*

Etenim si ex puncto in illius area sumto ducantur rectæ ad apices  $A$ ,  $L$ ,  $B$ ,  $a$ ,  $b$   $M$  &c. solidorum omnium angulorum, quos plana ipsa constituunt, perspicuum est, tot hinc pyramides designari, quot sunt ipsa plana, omnesque huiusmodi pyramides simul sumptas polyedrum ipsum æquare (a). Ergo &c. Itaque polyedrum &c. quod erat ostendendum.

Fig. 14.  
Tab. 7.

## THEOREMA XIII.

*Unius sphaerae unicum est centrum.*

116. Punctum  $E$  sit centrum sphaeræ  $ABCD$ . Dico, nullum aliud punctum in ipsa sphaera sumi posse, quod sit illius centrum.

*Demonstratio.*

Coincidit cum demonstratione theorematum 1. lib. VII., ut enim omnes radii circuli, ita omnes sphaeræ radii sunt inter se æquales (b).

Fig. 15.  
Tab. 7.

## THEOREMA XIV.

*Si radius sphaera rectam lineam in sphaera extra illius centrum ductam ad perpendicularum secuerit, bifariam illam secabit. Et vicissim, si bifariam rectam ipsam secuerit, ad perpendicularum illi incumbet.*

117. Radius  $Kb$  sphaeræ  $AGB$  ad perpendicularum, sive ad

sc-

(a) Syn. Algeb. §. 256.

(b) §. 56.

rectos angulos dividat rectam AB extra illius centrum K cadentem. Dico, rectam AB bifariam ab ipso radio dividi. Theod. l. 1. p. 22  
Vicissim vero ad rectos angulos rectam ipsam AB ab eodem radio secari, si bifariam ab eodem divisa fuerit.

*Demonstratio.*

Eadem est quoad utramque partem cum demonstratione Fig. 8. Tab. VII  
theorematis 3. lib. VII.

T H E O R E M A X V.

*In sphaera aequales rectae lineae aequaliter ab illius centro distant, & quae aequaliter ab illius centro distant, sunt aequales.*

118. In sphaera AGHB fiat duae rectae aequales AB, EF. Fig. 8. Tab. 8.  
Dico, eas aequaliter distare ab illius centro K. Vicissim vero eas aequales esse inter se, si eadem fuerit utriusque distantia ab ipso centro.

*Demonstratio.*

Utraque pars demonstratur eodem modo, quo ostensum est theorema 11. lib. VII.

T H E O R E M A XVI.

*Recta in sphaera, quae per centrum transit, est omnium maxima. Aliarum vero propinquior centro remotiore major est.*

119. In sphaera AGHB quaeplures habeantur rectae lineae CD, EF, GH, quarum CD transeat per centrum K ipsius Fig. 8. Tab. 8.  
sphaerae; aliarum vero recta EF proximior sit centro K, quam recta GH. Dico, rectam CD esse omnium maximam, rectam vero EF majorem esse recta GH.

De-

*Demonstratio.*

Coincidit quoad utramque partem cum demonstratione theorematis 12. lib. VII.

## C O R O L L A R I U M I.

*Diameter sphaerae maxima est omnium rectarum, quae in ipsa sphaera duci possunt.*

120. Sola enim diameter per sphaerae centrum transit (a).

## C O R O L L A R I U M II.

*Maxima rectarum, quae in sphaera duci possunt, per illius centrum transit.*

121. Etenim si secus, recta per centrum transiens non esset omnium maxima.

## T H E O R E M A XVII.

*Si sphaera planum tangat, & a centro ipsius sphaera ad punctum contactus recta ducatur, erit ipsi plano perpendicularis.*

122. Sphaera ABC tangat planum FG in puncto B, ad quod a centro D ipsius sphaerae ducatur recta DB. Dico, rectam DB plano FG ad perpendicularum incumbere.

*Demonstratio.*

Coincidit cum demonstratione theorematis 6. lib. VII. E-  
 Fig. 9. Tab. 9. nimvero, si recta DB non est perpendicularis plano FG, per-

perpendicularis sit ipsi plano recta DE. Manifestum est autem, rectam DE majorem esse recta DB, cum segmentum Da ipsius DE adequet rectam DB (a). Ergo recta perpendicularis DE non est minima omnium rectarum, quæ a puncto D in planum FG cadere possunt. Hoc autem fieri nequit (b). Igitur recta DE non est plano FG perpendicularis, eandemque ob causam nulla alia diversa a recta DB. Si ergo sphaera &c. quod erat ostendendum.

C O R O L L A R I U M I.

*Sphaera tangens planum in uno dumtaxat puncto ipsum tangit.*

123. Etenim si secus, plures rectæ lineæ ab eodem puncto in planum cadentes, eidem plano ad perpendicularum incumbere, quod omnino repugnat (c).

C O R O L L A R I U M I I.

*Sphaera exterius sphaeram tangens in uno tantum puncto ipsam tangit.*

124. Non enim potest sphaera AB tangere sphaeram CD in duobus simul punctis m, a, quin utraque in illis simul punctis tangat planum EF, ut est manifestum. Fig. 10.  
Tab. 1.

S C H O L I O N.

125. Ex eo, quod sphaeræ, & plani contactus in uno dumtaxat fiat puncto, ratio repetenda est, cur sphaera super planum apprime politum consistens, ad ictum vel levissimum quoquo versus moveatur.

Tom. III.

F

THEO-

(a) §. 36.

(b) Lib. VIII. §. 16.

(c) Ibidem §. 15.

## THEOREMA XVIII.

*Recta conjungens centra duarum sphaerarum sese mutuo tangentium transit per punctum mutui contactus.*

126. Duæ sphaeræ AB, CD sese mutuo exterius tangant in puncto  $a$ . Harum autem sphaerarum centra  $x, y$  jungantur recta linea. Dico, hanc transire per punctum contactus  $a$ .

*Demonstratio.*

Si enim fieri potest, hujusmodi recta transeat extra punctum mutui contactus, sitque  $xmy$ . Ab utroque autem centro  $x, y$  ad punctum  $a$  ducantur rectæ  $xa, ya$ , & per idem punctum  $a$  transeat planum EF, quod in eodem puncto tangat utramque sphaeram AB, CD. Quoniam igitur utraque  $ya, xa$  perpendicularis est plano EF (a) perpendicularis quoque erit rectæ EF in eodem plano positæ (b), ac proinde recti erunt anguli  $Eay, Eax$  (c). Ergo duæ  $xa, ya$  sunt in directum positæ (d) seu unam eandemque rectam lineam constituunt  $xy$ . Recta autem posita est etiam linea  $xmy$ . Igitur duæ rectæ  $xy, xmy$  spatium concludunt. Id porro fieri nequit (e). Ergo linea  $xmy$  non est recta, eademque ratione nulla alia, quæ ducta a centro  $x$  ad centrum  $y$  transeat extra punctum contactus  $a$ . Recta itaque conjungens &c. quod erat ostendendum.

Fig. 10.  
Tab. 8.

THEO-

- (a) §. 122.
- (b) Lib. VIII. §. 2.
- (c) Lib. III. §. 23.
- (d) Ibidem §. 49.
- (e) Lib. IV. §. 7.



THEOREMA XIX.

*Si sphaera planum tangat, & a puncto contactus recta intra ipsam sphaeram excutetur plano perpendicularis, erit in illa centrum ipsius sphaerae.*

127. Sphaera ABC tangat planum FG in puncto B, a quo intra ipsam sphaeram excutetur recta perpendicularis BD. Dico, rectam BD transire per centrum ipsius sphaerae.

*Demonstratio.*

Si enim fieri potest, centrum sphaerae sit extra ipsam perpendicularem BD, sitque illud punctum *b*. Ducta ergo a centro *b* ad punctum contactus B recta *bB*, hæc erit plano FG perpendicularis (a). Eidem autem plano etiam recta <sup>Fig. 9.</sup> BD posita est perpendicularis <sup>Tab. 1,</sup>. Ergo duæ rectæ *bB*, BD sunt simul plano FG perpendiculares. Id porro repugnat (b). Ergo punctum *b* non est centrum sphaerae ABC, & eandem ob causam nullum aliud extra rectam BD. Recta igitur BD transit per centrum sphaerae ABC; atque adeo si sphaera &c. quod erat ostendendum.

F 2

ELE-

(a) §. 122.

(b) Lib. VIII. §. 14.

# ELEMENTORUM MATHEMATICORUM LIBER XII.

## De circulis sphæræ.

**E**A circulorum sphæræ symptomata hoc in libro demonstramus, quorum cognitio ad illorum intelligentiam necessaria est, quæ de *sphæra mundi*, deque *astrorum motibus* in Astronomia traduntur.

### DEFINITIO I.

1. *Axis sphæræ est recta linea per illius centrum ducta, & utrinque ad ejusdem superficiem terminata, circa quam penitus quiescentem sphæra rotari intelligitur.* Ut si sphæra ABCD re-  
Fig. 15.  
Tab. 7. voluatur circa rectam BD per illius centrum traductam, ac interim omnino quiescentem, recta BD erit axis ipsius sphæræ ABCD.

### COROLLARIUM.

2. *Axis sphæræ est etiam illius diameter. Verum non omnis diameter sphæræ axis dici potest. Axis enim, quemadmodum diameter, per sphæræ centrum transit, & utrinque in illius superficiem definit. At sphæra non circa quamcumque diametrum, sed circa unam tantum revolvitur.*

### DEFINITIO II.

3. *Poli sphæræ, qui illius etiam cardines vocantur, sunt puncta extrema axis.* Ut si axis sphæræ ABCD sit recta BD,

BD, poli ipsius sphaeræ erunt duo puncta B, D :

C O R O L L A R I U M,

4. Poli sphaera sunt duo puncta sumta in illius superficie, sibi mutuo ex diametro opposita, atque ad motum sphaera penitus immobilia. Sunt enim extrema axis, qui per centrum transit, & ad motum sphaeræ omnino quiescit.

D E F I N I T I O I I I.

5. Circuli sphaera dicuntur illi, quorum peripheria in ipsius sphaera superficie reperitur. Hujusmodi sunt circuli BFDE, GH in sphaera ABCD. Fig. 11.  
Tab. 8.

D E F I N I T I O I V.

6. Polus circuli in sphaera descripti est punctum sumtum in superficie sphaera, a quo omnes rectæ ad illius peripheriam ductæ, sunt inter se æquales. Ut si rectæ AB, AD, omnesque aliæ, quæ duci possunt a puncto A in peripheriam circuli BFD, fuerint æquales, punctum A erit polus circuli BFD. Eadem ratione alter ejusdem circuli polus erit punctum C, si rectæ BC, CD, quemadmodum etiam ceteræ omnes a puncto C ductæ in peripheriam ipsius circuli BFD, æquales inter se fuerint. Fig. 11.  
Tab. 8.

C O R O L L A R I U M I.

7. Polus circuli in sphaera positi est illud punctum sumtum in superficie sphaera, ex quo, veluti centro, ipsius circuli peripheria in sphaera superficie descripta est.

C O R O L L A R I U M I I.

8. Poli sphaera erunt etiam poli circuli in ea descripti, si omnes rectæ ductæ a polis sphaeræ in peripheriam ipsius circuli, fuerint inter Fig. 11.  
Tab. 8.

ter se æquales. Nimirum si puncta  $A, C$  fuerint poli sphaeræ  $ABCD$ , erunt etiam poli circulorum  $GH, BFD$ , si rectæ  $AG, AH \times GC, CH$  æquales inter se fuerint, quemadmodum etiam rectæ  $AB, AD \times CB, CD$ .

### DEFINITIO V.

Fig. 11.  
Tab. 8. 9. *Axis circuli in sphaera descripti est recta ducta ab uno in alterum polum ipsius circuli. Ut si puncta  $A, C$  fuerint poli circuli  $GH$ , recta  $AC$  erit illius axis.*

### COROLLARIUM I.

10. *Si poli circuli in sphaera descripti diversi non fuerint a polis sphaera, axis sphaera erit etiam axis ipsius circuli. Neque enim possunt esse iidem poli, nisi idem quoque sit utriusque axis.*

### COROLLARIUM II.

11. *Si axis circuli in sphaera sit etiam axis ipsius sphaera, iidem quoque erunt utriusque poli. Sunt enim poli extrema axis.*

### COROLLARIUM III.

12. *Idem est axis omnium circularum sphaera, quibus idem sunt poli. Quippe axis est recta ducta a polo ad polum.*

### COROLLARIUM IV.

13. *Circuli in sphaera, quorum idem est axis, eosdem polos habent. Etenim axis cuiusvis circuli in illius polos definit.*

### DEFINITIO VI.

14. *Ille circulus in sphaera equaliter distare dicitur ab utroque polo ipsius sphaera, cum omnes rectæ ductæ ab uno ipsius sphaera polo*

polo in illius peripheriam, aequales sunt tum inter se, tum rectis omnibus, quæ ab altero polo in eandem peripheriam cadere possunt. Ut si poli sphaeræ ABCD fuerint duo puncta A, C, & æquales fuerint rectæ AB, AD tum inter se, tum rectis CB, CD, quæ ab ipsis polis in circuli BFD peripheriam cadunt, circulus BFD æqualiter distare dicetur a polis A, C ipsius sphaeræ. Fig. 11.  
Tab. 8.

COROLLARIUM I.

15. Poli circuli in sphaera ab utroque polo ipsius sphaera æqualiter distantis, diversi non sunt a polis ejusdem sphaera. Aequales namque sunt omnes rectæ, quæ ab utroque sphaeræ polo in ipsius circuli peripheriam cadunt. Ergo iidem erunt utriusque poli (a).

COROLLARIUM II.

16. Axis circuli æqualiter distantis ab utroque polo sphaera est etiam axis ipsius sphaera. Cum enim iidem sint utriusque poli (b), idem quoque erit utriusque axis (c).

DEFINITIO VII.

17. Duo circuli in sphaera æqualiter distare dicuntur ab illius polis, cum omnes rectæ ductæ ab uno polo in unius peripheriam aequales sunt tum inter se, tum omnibus rectis, quæ ab altero polo in alterius peripheriam cadunt. Ut si duo circuli BF, CE ita se habuerint in sphaera ABE, ut omnes rectæ AB, AF ductæ a polo A sphaeræ in peripheriam circuli BF æquales fuerint tum inter se, tum rectis omnibus, quæ a polo D ejusdem sphaeræ in circuli CE peripheriam cadunt, duo circuli BF, CE æqualiter distantes erunt a polis A, D ipsius sphaeræ. Fig. 13.  
Tab. 7.

CO-

(a) §. 8.  
(b) §. 15.  
(c) §. 10.

## COROLLARIUM I.

18. Poli sphaerae sunt etiam poli omnium illorum circularum, qui ab illis aequaliter distant. Aequales enim sunt rectae, quae ab ipsis polis in illorum circularum peripheriam cadunt, prout requiritur, ut sint eorundem poli (a).

## COROLLARIUM II.

19. Omnium circularum, qui aequaliter distant a polis sphaerae, iidem sunt poli. Omnium enim poli sunt poli sphaerae (b).

## COROLLARIUM III.

20. Axis circularum, qui aequaliter distant a polis sphaerae, ab axe ipsius sphaerae minime distinguitur. Neque enim potest eorum axis esse diversus, si iidem sunt poli (c).

## COROLLARIUM IV.

21. Idem est axis omnium illorum circularum, qui aequaliter distant a polis sphaerae. Horum quippe omnium axis est axis ipsius sphaerae (d).

## DEFINITIO VIII.

22. Ille circulus in sphaera vocatur obliquus, in cuius peripheriam cadunt inaequales rectae lineae ab utroque polo ipsius sphaerae. Ut si puncta A, D fuerint poli sphaerae ABCD, circulus BEC erit in illa obliquus; quia inaequales sunt rectae AB, AC, quae a polo A in illius peripheriam cadunt.

Fig. 12.  
Tab. 8.

CO:

(a) §. 8.  
(b) §. 18.

(c) §. 12.  
(d) §. 20.

COROLLARIUM I.

23. *Poli circuli in sphaera obliqui diversi sunt a polis sphaerae. Ut enim iidem sint poli, æquales debent esse rectæ, quæ ab utroque sphaerae polo in ipsius circuli peripheriam cadunt (a).*

COROLLARIUM II.

24. *Axis circuli in sphaera obliqui diversus est ab axe sphaerae. Quippe ut idem sit axis, iidem debent esse poli (b).*

DEFINITIO IX.

25. *Distantia circuli in sphaera a suis polis, est arcus circuli per ipsius circuli polos transeuntis, inter illius peripheriam, ejusque polos comprehensus. Ut si puncta A, C fuerint poli circuli BEDF in sphaera ABCD, distantia ipsius circuli a suo polo A erit arcus AB circuli ABCD transeuntis per utrumque polum A, C, comprehensus inter polum A, & ipsius circuli peripheriam. Distantia vero ejusdem ab altero polo C, erit arcus BC ejusdem circuli.*

Fig. 14-  
Tab. 8.

COROLLARIUM.

26. *Tot ergo graduum, & minutorum erit distantia cujusvis circuli in sphaera a suis polis, quot gradus, & minuta sunt in arcu, qui illius distantiam metitur. Nimirum tot graduum, & minutorum erit distantia circuli BEDF a suo polo A, quot sunt gradus, & minuta in arcu AB circuli ABCD, penes quem hujusmodi distantia spectatur.*

DEFINITIO X.

27. *Duo circuli in sphaera equaliter ab illius centro distare di-*

Tom. II.

G

cun-

(a) §. 1.

(b) §. 10.

cuntur, cum rectę perpendiculares ductę a centro spherę in plana ipsorum circulorum sunt inter se equales. Dicuntur vero inaequaliter distare ab ipso centro, cum rectę huiusmodi sunt inaequales, ita nimirum, ut ille magis distet, in cuius planum ab ipso centro maior perpendicularis cadit. Ut si perpendiculares  $xa$ ,  $xd$  ductę a centro  $x$  spherę ACE in plana circulorum BF, CE, fuerint æquales, circuli BF, CE æqualiter distabunt a centro  $x$  ipsius spherę. Si vero recta  $xa$  maior fuerit, quam recta  $xd$ , distantia circuli BF a centro  $x$  distantiam circuli CE ab eodem centro superabit.

Fig. 11.  
Tab. 8.

### DEFINITIO XL

28. Unus circulus in sphaera alterum orthogonaliter secare dicitur, cum unius planum alterius circuli planum ita dirimit, ut non magis in unam, quam in alteram partem inclinet. Dicitur vero secare oblique, cum eadem ubique non est unius in alterum inclinatio. Orthogonaliter itaque circulus AECF secat circulum BEDF in sphaera ABCD, quia planum circuli AECF ita dirimit planum circuli BEDF, ut segmentum circulare EAF ad perpendicularum plano circuli BEDF insistat. Contra vero circulus DEAF oblique secat circulum BECF; quia ita illum dispescit, ut segmentum circulare EAF oblique plano circuli BECF incumbat.

Fig. 14.  
Fig. 12.  
Tab. 8.

### DEFINITIO XL

29. Circuli in sphaera paralleli vocantur illi, quorum plana sunt inter se parallela. Ut si planum circuli BF parallelum fuerit plano circuli CE, duo circuli BF, CE in sphaera ABE erunt paralleli.

Fig. 13.  
Tab. 8.

### COROLLARIUM.

30. Peripherię circulorum in sphaera parallelorum sunt inter se parallela. Nisi enim peripherię circulorum parallelorum in sphaera sint inter se parallelę, eorum plana nequeunt esse sibi mutuo parallela.

De-



DEFINITIO XIII.

31. *Anguli sphaerales sunt illi, qui in sphaerae superficie a peripheriis duorum circularum ipsius sphaerae se mutuo secantium in ea producuntur.* Ut si peripheria circuli BED secet in puncto E peripheriam circuli AEC in sphaera ABC, anguli BEA, AED, CED, BEC in illius superficie producti, *sphaerales* vocantur. Et si autem arcus omnium circularum tam maximorum, quam non maximorum sphaerae *angulos sphaericos* in illius superficie constituere possint, verumtamen ii tantummodo anguli in sphaera spectantur, qui a peripheriis circularum maximorum in ejus superficie producuntur. Hi ergo dividi solent in *rectos, acutos, & obtusos*, ut de angulis planis rectilineis alibi diximus.

Fig. 14.  
Tab. 8.

DEFINITIO XIV.

32. *Angulus sphaeralis rectus est ille, qui fit in superficie sphaerae a peripheriis duorum circularum maximorum sese mutuo orthogonaliter secantium.* Ut si in sphaera ABCD duo circuli maximi BEDF, AECF sese orthogonaliter secant, anguli AEB, AED, CEB, CED ab eorum peripheriis in illius superficie producti, erunt anguli sphaerales recti.

Fig. 14.  
Tab. 8.

DEFINITIO XV.

33. *Angulus sphaeralis acutus est ille, qui minor est recto. Angulus vero sphaeralis obtusus est ille, qui rectum superat.* Sphaeralis acutus est angulus AEB; obtusus vero angulus AEC. Quemadmodum ergo duo circuli in sphaera maximi, cum orthogonaliter sese mutuo secant, quatuor rectos angulos in puncto sectionis efficiunt, ita si oblique sese dispescant, binos angulos sphaerales acutos, totidemque obtusos in communi sectionis puncto constituunt.

Fig. 12.  
Tab. 8.

## DEFINITIO XVI.

Fig. 14.  
Tab. 8. 34. *Mensura anguli sphaeralis a duobus circulis in sphaera maximis sese mutuo interfecantibus producti, est arcus circuli circa sectionis punctum in ipsa sphaera descripti, inter arcus angulum ipsum constituentes comprehensus. Sic mensura anguli sphaeralis BEA est arcus BA circuli ABCD descripti in ipsa sphaera circa punctum E, comprehensus inter arcus BE, AE, qui angulum ipsum BEA constituunt.*

## COROLLARIUM.

Fig. 14.  
Tab. 8. 35. *Angulus sphaeralis productus a duobus circulis in sphaera maximis erit tot graduum, & minutorum, quot gradus, & minuta complectitur arcus circuli circa sectionis punctum in sphaera descripti, inter arcus angulum ipsum constituentes comprehensus. Tot nimirum graduum, & minutorum erit angulus sphaeralis BEA, quot gradus, & minuta complectitur arcus BA, qui ipsius anguli quantitatem determinat.*

## DEFINITIO XVII.

Fig. 13.  
Tab. 5. 36. *Distantia a se mutuo duorum circulorum sphaera eisdem polos habentium est arcus circuli per ipsorum polos transeuntis, inter peripherias ipsorum circulorum comprehensus. Ut si duo circuli BF, CE eisdem polos habeant A, D, per quos transeat circulus ABDF, mensura distantiae circuli BF a circulo CE erit arcus BC ipsius circuli ABDF, qui inter peripherias ipsorum circulorum BF, CE continetur.*

## COROLLARIUM.

37. *Tot graduum, & minutorum est distantia duorum circulorum a se mutuo, quorum iidem sint poli, quot gradus, & minuta sunt in arcu, qui ipsorum distantiam metitur. Sic tot gra-*

*graduum* , & *minutorum* est distantia a se mutuo duorum circulorum BF , CE , quot sunt *gradus* , & *minuta* in arcu BC.

T H E O R E M A I.

*Si sphaera secetur plano quomodocunque , communis sectio sphaera , & plani erit circulus .*

I.

38 Sphaera ABCD secetur plano , quod per illius centrum Theod. G transeat , sitque communis sectio BEDF . Dico , hanc l.1 p.1. esse circulum.

*Demonstratio.*

A centro G sphaerae ad curvam BEDF in plano sectionis BEDF ducantur rectae GE , GH , GD , GF , & aliae <sup>Fig. 34.</sup> quocumque . Cum igitur punctum G sit centrum <sup>Tab. 8.</sup> sphaerae ABCD , rectaeque GE , GH , GD , GF ipsius radii (a) , erunt omnes inter se aequales (b) . Ergo sectio BEDF est circulus (c) .

II.

39. Secetur modo sphaera ABE plano CE extra illius <sup>Fig. 13.</sup> centrum x <sup>Tab. 8.</sup> traducto . Dico , sectionem quoque CbE esse circulum .

*Demonstratio.*

A centro x ipsius sphaerae ad planum sectionis CE ducatur recta perpendicularis xd . A puncto vero d ad extremum plani CE rectae ducantur dC , db , dE , & jungantur puncta x , C \* x , b \* x , E , rectis xC , xb , xE . Quoniam igitur recta xd perpendicularis est plano CE , perpendicularis

iti-

(a) Lib. XI. §. 55.

(b) Ibidem §. 56.

(c) Lib. VII. §. 1.

itidem erit rectis  $dC$ ,  $db$ ,  $dE$  (a), atque ideo recti erunt anguli  $xdC$ ,  $xdb$ ,  $xdE$  (b), & triangula  $xdC$ ,  $xdb$ ,  $xdE$  erunt rectangula (c). Quamobrem quadrata laterum  $xd$ ,  $dC$  æqualia erunt quadrato hypotenuse  $xC$ , sicuti etiam quadrata laterum  $xd$ ,  $db$  quadrato hypotenuse  $xb$  (d). Sunt autem quadrata rectarum  $xC$ ,  $xb$  æqualia (e); cum lineæ ipsæ  $xC$ ,  $xb$ , utpote sphaeræ radii, sint inter se æquales (f). Ergo quadrata itidem laterum  $xd$ ,  $dC$  simul sumta æqualia erunt quadratis laterum  $xd$ ,  $db$  (g). Ablato propterea communi quadrato lateris  $xd$ , erit quadratum lateris  $dC$  quadrato lateris  $bd$  æquale (h). Quadrata autem æqualia habent latera æqualia (i). Ergo recta  $dC$  rectam  $db$  æquabit. Eodem modo ostendam, duas quoque  $db$ ,  $dE$  esse æquales. Igitur æquales sunt inter se tres rectæ  $dC$ ,  $db$ ,  $dE$  (k), eandemque ob causam omnes rectæ, quæ a puncto  $d$  in curvam  $CE$  duci possunt; ac proinde sectio  $CbE$  erit circulus (l). Si ergo sphaera &c. quod erat ostendendum.

## C O R O L L A R I U M I.

*Centrum circuli in sphaera, qui per ipsius sphaera centrum transit, diversum non est a centro ipsius sphaera.*

Theod. 40. Ostensum est enim, punctum  $G$ , quod est centrum  
 l. 1. Cor. sphaeræ  $ABCD$ , centrum quoque esse circuli  $BEDF$ , qui  
 p. 1. per ipsius sphaeræ centrum transit.  
 Fig. 14.  
 Tab. 8.

## C O R O L L A R I U M II.

*Diameter circuli per sphaera centrum transeuntis est etiam diameter ipsius sphaera.*

41. Cum enim diameter eam sphaeræ, quam circuli sit re-  
 sta

- (a) Lib. VIII. §. 3.  
 (b) Lib. III. §. 23.  
 (c) Lib. V. §. 29.  
 (d) Lib. VI. §. 37.  
 (e) Lib. I. §. 187.  
 (f) Lib. XI. §. 16.

- (g) Syn. Alg. §. 265.  
 (h) Ibidem §. 266.  
 (i) Lib. I. §. 187.  
 (k) Syn. Alg. §. 259.  
 (l) Lib. VII. §. 1.

## Liber XII.

55.

ætā transiens per utriusque centrum; & peripheria circuli in sphaera positi tota in ipsius sphaeræ superficie consistat (a), idem nequit esse centrum sphaeræ, & circuli in illa descripti, nisi eadem quoque sit utriusque diameter.

### C O R O L L A R I U M III.

*Recta ducta a centro sphaera in planum circuli extra illius centrum transeuntis, eique ad perpendicularum incumbens, transit per centrum ipsius circuli.*

42. Si nimirum recta  $Xd$  ducta a centro  $x$  sphaeræ  $ABDE$  in planum circuli  $CbE$  fuerit ipsi plano perpendicularis, punctum  $d$  erit centrum ipsius circuli. Demonstravimus enim, rectas omnes  $dC$ ,  $db$ ,  $dE$ , quæ a puncto  $d$  in peripheriam  $CbE$  cadunt, esse inter se æquales. Theod. lib. 1. Cor. 2. p. 1. Fig. 12. Tab. 2.

### T H E O R E M A II.

*Recta linea ducta a centro sphaera in centrum circuli extra ipsius sphaera centrum transeuntis, est plano ipsius circuli perpendicularis.*

43. Extra centrum  $A$  sphaeræ  $DBC$  habeatur circulus  $BC$ , in cujus centrum  $a$  cadat a centro  $A$  ipsius sphaeræ recta  $Aa$ . Dico, rectam huiusmodi plano circuli  $BC$  ad perpendicularum incumbere. Theod. l. 1. p. 7.

### Demonstratio.

Enim vero si recta  $Aa$  perpendicularis non est circulo  $BC$ , ducatur a centro  $A$  sphaeræ in planum ipsius circuli recta perpendicularis  $Ab$ . Erit ergo punctum  $b$  centrum circuli  $BC$  (b). Est autem per hypothesin etiam punctum  $a$  centrum ejus-

(a) §. 5.

(b) §. 42.

eiusdem circuli BC. Ergo circuli BC duo sunt centra  $a$ ,  $b$ . Id autem repugnat (a). Ergo punctum  $b$  non est centrum circuli BC; adeoque recta Ab circulo BC ad perpendicularum non incumbit, eandemque ob causam nulla alia præter rectam Aa. Igitur recta linea &c. quod erat ostendendum.

## C O R O L L A R I U M.

*Illi circuli in sphaera aequaliter distant ab illius centro, in quorum centrum aequales rectæ cadunt a centro ipsius sphaera. Inæqualiter vero illi, in quorum centrum a centro sphaera cadunt rectæ inæquales.*

44. Eadem scilicet erit distantia circulorum BF, CE a centro  $x$  sphaeræ ABCF, si rectæ,  $xa$ ,  $xd$  ductæ ab ipsius sphaeræ centro  $x$  in centra  $a$ ,  $d$  ipsorum circulorum fuerint æquales. Inæqualis vero erit distantia, si rectæ  $xa$ ,  $xd$  fuerint inæquales. Illi siquidem circuli æqualiter distare dicuntur a centro sphaeræ, in quorum planum cadunt æquales rectæ perpendiculares a centro ipsius sphaeræ. Illi vero dicuntur distare inæqualiter, in quorum planum inæquales perpendiculares cadunt ab eodem centro (b). Ergo cum rectæ  $xa$ ,  $xd$  perpendiculariter incumbant planis circulorum BF, CE, patet propositum.

Fig. 12.  
Tab. 2.

## T H E O R E M A III.

*Circulus in sphaera, qui per illius centrum transit, est omnium maximus. Et vicissim circuli in sphaera maximi per illius centrum transeunt,*

I.

45. In sphaera ABCD duo habeantur circuli BD, GH, quo-

(a) Lib. VII. §. 14.

(b) §. 27.

## Liber XII.

§ 7

quorum BD transeat per centrum  $a$  ipsius sphaerae. Dico, Theod.  
l. i. p. 6.  
circulum BD majorem esse circulo GH.

### Demonstratio.

Cum enim circulus BD transeat per centrum  $a$  sphaerae ABCD, minime vero circulus GH, diameter circuli BD, non autem circuli GH, erit diameter ipsius sphaerae (a). Est autem diameter sphaerae omnium rectarum, quae in ipsa Fig. 11.  
Tab. 3. sphaera esse possunt, maxima (b). Ergo diameter circuli BD major erit diametro circuli GH. Ille autem circulus major est, qui majorem diametrum habet (c). Ergo circulus BD major erit circulo GH, & eadem ratione omnibus aliis, qui extra centrum  $a$  in ipsa sphaera ABCD haberi possunt, adeoque &c.

## II.

46. Vicissim vero circulus BD sit maximus in sphaera ABCD. Dico, ipsum transire per centrum ipsius sphaerae. Theod.  
l. i. p. 6.

### Demonstratio.

Enimvero, quoniam circulus BD maximus est in sphaera ABCD, illius quoque diameter BD erit maxima rectarum omnium, quae in ipsa sphaera duci possunt. Atqui maxima rectarum in sphaera per illius centrum transit (d). Ergo circulus quoque maximus BD per sphaerae ABCD centrum transeat necesse est. Itaque circulus &c. quod erat ostendendum.

Tom. III.

H

CORO-

(a) §. 41.

(b) Lib. XI. §. 120.

(c) Lib. IX. §. 50.

(d) Lib. XI. §. 119.

## COROLLARIUM I.

*Centrum circuli in sphaera maximi diversum non est a centro ipsius sphaera.*

47. Cum enim huiusmodi circulus transeat per centrum sphaerae, idem erit utriusque centrum (a).

## COROLLARIUM II.

*Idem est centrum omnium circulorum maximorum sphaera.*

48. Etenim cum horum centrum diversum non sit a centro sphaerae (b), & unius sphaerae unicum sit centrum (c), unum erit centrum omnium circulorum maximorum sphaerae.

## COROLLARIUM III.

*Diameten circuli in sphaera maximi est etiam diameter ipsius sphaera.*

49. Neque enim potest esse idem centrum utriusque, quin eadem quoque sit utriusque diameter; cum circuli periphæria in ipsius sphaerae superficie tota consistat (d).

## COROLLARIUM IV.

*Diametri omnium circulorum maximorum sphaerae sunt inter se æquales.*

50. Quandoquidem diametri omnium circulorum maximorum sphaerae sunt etiam diametri ipsius sphaerae (e), quæ omnes sunt inter se æquales (f).

CO-

(a) §. 40.

(b) §. 47.

(c) Lib. XI. §. 116.

(d) §. 5.

(e) §. 49.

(f) Lib. XI. §. 117.



COROLLARIUM V.

*Omnes circuli in sphaera maximi sunt inter se aequales.*

51. Aequales namque sunt inter se omnes illi circuli, quorum diametri sunt aequales (a). Hujusmodi autem sunt omnes diametri circulorum maximorum sphaerae (b). Ergo &c. Theod. I. 1. p. 6. Coroll.

COROLLARIUM VI.

*Quilibet circulus in sphaera maximus sphaeram ipsam bifariam dividit.*

52. Cum enim quilibet circulus in sphaera maximus per ipsius sphaerae centrum transeat, quilibet eorum sphaeram ipsam bifariam dividat necesse est. Dividitur enim sphaera bifariam plano per ipsius sphaerae centrum transeunte (c).

THEOREMA IV.

*Omnes circuli in sphaera maximi se se mutuo bifariam dividunt.*

53. In sphaera ABDC duo habeantur circuli maximi AEDF, BECF. Dico, eos sese mutuo bifariam dividere. Theod. I. 1. p. 11

*Demonstratio.*

Quandoquidem cum idem sit utriusque circuli centrum (d), necesse est, ut sese mutuo dividant. Quoniam vero communis sectio duorum planorum est recta linea (e), recta EF erit sectio duorum circulorum AEDF, BECF, utpote terminata punctis E, F, in quibus ipsorum circulorum periphe-

(a) Lib. IX. §. 30.

(b) §. 57.

(c) Lib. XI. §. 53.

H 2

(d) §. 48.

(e) Lib. VIII. §. 24.

Fig. 12.  
Tab. 8.

ripheriæ sese mutuo dirimunt. Igitur cum idem sit centrum omnium circulorum maximorum sphaeræ, adeoque etiam circulorum AEDF, BECF (a), centrum horum circulorum erit in communi sectione, sive recta EF. Hæc autem in utriusque circuli peripheriam definit, utpote punctis E, F terminata. Ergo recta EF erit utriusque circuli diameter (b). Omnis porro diameter circuli dividit circum ipsum bifariam (c). Ergo circuli AEDF, BECF bifariam a recta EF divisi erunt; ac proinde, cum recta EF sit communis utriusque sectio, circuli AEDF, BECF sese mutuo dividunt bifariam. Omnes itaque circuli in sphaera maximi &c. quod erat ostendendum.

## C O R O L L A R I U M.

*Recta conjungens puncta, in quibus peripheriæ duorum circulorum maximorum sphaera in illius superficie sese mutuo dirimunt, per ipsius sphaera centrum transit.*

**Fig. 12.** 54. Recta nimirum EF, qua simul junguntur puncta E, F,  
**Tab. 2.** in quibus sese mutuo dirimunt peripheriæ duorum circulo-  
 rum maximorum AEDF, BECF in sphaera ABDC, tran-  
 sibat per centrum ipsius sphaeræ. Ostensum est enim, cen-  
 trum circulorum AEDF, BECF esse in recta EF, quæ est  
 communis utriusque sectio. Centrum autem sphaeræ diver-  
 sum non est a centro ipsorum circulorum AEDF, BECF  
 (d), utpote qui in illa sunt maximi. Ergo recta EF conjun-  
 gens puncta mutuae sectionis E, F per ipsius sphaeræ cen-  
 trum transit.

THEO-

(a) §. 46.

(b) Lib. VII. §. 7

(c) Ibidem §. 2.

(d) §. 47.

*Liber XII.*  
T H E O R E M A V.

61

*Circuli in sphaera, qui sese mutuo in ea bifariam  
secant, sunt maximi.*

55. In sphaera ABDC duo habeantur circuli BECF, AEDF, Theod.  
qui in illa sese mutuo bifariam dividant. Dico, eos esse in l. i. p. 12  
ipsa sphaera maximos.

*Demonstratio.*

Cum enim ex hypothese duo circuli BECF, AEDF sese mutuo bifariam dividant, communis ipsorum sectio, recta nimirum EF, per utriusque centrum transibit, seu communis erit utriusque diameter. Hæc enim tantum hujusmodi est, ut circulum in duo æqualia segmenta dispescat (a). Igitur punctum *a*, quod in medio rectæ EF consistit, erit centrum utriusque circuli BECF, AEDF (b); omnesque proinde rectæ *aA*, *aB*, *aE*, *aD*, *aC*, *aF*, & aliæ quocunque ductæ a communi centro *a* in peripherias circulorum BECF, AEDF, erunt inter se æquales (c). Illæ autem peripheriæ sunt in superficie sphaeræ ABDC (d). Ergo rectæ omnes ductæ a puncto *a* in illa omnia sphaericæ superficiei puncta, per quæ transeunt illæ peripheriæ, sunt inter se æquales. Eodem modo ostendam, ductis nimirum aliis circulis, qui cum altero ipsorum BECF, AEDF sese mutuo bifariam dividant, rectas omnes ductas ab eodem puncto *a* in illorum peripherias æquales esse rectis, quæ ab eodem puncto *a* cadunt in peripheriam circuli BECF. Ergo omnes rectæ ductæ a puncto *a* ad superficiem sphaeræ ABDC æquales sunt inter se. Igitur punctum *a* erit ipsius sphaeræ centrum (e). Per illud autem transeunt circuli BECF, AEDF. Ergo sunt in ipsa sphaera maximi (f). Itaque circuli in sphaera &c. quod erat ostendendum.

Fig. 12.  
Tab. 8.

THEO.

(a) Lib. VII. §. 8.

(b) Ibidem §. 3.

(c) Ibidem §. 10.

(d) §. 5.

(e) Lib. XI. §. 51.

(f) §. 45.

## THEOREMA VI.

*Anguli sphaerales ad verticem oppositi, qui fiunt a duobus circulis in sphaera maximis, sunt inter se aequales.*

Fig 1a.  
Tab. 8. 56. Duo circuli maximi AEDF, BECF in sphaera ABDC sese mutuo secant, angulosque efficiant BEA, BED, DEC, CEA, quorum duo BEA, DEC sint ad verticem oppositi, quemadmodum etiam duo BED, AEC. Dico, duos BEA, DEC, sicuti etiam duos BED, AEC esse inter se aequales.

*Demonstratio.*

Duo circuli BECF, AEDF secantur circulo maximo ABDC illis ad perpendicularum insistente, sintque rectae AD, BC communes eorum sectiones. Cum igitur horum omnium circulorum idem sit centrum *a* (a), rectaeque AD, BC in eodem plano ABDC consistant, aequales erunt anguli BaA, DaC ad verticem oppositi, quemadmodum etiam anguli AaC, BaD (b). Igitur arcus quoque BA, DC, nec non arcus AC, BD erunt aequales (c). Est autem arcus BA mensura anguli BEA, & arcus DC mensura anguli DEC (d). Ergo duo anguli BEA, DEC erunt inter se aequales. Eadem ratione aequales erunt etiam duo AEC, BED; cum jam ostensum sit, arcus quoque AC, BD esse aequales. Itaque anguli sphaerales &c. quod erat ostendendum.

## SCHOLIUM.

57. Quod diximus de angulis BEA, DEC, intelligendum est etiam de angulis BFA, DFC. Eadem est enim horum omnium mensura, arcus nimirum BA, DC. Idipsum quoque dicto de angulis BFD, AFC.

THEO-

(a) §. 48

(b) Lib. III. §. 51.

(c) Lib. VII. §. 27.

(d) §. 24.

THEOREMA VII.

*Recta transiens per centrum circuli in sphaera, eique ad perpendicularum incumbens, si utrinque producat, in illius polos definit.*

58. Recta AC transeat per centrum G circuli BEDF in sphaera ABCD, eique ad perpendicularum incumbat. Producat autem utrinque, ita ut in sphaera superficiem definat, sintque A, C extrema illius puncta. Dico, puncta A, C esse polos ipsius circuli BEDF.

Theod.  
I. p. 1.

*Demonstratio*

In peripheria circuli BEDF sumantur puncta B, E, D, F, ad quae ducantur a centro G ipsius circuli rectae GB, GE, GD, GF, & a puncto A rectae AB, AE, AD, AF. Cum igitur recta AG sit ex hypothesi perpendicularis plano BEDF, perpendicularis quoque erit rectis GB, GE, GD, GF (a), eruntque proinde triangula AGB, AGE, AGD, AGF rectangula. Quadratum ergo rectae AB aequale est quadratis rectarum AG, GB; quadratum rectae AE quadratis rectarum AG, GE; quadratum rectae AD quadratis rectarum AG, GD; & quadratum rectae AF quadratis rectarum AG, GF simul sumtis (b). Quoniam autem rectae GB, GE, GD, GF sunt aequales (c), earum quadrata erunt aequalia (d). Illis propterea singulis addito quadrato rectae AG, quadrata rectarum AG, GB aequalia erunt quadratis rectarum AG, GE; harum quadrata quadratis rectarum AG, GD, & haec quadratis rectarum AG, GF. Aequalia autem sunt inter se, quae eidem, vel aequalibus sunt aequalia (e). Ergo aequalia inter se erunt quadrata rectarum AB, AE, AD, AF; ac proinde ipsae quoque AB, AE, AD, AF erunt inter se æ-

Fig. 14.  
Tab. 8.

(a) Lib. VIII. §. 2.  
(b) Lib. VI. §. 17.  
(c) Lib. VII. §. 10.

(d) Lib. I. §. 187.  
(e) Synop. Alog. §. 259.

quales (a). Eodem modo ostendam, rectas omnes, quæ a puncto A in peripheriam BEDF cadere possunt, æquales esse inter se, quemadmodum etiam eas omnes, quæ a puncto C in eandem peripheriam cadere queunt. Igitur, duo puncta A, C sunt poli circuli BEDF (b). Igitur recta transiens &c. quod erat ostendendum.

## COROLLARIUM I.

*Recta transiens per centrum circuli in sphaera, eique ad perpendicularum incumbens, est axis ipsius circuli.*

Fig. 14. Tab. 8. 59. Recta nimirum AC transiens per centrum circuli BEDF in sphaera ABCD, eique ad perpendicularum incumbens, est axis ipsius circuli. Ostensum est enim, rectam huiusmodi transire per ipsius circuli polos A, C, in quo axis ratio consistit (c).

## COROLLARIUM II.

*Recta in sphaera transiens per centrum ipsius sphaera, & per centrum circuli in ea positi, est axis ipsius circuli.*

Fig. 13. Tab. 8. 60. Ut si centrum sphaerae ACE sit punctum x, & centrum circuli CbE in ea positi sit d, recta AD transiens per utrumque centrum x, d, erit axis ipsius circuli CbE. Ostensum est enim, rectam huiusmodi AD ad perpendicularum circulo CbE incumbere (d).

CO-

(a) Lib. I. §. 187.

(b) §. 6.

(c) §. 9.

(d) §. 41.

COROLLARIUM III.

*Recta conjungens centra sphaera, & circuli in ea positi, si utrinque producat, transit per polos ipsius circuli.*

61. Nimirum recta ad conjungens centrum  $x$  sphaerae ACE cum centro  $d$  circuli CbE in ea positi, si utrinque in directum producta fuerit, transibit per ipsius circuli polos A, D. Cum enim hujusmodi recta AD sit axis circuli CbE (a), per illius polos transeat necesse est (b).

Fig. 11.  
Tab. 3.

THEOREMA VIII.

*Recta ducta ab uno in alterum polum circuli in sphaera, transit per centrum sphaera, & ipsius circuli, eique ad perpendicularum incumbit.*

In sphaera ABCD habeatur circulus BFDE, cujus poli sint duo puncta A, C. Ducatur autem a polo A ad polum C recta AC.

Theod.  
L. 1. P. 10.

I.

62. Dico primo, rectam AC transire per centrum ipsius circuli, seu punctum  $a$ , per quod transit recta AC, esse centrum circuli BFDE.

Fig. 11.  
Tab. 3.

*Demonstratio.*

In peripheria circuli BFDE sumantur duo puncta B, D, eaque jungantur polis A, C ipsius circuli ope rectarum AB, AD, CB, CD. Insuper a puncto  $a$  ad ipsa B, D rectae ducantur  $aB$ ,  $aD$ . Quoniam igitur puncta A, C sunt poli circuli BFDE, aequales erunt inter se tum rectae

Tom. III.

I

BA,

(a) §. 60.  
(b) §. 2.

BA, DA, tum rectæ BC, CD (a). Est autem recta AC communis utrique triangulo BAC, DAC: Ergo anguli BAC, DAC erunt inter se æquales (b). Quamobrem si duo spectentur triangula  $\triangle AAB$ ,  $\triangle AAD$ , cum duo latera BA, AD sint æqualia, latus AA sit commune, & anguli BAA, DAA æquales itidem sint inter se, basis quoque BA erit basi DA æqualis (c), . Eodem modo ostendam, rectam quamcumque ductam a puncto a in peripheriam circuli BFDE esse æqualem uni earum BA. Æquales sunt autem inter se, quæ eidem rectæ sunt æquales (d). Ergo omnes rectæ, quæ a puncto a in peripheriam cadunt BFDE, sunt inter se æquales, ac proinde punctum a est centrum ipsius circuli BFDE (e). Igitur recta AC per ipsius circuli centrum transit.

## I I.

63. Dico secundo, rectam AC ductam a polo A ad polum C circuli BFDE, ipsi circulo ad perpendicularum incumbere.

*Demonstratio.*

Per punctum a, quod, ut modo demonstravimus, est centrum circuli BFDE, ducatur recta, sive diameter BD, ad cuius extrema B, D ducantur a polo A ipsius circuli rectæ AB, AD. Cum igitur radii AB, AD æquales sint inter se (f), quemadmodum etiam rectæ AB, AD (g), & recta AA sit communis utrique triangulo  $\triangle AAB$ ,  $\triangle AAD$ , erit angulus AAB angulo AAD æqualis (h). Duo autem huiusmodi anguli valent duos rectos (i): Ergo uterque AAB, AAD erit rectus; ac proinde recta AA erit ipsi BD perpendicularis (k), sicuti etiam recta Ca (l). Eodem modo demonstrabitur, rectam

(a) §. 6.

(b) Ibid. V. §. 32.

(c) Ibidem §. 71.

(d) Syn. Alg. §. 259.

(e) Lib. VII. §. 3.

(f) Ibid. §. 10.

(g) §. 6.

(h) Lib. IV. §. 32.

(i) Lib. III. §. 40.

(k) Lib. III. §. 24.

(l) Ibid. §. 53.



etiam AC perpendicularem esse alteri diametro, omnibusque aliis rectis, quæ in eodem plano BFDE per centrum  $a$  duci possunt. Igitur recta AC ad perpendicularum circulo BFDE incumbit (a); adeoque &c.

III.

64. Dico tertio, rectam AC transire etiam per centrum ipsius sphaeræ ABCD.

*Demonstratio.*

Si namque circulus BFDE ponatur in sphaera maximus, cum illius centrum  $a$  diversum tunc non sit a centro ipsius sphaeræ (b), patet propositum. Ostensum est enim, rectam AC transire per centrum ipsius circuli BFDE. Si vero circulus non sit maximus in sphaera, cuiusmodi non est circulus BC in sphaera DBC, ac proinde per illius centrum A non transeat, adhuc dico, rectam DE ductam a polo D ad polum E ipsius circuli BC transire per centrum sphaeræ DBC. Sit namque, si fieri potest, centrum sphaeræ DBC extra rectam DE, sitque illud punctum  $d$ . Igitur recta  $da$  ducta a centro  $d$  sphaeræ in centrum  $a$  circuli BC, per quod, ut modo vidimus, transit recta illius polos coniungens DE, erit plano circulari BC perpendicularis (c). Ostensum est autem, etiam rectam  $Da$  esse circulo BC perpendicularem. Ergo duæ rectæ  $da$ ,  $Da$  plano BC ad punctum  $a$  perpendiculariter incumbunt. Id autem repugnat (d). Ergo punctum  $d$  non est centrum sphaeræ DBC. Eodem modo ostendam, nullum aliud punctum extra rectam DE esse centrum ipsius sphaeræ DBC. Igitur centrum huiusmodi in ipsa recta DE reperitur; ac proinde recta coniungens polos circuli in sphaera per ipsius sphaeræ centrum tranlit. Itaque recta &c. quod erat ostendum.

I. 2

CO-

(a) Lib. VIII. §. 2.

(b) §. 47.

(c) §. 43.

(d) Lib. VIII. §. 14.

## COROLLARIUM I.

*Axis cujusvis circuli in sphaera transit per centrum tum sphaera, tum ipsius circuli, eique ad perpendicularum incumbit.*

65. Axis enim circuli cujuscumque in sphaera est recta ducta ab uno in alterum polum ipsius circuli (a).

## COROLLARIUM II.

*Axis cujusvis circuli in sphaera est diameter ipsius sphaera.*

66. Diameter namque sphaerae est recta per illius centrum transiens (b), cujusmodi est axis cujusvis circuli in sphaera, ut modo demonstravimus.

## COROLLARIUM III.

*Circulus in sphaera transiens per polos alterius in ea circuli, per ejusdem quoque centrum transit.*

67. Nimirum circulus ABDF in sphaera ABE transiens per polos A, D circuli BF, per ejusdem quoque circuli centrum transibit. Etenim si transit per polos A, D, axis ipsius circuli BF, nempe recta AD, erit in plano circuli transeuntis ABDF. Hic autem transit per centrum circuli BF (c). Ergo per idem centrum transibit quoque circulus ABDF.

Fig. 13.  
Tab. 8.

## COROLLARIUM IV.

*Circulus in sphaera, qui per alterius in ea circuli polos transit, bifariam illum dividit.*

68. Si nempe circulus ABDF transeat per polos A, D circuli

(a) §. 9.

(b) Lib. XI. §. 54.

(c) §. 65.

culi  $BF$ , circum ipsum bifariam dividit. Cum enim circulus  $ABDF$  transeat per centrum circuli  $BF$  (a), ita secabit circum  $BF$ , ut communis ipsorum sectio  $BF$  per illius centrum transeat. Hæc autem est recta linea (b), ipsumque circum recta hujusmodi bifariam dividit (c). Ergo circulus  $ABDF$  dividit bifariam circum  $BF$ . Theod. l. 1. p. 13

COROLLARIUM V.

*Circulus in sphaera, qui per alterius polos transit, est in illa maximus.*

69. Videlicet circulus  $ABCE$  transiens per polos  $A, D$ , circuli  $BF$ , erit maximus in sphaera  $ACF$ . Cum enim recta  $AD$  conjungens polos  $A, D$  sit in plano circuli  $ABCE$ , is erit in sphaera maximus (d). Fig. 13. Tab. 8.

COROLLARIUM VI.

*Arcus circuli, qui metitur in sphaera distantiam tum circuli a suis polis, tum duorum circulorum eodum polos habentium a se mutuo, est arcus circuli in ea maximi.*

70. Hujusmodi siquidem arcus est arcus circuli transeuntis per illorum circulorum polos (e); ac proinde &c.

THEOREMA IX.

*Circulus in sphaera, qui per alterius circuli polos transit, orthogonaliter illum secat.*

71. Esto in sphaera  $ABCD$  circulus  $BEDF$ , per cujus polos  $A, C$  transeat circulus  $AECF$ . Dico, circum  $BEDF$  ortho- Theod. l. 1. p. 13

(a) §. 67.

(b) Lib. VIII. §. 24.

(c) Lib. VII. §. 8.

(d) §. 45.

(e) §. 25., & 36.

orthogonaliter dividi a circulo  $AECF$ .

### *Demonstratio.*

Fig. 14.  
Tab. 8. A polo  $A$  ad polum  $C$  circuli  $BEDF$ , adeoque in plano secantis circuli  $AECF$ , ducta intelligatur recta  $AC$ . Manifestum est, rectam  $AC$  plano circuli  $BEDF$  ad perpendicularum incumbere (a); sique propterea ducatur a puncto  $G$ , per quod transit recta  $AC$ , in plano circuli  $BEDF$  recta  $GD$ , angulus  $AGD$  erit rectus (b). Angulus autem  $AGD$  determinat inclinationem semicirculi  $EA$  ad planum  $BEDF$  (c). Ergo semicirculus  $EA$  ad perpendicularum plano circuli  $BEDF$  incumbit; idemque proinde circulus  $AECF$  circulum  $BEDF$  orthogonaliter secat (d). Circulus ergo in sphaera &c. quod erat ostendendum.

### THEOREMA X.

*Si per polos circuli in sphaera quamplures circuli ducantur, omnes illorum arcus inter polum, & peripheriam ipsius circuli intercepti, sunt inter se aequales.*

Fig. 14.  
Tab. 6. 72. Per polos  $A, C$  circuli  $BEDF$  in sphaera  $ABCD$  ducantur duo circuli  $ABCD, AECF$ . Dico, arcus  $AB, AE, AD, AF$  horum circulorum inter polum  $A$ , & peripheriam  $BEDF$  comprehensos, quemadmodum etiam arcus  $CB, CE, CD, CF$ , qui continentur inter polum  $C$ , eandemque peripheriam  $BEDF$ , esse inter se aequales.

### *Demonstratio.*

Ducantur a polo  $A$  ad puncta  $B, D$  in plano circuli  $ABCD$  rectae  $AB, AD$ , ad puncta autem  $E, F$  in plano circuli  $AECF$  rectae  $AE, AF$ . Quoniam igitur circuli  $ABCD, AECF$  sunt

(a) §. 63.

(b) Lib. VIII. §. 2.

(c) Ibidem §. 10.

(d) §. 28.

sunt in sphaera maximi (a), adeoque æquales inter se (b), rectę AB, AD, AE, AF erunt chordę circulorum æqualium. Sunt autem hujusmodi rectę æquales inter se (c). Ergo arcus quoque AB, AD, AE, AF sunt inter se æquales (d). Eodem modo ostendam, arcus quoque CB, CD, CE, CF esse æquales. Igitur, si per polos circuli sec. quod erat ostendendum.

THEOREMA XI.

*Omnis circulus in sphaera maximus distat a suis polis quadrante circuli maximi. Et vicissim, qui distat a suis polis quadrante circuli maximi, maximus est.*

L

73. Circulus BEDF sit maximus in sphaera ABCD, ejusque poli sint duo puncta A, C. Dico, circulum BEDF distare a polis A, C quadrante circuli maximi. Theod. lib. 2. Coroll. p. 16.

*Demonstratio.*

Ductis namque per polos A, C circulis ABCD, AECF, cum hi sint maximi in ipsa sphaera (e), et bisariam a circulo BEDF, utpote qui maximus est, dividantur (f), arcus BAD, EAF, quemadmodum etiam arcus BCD, ECF, erunt semiperipheriis circulorum maximorum ABCD, AECF. Circuli autem ABCD, AECF æquales sunt inter se (g). Ergo eorum quoque arcus BAD, EAF, BCD, ECF erunt æquales (h). Sunt autem æquales etiam arcus AB, AE, AD, AF, sicuti etiam arcus CB, CE, CD, CF (i). Ergo eorum quilibet erit medietas semicirculi, sive quadrans circuli maximi. Metiuntur autem distantiam circuli BEDF a suis polis A, C (k). Ergo circulus BEDF distat a suis polis

Fig. 1.4  
Tab. 2.

(a) §. 69.

(b) §. 50.

(c) §. 6.

(d) Lib. VII. §. 31.

(e) §. 69.

(f) §. 51.

(g) §. 50.

(h) Lib. I. §. 126.

(i) §. 72.

(k) §. 70.

polis quadrante circuli maximi; adeoque &c.

## I I.

**74.** Vicissim vero circulus  $BEDF$  in sphaera  $ABCD$  distet  
Theod. 2 a suis polis  $A, C$  quadrante circuli maximi, ductis nimirum  
lib. 1. per ejus polos circulis  $ABCD, AECF$ , arcus  $AB, AE, AD,$   
Coroll.  $AF$  sint quadrantes circuli maximi, quemadmodum etiam  
p. 17. arcus  $BC, EC, DC, FC$ . Dico, circulum  $BEDF$  esse circulum  
 maximum.

*Demonstratio.*

Cum enim circulus  $ABCD$  sit maximus in sphaera (a), &  
 arcus  $AB, AD$  sint ipsius quadrantes per hypothesim, recta  
 $BD$  erit diameter ipsius circuli  $ABCD$ . Circulus autem  $ABCD$   
 bifariam dividit circulum  $BEDF$  (b), eorumque communis  
Fig. 14. sectio est recta  $BD$  (c). Ergo recta  $BD$  est diameter etiam  
Tab. 8. circuli  $BEDF$  (d), ac proinde circuli  $ABCD, BEDF$  sunt æ-  
 quales (e). Est autem circulus  $ABCD$  maximus in sphaera  
 $ABCD$ . Ergo circulus quoque  $BEDF$  erit in eadem sphaera  
 maximus. Omnis itaque circulus &c. quod erat ostendendum.

## T H E O R E M A XII.

*Circulus in sphaera maximus alterum in eadem sphaera circulum  
 orthogonaliter secans, bifariam illum secat, & per illius  
 polos transit.*

In sphaera  $ABDF$  habeatur circulus maximus  $ABDF$ , qui  
Theod. 1.1. p. 18 circulum  $CbE$  in eadem sphaera positum orthogonaliter di-  
 vidat.

## I.

**75.** Dico primo, circulum maximum  $ABDF$  bifariam di-  
Fig. 15. videre circulum  $CbE$ .  
Tab. 8.

De-

(a) §. 69.

(b) §. 68.

(b) Lib. VIII. §. 24.

(d) Lib. VII. §. 7.

(e) Lib. IX. §. 30.

*Demonstratio.*

Punctum  $x$  sit centrum sphaerae, adeoque etiam ipsius circuli  $ABDF$  (a). Recta autem  $CE$  sit communis sectio circulorum  $ABDF$ ,  $CbE$  (b). Cum igitur totum planum  $ABDF$  ad perpendicularum ex hypothese insistat plano  $CbE$ , potest in ipso plano  $ABDF$  duci recta, quae per centrum  $x$  ipsius sphaerae transiens, plano  $CbE$  ad perpendicularum incumbat (c). Sit ergo  $AD$  huiusmodi recta perpendicularis plano  $CbE$ . Igitur punctum  $d$  in circulo  $CbE$ , per quod illa transit, erit centrum ipsius circuli  $CbE$  (d). Est autem punctum  $d$  in communi sectione, sive recta  $CE$ . Ergo recta  $CE$  erit diameter circuli  $CbE$  (e). Cumque circuli diameter ipsum bifariam dividat (f), planum, sive circulus  $ABEF$  bifariam dividit circulum  $CbE$ ; adeoque &c.

I I.

76. Dico 2, circulum  $ABDF$  transire per polos circuli  $CbE$ .

*Demonstratio.*

Ostensum est, rectam  $AD$ , quae tota est in plano secantis circuli  $ABEF$ , per sphaerae centrum transit, & circulo  $CbE$  ad perpendicularum incumbit, transire per centrum  $d$  ipsius circuli  $CbE$ . Igitur erit axis ipsius circuli  $CbE$  (g); ejusque proinde extrema puncta  $A$ ,  $D$  erunt poli ejusdem circuli  $CbE$  (h). Duo autem puncta  $A$ ,  $D$  sunt in peripheria circuli  $ABDF$ , quemadmodum tota  $AD$  in ejus plano reperitur. Ergo peripheria circuli  $ABDF$  transit per polos circuli  $CbE$ . Itaque circulus in sphaera maximus &c. quod erat ostendendum.

Tom. II.

K

THEO-

(a) §. 67.

(b) Lib. VIII. §. 24.

(c) Ibidem §. 2.

(d) §. 42.

(e) Lib. VII. §. 7.

(f) Ibidem §. 8.

(g) §. 60.

(h) §. 61.

## THEOREMA XIII.

*Si in sphaera circulus maximus transeat per polos alterius circuli in ea maximi, hic vicissim transibit per polos illius.*

Theod. 77. In sphaera ABCD circulus maximus AECF transeat  
lib. 1. per polos A, C alterius circuli in ea maximi BEDF. Dico,  
Coroll. 1. circulum quoque BEDF transire per polos ipsius AECF.  
p. 15.

*Demonstratio.*

Fig. 14. Cum enim circulus AECF transeat per polos A, C circu-  
Tab. 8. li BEDF, ipsum circulum BEDF orthogonaliter secabit (a),  
ac proinde vicissim circulus ABCF orthogonaliter secabitur  
a circulo BEDF. Est autem circulus BEDF maximus in ip-  
sa sphaera ABCD per hypothesim. Ergo circulus BEDF  
transibit per polos ipsius circuli AECF (b). Itaque si in  
sphaera circulus maximus &c. quod erat ostendendum.

## COROLLARIUM.

*Si duo circuli in sphaera maximi sese mutuo secant in  
polis alterius circuli maximi, is per omnium  
illorum polos transibit.*

Fig. 12. 78. Ut si duo puncta E, F, in quibus sese mutuo secant  
Tab. 8. duo circuli in sphaera maximi AEDF, BECF, fuerint poli  
alterius circuli in ea maximi ABDC, peripheria circuli ABDC  
transibit per polos ipsorum AEDF, BECF. Cum enim cir-  
culus AEDF transeat per polos circuli ABDC, & uterque  
sit maximus, poli circuli AEDF erunt in circulo ABDC. Ea-  
dem ratione in eodem circulo ABDC erunt poli circuli BECF;  
cum is quoque per polos ipsius circuli ABDC transeat. Ergo  
poli utriusque circuli AEDF, BECF in circulo ABCD re-  
periuntur; adeoque &c.

THEO-

(a) §. 71.

(b) §. 76.



THEOREMA XIV.

*Circulus in sphaera maximus alterum in ea non maximum bifariam secans, orthogonaliter ipsum secat, & per illius polos transit.*

In sphaera AB<sup>EF</sup> circulus maximus AB<sup>EF</sup> alterum in illa non maximum CbE bifariam dividat. Theod. l. 1. p. 14

I.

79 Dico primo, circulum AB<sup>EF</sup> orthogonaliter secare circulum CbE.

*Demonstratio.*

Enimvero, cum planum circuli AB<sup>EF</sup> bifariam dividat circulum CbE, transibit per illius centrum *d*. Cumque centrum sphaerae AB<sup>F</sup> sit etiam centrum ipsius circuli AB<sup>EF</sup> (a), recta *xd* ducta a centro *x* sphaerae ad centrum *d* circuli CbE, erit in plano ipsius circuli AB<sup>EF</sup>. Est autem recta *xd*, sive tota AD perpendicularis plano circuli CbE (b). Ergo planum quoque circuli AB<sup>EF</sup> erit plano circuli CbE perpendicularis (c), ipsumque proinde circulum CbE orthogonaliter secabit (d). Fig. 13.  
Tab. 3.

I I.

80. Dico 2, peripheriam circuli AB<sup>EF</sup> transire per polos circuli CbE.

*Demonstratio.*

Ostensum est, rectam AD, quae transit per centrum *d*

K 2

cir.

(a) §. 46.

(b) §. 43.

(c) Lib. VIII. §. 7.

(d) §. 28.

circuli  $CbE$ , ad perpendicularum ipsi circulo incumbere. Transibit ergo recta  $AD$  per polos ipsius circuli  $CbE$ , extrema nimirum illius puncta  $A, D$  erunt poli circuli  $CbE$  (a). Per huiusmodi autem puncta  $A, D$  transit peripheria circuli  $ABEF$ ; cum tota  $AD$  in huiusce circuli plano consistat. Ergo circulus  $ABEF$  transit per polos circuli  $CbE$ , quem bifariam dividit. Itaque circulus in sphaera &c. quod erat ostendendum.

### THEOREMA XV.

*Si duo circuli in sphaera maximi sese mutuo oblique secant, distantia polorum eorundem erit angulo obliquitatis aequalis.*

Fig. 12.  
Tab. 3. 81. Duo circuli in sphaera maximi  $BECF, AEDF$  sese mutuo in ea oblique secant. Sintque  $M, L$  poli circuli  $BECF$ , &  $H, N$  poli circuli  $AEDF$ ; qui omnes erunt in peripheria ejusdem circuli maximi  $ABC$ , cujus poli sunt puncta sectionum  $E, F$  (b). Dico, distantiam poli  $M$  a polo  $N$ , & poli  $L$  a polo  $H$ , æqualem esse arcui, qui metitur angulum obliquitatis  $BEA$  ipsorum circulorum  $BECF, AEDF$ .

### Demonstratio.

Cum enim circulus  $ABC$  transeat per polos  $M, L$  circuli  $BECF$ , simulque per polos  $N, H$  circuli  $AEDF$ , mensura anguli obliquitatis  $BEA$  erit arcus  $BA$ , & mensura anguli ad verticem oppositi  $DEC$  erit arcus  $DC$  ipsius circuli maximi  $ABC$  (c). Quoniam igitur punctum  $N$  est polus circuli  $AEDF$ , arcus  $AN$  erit quadrans circuli  $ABC$  (d). Eadem ratione, cum punctum  $M$  sit polus circuli  $BECF$ , arcus  $MB$  erit quadrans ejusdem circuli  $ABC$ . Omnes autem quadrantes ejusdem circuli sunt æquales. Ergo arcus  $AN$  æqualis erit arcui  $MB$ ; sublatoque proinde communi arcui  $AM$ , erit

re-

(a) §. 66.

(b) §. 77.

(c) §. 34.

(d) §. 73.

reliquus MN reliquo AB æqualis (a). Eodem modo ostendam, arcum HL æqualem esse arcui DC. Igitur distantia poli M a polo N æqualis est arcui BA, qui metitur angulum obliquitatis BEA, & distantia poli H a polo L arcum adæquat DC, qui angulum quoque metitur DEC eorundem circulorum BECF, AEDF. Itaque si duo circuli &c. quod erat ostendendum.

*C O R O L L A R I U M.*

*Si duo circuli in sphaera maximi sese mutuo oblique secant, eadem erit distantia polorum eorundem inter se mutuo.*

82. Ut si puncta H, N sint poli circuli maximi AEDF, & puncta M, L poli circuli itidem maximi BECF, oblique alterum AEDF in sphaera secantis, distantia poli N a polo M æqualis erit distantiae poli H a polo L. Cum enim anguli obliquitatis BEA, DEC, utpote ad verticem oppositi, sint æquales (b), æquales erunt arcus BA, DC, qui sunt illorum mensura. Constat est autem, arcum BA æqualem esse arcui MN, & arcum DC arcui HL, qui distantiam metiuntur polorum M, N\* H, L a se mutuo. Ergo arcus quoque MN, HL sunt inter se æquales (c); adeoque &c.

Fig. 12.  
Tab. 3.

*T H E O R E M A XVI.*

*Circuli in sphaera æquales aequaliter ab illius centro distant. Et vicissim, qui æqualiter a sphaeræ centro distant, sunt æquales.*

I.

83. In sphaera ABDF duo habeantur circuli æquales BaF, CbE. Dico, eos æqualiter distare a centro x ipsius sphaeræ.

Theod.  
L. I. p. 6.

(a) Syn. Algeb. §. 266.  
(b) §. 56.

(c) Syn. Algeb. §. 259.

De:

*Demonstratio.*

Fig. 13.  
Tab. 8. Cum enim circuli  $BaF$ ,  $CbE$  æquales sint inter se, eorum diametri  $BF$ ,  $CE$  erunt æquales (a). Rectæ autem in sphaera æquales æqualiter ab illius centro distant (b). Ergo eadem erit distantia utriusque diametri  $BF$ ,  $CE$  a centro sphaerae  $x$ . Manifestum porro est, rectas  $BF$ ,  $CE$  transire per centra  $a$ ,  $d$  circularum  $BaF$ ,  $CbE$  (c). Ergo eadem quoque erit distantia utriusque centri  $a$ ,  $d$  a centro sphaerae  $x$  (d). adeoque etiam ipsorum circularum  $BaF$ ,  $CbE$  (e). Quippe hoc ipso rectæ  $xa$ ,  $xd$  ductæ a centro sphaerae  $x$  in ipsa centra  $a$ ,  $d$  sunt æquales. Æquales itaque circuli &c.

## I I.

84. Vicissim vero duo circuli  $BaF$ ,  $CbE$  æqualiter distant a centro  $x$  sphaerae  $ABDF$ . Dico, illos esse inter se æquales.

*Demonstratio.*

Et enim, cum eadem sit distantia utriusque circuli  $BaF$ ,  $CbE$  a centro sphaerae  $x$ , rectæ  $xa$ ,  $xd$  ductæ a centro ipsius sphaerae in centra circularum  $a$ ,  $d$  erunt æquales (f). Quamobrem diametri  $BF$ ,  $CD$  ipsorum circularum  $BaF$ ,  $CbE$  æqualiter distabunt a centro  $x$  sphaerae (g). Rectæ namque  $xa$ ,  $xd$  ad perpendicularum ipsius  $BF$ ,  $CE$  insunt (h), cum ad perpendicularum incumbant planis circularibus  $BaF$ ,  $CbE$  (i). In sphaera autem rectæ illæ æquales sunt inter se, quæ æqualiter ab illius centro distant (k). Ergo diametri  $BF$ ,  $CE$ , ac proinde ipsi quoque circuli  $BaF$ ,  $CbE$ , sunt æquales (l). Itaque in sphaera circuli &c. quod erat ostendendum.

## THEO-

- (a) Lib. IX. §. 30.  
(b) Lib. XI. §. 118.  
(c) Lib. VII. §. 7.  
(d) Lib. IV. §. 71.  
(e) §. 27.  
(f) §. 27.

- (g) Lib. XI. §. 68.  
(h) Lib. VIII. §. 2.  
(i) §. 27.  
(k) Lib. XI. §. 118.  
(l) Lib. IX. §. 30.

THEOREMA XVII.

*Circuli in sphaera eo minores sunt, quo magis ab illius centro distant.*

85. In sphaera A C sint duo circuli  $DE$ ,  $BC$  inaequaliter ab illius centro  $F$  distantes, sit nimirum distantia circuli  $BC$  <sup>Theod. l. 1. p. 6.</sup> major; minor vero distantia circuli  $DE$ . Dico, circulum  $BC$  circulo  $DE$  minorem esse.

*Demonstratio.*

Cum enim distantia circuli  $BC$  a centro sphaerae  $F$  distantiam superet circuli  $DE$  ab eodem centro, si a centro sphaerae  $F$  ducantur in centra  $a$ ,  $b$  ipsorum circulorum rectae  $Fa$ , <sup>Fig. 1.</sup>  $Fb$ , <sup>Tab. 9.</sup> recta  $Fa$  major erit recta  $Fb$  (a). Sunt autem rectae  $Fa$ ,  $Fb$  perpendiculares ipsis circulis  $BC$ ,  $DE$  (b), adeoque etiam eorum diametris  $BC$ ,  $DE$  (c). Ergo distantia rectae  $BC$  a centro  $F$  major erit; quam distantia rectae  $DE$  ab eodem centro (d). In sphaera autem illa recta linea minor est, quae magis ab ipsius sphaerae centro distat (e). Ergo recta  $BC$  minor erit recta  $DE$ . Est autem recta  $BC$  diameter circuli  $BC$ , & recta  $DE$  diameter circuli  $DE$ . Ergo circulus  $BC$  minor erit circulo  $DE$  (f). Itaque circuli &c. quod erit ostendendum.

COROLLARIUM.

*Circuli in sphaera eo minores sunt, quo illius polis sunt viciniore.*

86. Quo namque viciniore sunt illius polis, eo magis ab ipsius sphaerae centro distant.

THEO-

(a) §. 44.

(b) §. 43.

(c) Lib. VIII. §. 2.

(d) §. 27.

(e) Lib. XII. §. 119.

(f) Lib. IX. §. 80.

## THEOREMA XVIII.

*Circuli in sphaera paralleli eisdem polos habent. Et vicissim circuli in sphaera eisdem polos habentes, sunt paralleli.*

I.

Theod. 87. In sphaera  $ABDE$  sint duo circuli paralleli  $BF$ ,  $CE$ ,  
1.2.p.1. sintque duo puncta  $A$ ,  $D$  poli circuli  $BF$ . Dico hujusmodi puncta  $A$ ,  $D$  polos quoque esse circuli  $CE$ .

*Demonstratio.*

Fig. 33, Cum enim recta  $AD$  conjungens polos circuli  $BF$  ad per-  
Tab. 8. pendiculum incumbat plano circuli  $BF$  (a) plano quoque circuli  $CE$  erit perpendicularis (b). Transit autem per centrum sphaerae  $ABCF$  (c). Ergo transibit quoque per centrum circuli  $CE$  (d); definitque proinde utrinque producta in polos ipsius circuli  $CE$  (e) Definit autem in puncta  $A$ ,  $D$ . Ergo hujusmodi puncta erunt poli circuli  $CE$ . Sunt autem poli etiam circuli  $BF$  per hypothefim. Igitur circulorum  $BF$ ,  $CE$  iidem sunt poli  $A$ ,  $D$ ; adeoque &c.

II.

Theod. 88. Vicissim vero circulorum  $BF$ ,  $CE$  iidem sint poli  $A$ ,  $D$ .  
1.11.p.2. Dico, circulos  $BF$ ,  $CE$  esse parallelos.

*Demonstratio.*

Cum utriusque circuli  $BF$ ,  $CE$  iidem ex hypothefi sint poli  $A$ ,  $D$ , idem quoque erit utriusque axis  $AD$  (f). Axis autem

(a) §. 63.

(b) Lib. VIII. §. 28.

(c) §. 64.

(d) §. 42.

(e) §. 61

(f) §. 12.

autem cujuscunque circuli in sphaera plano ipsius circuli ad perpendicularum incumbit (a). Ergo recta AD perpendicularis erit plano utriusque circuli BF, CE. Illa autem plana sunt inter se parallela; quibus eadem recta linea perpendiculariter insistit (b). Ergo circuli BF, CE sunt inter se paralleli. Itaque circuli. &c. quod erat ostendendum.

COROLLARIUM I.

*Circuli in sphaera paralleli eundem axem habent.*

89. Cum enim horum circulorum iidem sint poli, idem quoque erit axis (c).

COROLLARIUM II.

*Circuli in sphaera, quorum idem est axis, sunt inter se paralleli.*

90. Idem enim nequit esse circulorum axis, quin iidem itidem sint eorum poli (d).

COROLLARIUM III.

*Si poli sphaera sint etiam poli unius circuli in ea descripti, erunt etiam poli omnium circulorum, qui sunt illi paralleli.*

91. Ostensum enim est, omnes circulos in sphaera parallelos habere eundem polos.

COROLLARIUM IV.

*Si axis sphaera sit etiam axis unius circuli in illa descripti, erit etiam axis omnium illorum circulorum, qui sunt illi paralleli.*

92. Omnium siquidem circulorum in sphaera parallelorum idem est axis (e).

Tom. III.

L

CO.

(a) §. 65.

(d) §. 9.

(b) Lib. VIII. §. 25.

(e) §. 89.

(c) §. 12.

## C O R O L L A R I U M V.

*Omnes circuli in sphaera, quorum poli diversi non sunt  
a polis sphaerae, sunt inter se paralleli.*

93. Omnes enim hoc ipso habent eisdem polos. Ergo sunt paralleli.

## C O R O L L A R I U M VI.

*Omnes circuli in sphaera, quorum axis diversus non est  
ab axe sphaerae, sunt inter se paralleli.*

94. Idem siquidem tunc est omnium axis.

## C O R O L L A R I U M VII.

*Circuli in sphaera aequaliter distantes ab illius polis sunt  
inter se paralleli.*

Fig. 13.  
Tab. 8. 95. Ut si duo circuli BF, CE in sphaera ABDE distantes  
ex æquo fuerint ab illius polis A, D, erunt inter se paral-  
leli. Hi namque circuli habent hoc ipso eisdem polos A,  
D (a).

## T H E O R E M A XIX.

*Circulus in sphaera maximus transiens per polos unius  
circuli in ipsa sphaera, bisariam atque orthogonaliter  
omnes dividit circulos, qui sunt ei paralleli.*

Fig. 11.  
Tab. 8. 96. Circulus ABCD maximus in sphaera ABCD transeat  
per polos A, C circuli BFDE. Dico, circulum ABCD bi-  
sariam, & orthogonaliter dividere circulum GH circulo  
BFDE parallelum.

De-



*Demonstratio.*

Cum enim circuli  $BFDE$ ,  $GH$  sint paralleli, iidem erunt ipsorum poli  $A, C$  (a). Transiens propterea circulus  $ABCD$  per polos circuli  $BFDE$ , transibit etiam per polos circuli  $GH$ . Circulus autem in sphaera maximus transiens per polos unius in ea circuli, ipsum bisariam, & orthogonaliter dividit (b). Ergo circulus  $ABCD$  bisariam, & orthogonaliter secat circulum  $GH$ , omnesque alios eandem ob causam, qui sunt circulo  $BFDE$  paralleli. Itaque circulus &c. quod erat ostendendum.

THEOREMA XX.

*Circuli in sphaera paralleli interceptiunt aequales arcus circulorum maximorum, qui per illorum polos transeunt.*

97. In sphaera  $ABE$  habeantur duo circuli paralleli  $DE$ ,  $BC$ ; per quorum polos  $A, G$  transeant duo circuli maximi  $ABGE$ ,  $AdGm$ . Dico, horum maximorum, circulorum arcus  $BD$ ,  $de$ ,  $EC$ ,  $mn$ , quos duo ipsi circuli paralleli  $DE$ ,  $BC$ , interceptiunt, esse inter se aequales. Fig. 1.  
Tab. 9.

*Demonstratio.*

Cum enim circuli  $ABGE$ ,  $AdGm$  sint per hypothese in sphaera maximi, aequales erunt inter se (c). Sunt autem ipsorum arcus  $AD$ ,  $AE$ ,  $Am$ ,  $Ad$  inter se aequales, sicuti etiam arcus  $GB$ ,  $GC$ ,  $Ge$ ,  $Gn$  (d); cum puncta  $A, G$  sint poli circulorum  $DE$ ,  $BC$ . Ergo, illis ablatis, qui superiunt, arcus  $DB$ ,  $EC$ ,  $de$ ,  $mn$  erunt quoque inter se aequales (e). Itaque circuli &c. quod erat ostendendum.

L. 2

THEO-

(a) §. 87.

(b) §. 71 75.

(c) §. 51.

(d) §. 72.

(e) Syn. Algeb. §. 366.

## THEOREMA XXI,

*Circuli in sphaera equaliter distantes a polis ipsius  
sphaera sunt inter se aequales.*

98. In sphaera ABDF duo habeantur circuli BF, CE, qui æqualiter distent a polis A, D ipsius sphaeræ. Dico, illos esse inter se æquales.

*Demonstratio.*

Quoniam utriusque circuli BF, CE iidem sunt poli A, D (a), ducatur per polos ipsos A, D circulus ABDF, qui erit in ipsa sphaera maximus (b). Tum in plano ipsius circuli a polo A ad peripheriam circuli BF ducantur rectæ AB, AF, quemadmodum etiam a polo D ad peripheriam circuli CE rectæ DC, DE. Quoniam igitur distantia circuli BF a polo A æqualis est distantia circuli CE a polo D, rectæ AB, AF æquales erunt tum inter se (c), tum rectis DC, DE (d). In circulo autem æquales rectæ æquales arcus subtendunt (e). Ergo arcus AB, AF, DC, DE, atque adeo etiam arcus BAF, CDE, erunt inter se æquales. In eodem autem circulo æqualium arcuum æquales sunt chordæ (f). Igitur rectæ BF, CE erunt æquales. Constat porro, rectas BF, CE esse diametros circulorum BF, CE; cum circulus maximus ABDF bifariam dividat utrumque circulum BF, CE, ac proinde per illorum centrum transeat (g). Ergo circuli BF, CE sunt æquales (h). Itaque circuli &c. quod erat ostendendum.

THEO-

- (a) §. 19.
- (b) §. 169.
- (c) §. 14.
- (d) §. 17.
- (e) Lib. VII. §. 37.
- (f) Ibidem §. 38.
- (g) §. 75.
- (h) Lib. IX. §. 50.

T H E O R E M A XXII.

*Si duo circuli in sphaera maximi sese mutuo ad angulos rectos secuerint, quemlibet circumulum circa puncta sectionum descriptum in quatuor aequales partes dividunt.*

99. Duo circuli in sphaera maximi ABCD, AECF, sese mutuo dividant ad angulos rectos in punctis A, C. Describatur autem circa punctum sectionis A circulus BEDF. Dico, circumulum ipsum BEDF, in quatuor aequales partes dividi a circulis ABCD, AECF. Fig. 14.  
Tab. 2.

*Demonstratio.*

Cum enim circulus BEDF descriptus sit circa punctum A, duo sectionum puncta A, C erunt poli ipsius circuli (a); cumque per ipsos transcant circuli ABCD, AECF, ambo quoque transibunt per centrum G ipsius circuli (b); eruntque propterea communes sectiones, sive rectae BD, EF, diametri ejusdem circuli BEDF (c). Duo autem circuli ABCD, AECF sese mutuo secant ad angulos rectos. Ergo recti, ac proinde aequales inter se, erunt quatuor anguli BGF, BGE, EGD, FGD, quos in centro G circuli BEDF rectae BD, EF constituunt. Quamobrem circulus BEDF in quatuor quadrantes sectus erit a duobus circulis ABCD, AECF. Itaque si duo circuli &c. quod erat ostendendum.

T H E O R E M A XXIII.

*Si per polos plurium circularum parallelorum sphaerae ducantur duo circuli maximi, arcus ipsorum circularum, inter maximorum peripherias comprehensi, sunt sibi mutuo similes.*

100. In sphaera ACDE habeantur duo circuli paralleli BnF. Cme

(a) § 7.

(b) §. 67.

(c) Lib. VII. §. 7.

*Fig. 2.*  
*Tab. 9.*  $CmE$ , per quorum polos  $A$ ,  $D$  transeant duo circuli maximi  $ACDE$ ,  $AmDe$ . Dico arcus  $Bn$ ,  $Cm$  circulorum parallelorum  $BnF$ ,  $CmE$  inter illos maximos circulos comprehensos, esse sibi mutuo similes.

### *Demonstratio.*

Cum enim circuli  $BnF$ ,  $CmE$  sint paralleli, rectæ  $Ba$ ,  $Cx$  erunt parallelæ, sicuti etiam rectæ  $na$ ,  $mx$  (a). Rursus cum recta  $AD$  ad perpendicularum utrique circulo  $BnF$ ,  $CmE$  incumbat (b), & per eorum centrum transeat (c), utpote quæ est utriusque circuli axis (d), tam rectæ  $Ba$ ,  $Cx$ , quam rectæ  $na$ ,  $mx$  erunt ipsi  $AD$  perpendiculares; ac proinde anguli  $Ban$ ,  $Cxm$  erunt inter se æquales (e). Est autem angulus  $Ban$  in centro circuli  $BF$ , & angulus  $Cxm$  in centro circuli  $CE$ . Ergo arcus  $Bn$ ,  $Cm$  erunt sibi mutuo similes (f). Itaque si per polos &c. quod erat ostendendum.

### THEOREMA XXIV.

*Duo circuli in sphaera maximi sese mutuo secantes ad angulos rectos, circulum maximum oblique se habentem ad puncta sectionum, atque per polos unius ex illis transeuntem, in quatuor equales partes dividant.*

*Fig. 12.*  
*Tab. 8.* 101. In sphaera  $ABDC$  spectentur duo circuli maximi sese mutuo secantes ad angulos rectos  $ABDC$ ,  $AEDF$  in punctis  $A$ ,  $D$ . Per polos autem  $E$ ,  $F$  circuli  $ABDC$  transeat circulus itidem maximus  $BECF$ , oblique se habens ad puncta sectionum  $A$ ,  $D$ . Dico, circulum  $BECF$  in quatuor equales partes dividi ab ipsis circulis  $ABDC$ ,  $AEDF$ .

(a) Lib. VIII. §. 26.

(b) §. 45.

(c) §. 42.

(d) §. 29.

(e) Lib. VIII. §. 29.

(f) Lib. IX. §. 114.

*Demonstratio.*

Cum enim puncta E, F sint poli circuli ABDC, eorum distantia a peripheria ipsius circuli æquabit quadrantem circuli maximi (a). Ergo quilibet arcus EB, EC, FB, FC erit quarta pars peripheriæ circuli BECF; atque adeo circulus BECF sectus erit in quatuor quadrantes a duobus circulis ABDC, ABDF. Duo itaque circuli &c. quod erat ostendendum.



BLE-

(a) §. 73.

# ELEMENTORUM MATHEMATICORUM LIBER XIII.

De similitudine, & ratione solidorum.

**U**T, quæ de *solidorum similitudine*, & *ratione* dicturum sumus, animum evidentius subeant, memoria repetantur, quæ lib. XI. de *solidorum generi* demonstravimus.

## DEFINITIO I.

1. *Solida similia dicuntur illa, quæ planis numero æqualibus, sibi quæque mutuo similibus continentur.* Sic duo prismata trilatera  $AF$ ,  $af$ , quemadmodum etiam duæ pyramides itidem trilateræ  $DMF$ ,  $dmf$ , sunt corpora similia; quia plana, quibus terminantur, numero æqualia sunt, & inter se similia, nimirum planum  $ADFC$  simile est plano  $adfc$ , planum  $ADEB$  plano  $adeb$ , planum  $BEFC$  plano  $befc$ , planum  $DEF$  plano  $def$ , & planum  $ABC$  plano  $abc$ . In pyramidibus quoque  $DME$ ,  $dme$  similes sunt sibi mutuo bases  $DEF$ ,  $def$ , sicuti etiam triangula  $DMF$ ,  $dmf$  \*  $DME$ ,  $dme$  \*  $EMF$ ,  $emf$ .

Fig. 3.  
Fig. 4.  
Tab. 9.

## COROLLARIUM I.

2. *Anguli solidorum similium, quos homologa plana constituent, sunt inter se æquales.* Hi namque planis figura similibus, & numero æqualibus continentur.

COROLLARIUM II.

3. Omnia corpora regularia ejusdem generis sunt sibi mutuo similia. Etenim plana, quibus regulare corpus clauditur, æqualia sunt, & regularia (a). Omnes autem figuræ planæ regulares ejusdem generis sunt sibi mutuo similes (b). Ergo omnia solida regularia ejusdem generis sunt sibi mutuo similia (c).

COROLLARIUM III.

4. Omnes cubi, omniaque tetrahedra, octahedra, dodecaedra, & icosaedra sunt respectu inter se similia. Omnia enim sunt corpora regularia (d).

COROLLARIUM IV.

5. Quodlibet latus solidi regularis est homologum cuilibet lateri alterius solidi regularis ejusdem generis. Omnia enim plana, quibus corpus regulare terminatur, regularia sunt, & inter se æqualia (e), ac proinde lateribus equalibus terminata (f). Quodlibet autem latus figuræ regularis est homologum cuilibet lateri alterius figuræ regularis ejusdem generis (g). Ergo &c.

DEFINITIO II.

6. Duo cylindri, sicuti etiam duo coni, suis basibus similiter inclinati dicuntur, cum ipsorum axes suis basibus sub aequali angulo insistant. Sic duo cylindri *CFMD*, *cfmd*, quemadmodum etiam duo coni *COD*, *cod*, similiter inclinati sunt basibus *CD*, *cd*; quia æquales sunt anguli *OED*, *oed*, sub quibus ipsorum axes *OE*, *oe* basibus *CD*, *cd* incumbunt.

Fig. 1.  
Fig. 6.  
Tab. 9.

Tom. III.

- (a) Lib. XI. §. 10.
- (b) Lib. IX. §. 3.
- (c) §. 1.
- (d) Lib. XI. §. 10.

M

- (e) Ibidem §. 10.
- (f) Lib. V. §. 20.
- (g) Lib. IX. §. 4.

DE-

## DEFINITIO III.

7. Similes conis, & cylindri sunt illi, quorum axes eandem ad basium diametros, sive radios rationem habent, ipsisque basibus sunt similiter inclinati. Similes nimirum erunt cylindri  $ACDB$ ,  $acdb$ , sicuti etiam cylindri  $FCDM$ , sedm, si sub eodem angulo ipsorum axes  $NE$ ,  $ne$ , aut  $OE$ ,  $oe$  suis basibus  $CD$ ,  $cd$  institerint, fueritque axis  $NE$  ad radium  $ED$  basis  $CD$ , ut axis  $ne$  ad radium  $ed$  basis  $cd$ , similiter axis  $OE$  ad radium  $ED$ , ut axis  $oe$  ad radium  $ed$ . Idipsum dicito de conis  $CND$ ,  $cnd$  \*  $COD$ ,  $cod$ .

Fig. 5.  
Fig. 6.  
Tab. 9.

## COROLLARIUM I.

8. In conis, & cylindris similibus axes sunt directe inter se, ut suarum basium diametri, & semidiametri. Ut si cylindrus  $ACDB$  similis fuerit cylindro  $acdb$ , axis  $NE$  erit ad axim  $ne$ , ut est radius  $ED$  basis  $CD$  ad radium  $ed$  basis  $cd$ , sicuti etiam ut diameter  $CD$  ad diametrum  $cd$ . Similiter si conis  $COD$ ,  $cod$  similes inter se fuerint, erit axis  $OE$  ad axim  $oe$ , ut est radius  $ED$  basis  $CD$  ad radium  $ed$  basis  $cd$ , utque diameter  $CD$  ad diametrum  $cd$ . Etenim ob similitudinem ipsorum corporum erit axis  $NE$  ad radium  $ED$ , ut axis  $ne$  ad radium  $ed$ , sicuti etiam axis  $OE$  ad radium  $ED$ , ut axis  $oe$  ad radium  $ed$  (a). Ergo alternando erit quoque axis  $NE$  ad axim  $ne$ , & axis  $OE$  ad axim  $oe$ , ut est radius  $ED$  ad radium  $ed$  (b); cumque sit diameter  $CD$  ad diametrum  $cd$ , ut est radius  $ED$  ad radium  $ed$  (c), erit quoque axis  $NE$  ad axim  $ne$ , & axis  $OE$  ad axim  $oe$ , ut est diameter  $CD$  ad diametrum  $cd$  (d).

Fig. 5.  
Fig. 6.  
Tab. 9.

## COROLLARIUM II.

9. Si unus duorum cylindrorum, vel conorum similium rectus fue-

(a) §. 7.

(b) Lib. I. §. 125.

(c) Ibidem §. 127.

(d) Ibidem §. 76.



fuerit, alter quoque eorundem rectus erit. Cum enim sint sibi mutuo similes, suis basibus familiariter incumbunt.

# DEFINITIO IV.

10. Sphæra dicitur polyedro circumscripta, cum ejus superficies transit per apices omnium solidorum angulorum ipsius polyedri, & vicissim polyedrum hac ratione in sphæra consistens, illi inscriptum vocatur. Sic sphæra ABC dicitur circumscripta polyedro ABC, & vicissim polyedrum ABC sphærae ABC inscriptum. Fig. 9.  
Tab. 9.

# DEFINITIO V.

11. Sphæra vero dicitur polyedro inscripta, & vicissim polyedrum sphæra circumscriptum nuncupatur, cum ipsius sphæra superficies omnia plana tangit, quibus polyedrum ipsum comprehenditur. Sic sphæra DEF inscripta est polyedro DEF, & vicissim polyedrum DEF est sphærae DEF circumscriptum. Fig. 9.  
Tab. 9.

# DEFINITIO VI.

12. Centrum polyedri regularis est punctum sumtum in illius area, quod est centrum tam sphærae illi circumscriptae, vel circumscriptibilis, quam illi inscriptae, vel inscriptibilis. Hujusmodi est in polyedro ABC punctum Z. Est enim centrum tam sphærae illi circumscriptae ABC, quam inscriptae DEF. Fig. 9.  
Tab. 9.

# DEFINITIO VII.

13. Radius polyedri regularis est recta quaecunque linea ducta ab illius centro ad apices omnium solidorum angulorum, quos polyedrum ipsum continet. Sic rectae ZA, ZM in polyedro regulari ACE ductae ab illius centro Z ad apices solidorum angulorum A, M, sunt illius radii. Fig. 7.  
Tab. 9.

## COROLLARIUM I.

14. Radius polyedri regularis sphaerae inscripti est radius ipsius sphaerae. Est enim recta ducta a sphaerae centro ad illius superficiem; cum idem sit utriusque solidi centrum (a), & sphaerae superficies per apices solidorum angulorum ipsius polyedri transeat (b).

## COROLLARIUM II.

15. Omnes radii polyedri regularis sunt inter se aequales. Diversi namque non sunt a radiis circumscriptae sphaerae (c), qui omnes sunt aequales (d).

## COROLLARIUM III.

16. Radius polyedri regularis sphaerae circumscripti est major semidiametro ipsius sphaerae. Cum enim apices angulorum circumscripti polyedri extra inscriptae sphaerae superficiem positi sint (e), radii ipsius polyedri extra sphaerae superficiem excurrunt.

## DEFINITIO VII.

Fig. 7. Tab. 9. 17. Catetus, sive radius rectus polyedri regularis est recta ducta ab illius centro ad unum planorum, quibus clauditur, eique perpendiculariter insilens. Ut si recta ZN ducta a centro Z polyedri regularis ACE ad planum AMF, illi ad perpendicularum insiterit, recta ZN erit catetus, sive radius rectus polyedri ACE.

## COROLLARIUM I.

18. Catetus polyedri regularis est recta minor ejusdem radio. Catetus nempe ZN polyedri ACE est minor radio ZA ipsius po-

(a) §. 12.  
(b) §. 10.  
(c) §. 14.

(d) Lib. XI. §. 16.  
(e) §. 10.

polyedri. Cum enim *catetus* ZN perpendiculariter insistat plano AMF, minima est omnium rectarum, quæ ab eodem centro Z in idem planum AMF cadere possunt (a). Fig. 7.  
Tab. 9.

COROLLARIUM II.

19. *Catetus polyedri regularis sphaera inscripti est minor semidiametro ipsius sphaera*. Est enim minor ipsius polyedri radio (b), qui ab ejusdem sphaerae radio diversus non est (c).

COROLLARIUM III.

20. *Cateti polyedri regularis sunt altitudines pyramidum, in quas polyedrum quodcumque resolvitur*. Sic *catetus* ZN polyedri ACE est altitudo pyramidis AZMF, quæ est una ex illis, in quas polyedrum ipsum resolveri potest. Recta namque ZN est perpendicularis ducta a vertice Z ipsius pyramidis in ejusdem basim AMF. Fig. 7.  
Tab. 9.

COROLLARIUM IV.

21. *Catetus polyedri regularis sphaera circumscripti est radius sphaera inscripta*. Nimirum *catetus* Za polyedri regularis ABC sphaerae DEF circumscripti diversus non est a radio ipsius sphaerae. Etenim recta, siue radius Za sphaerae DEF ductus a centro Z ad punctum a, in quo ipsa sphaera inscripta tangit faciem Aa circumscripti polyedri ABC, est ipsi plano perpendicularis (d). Fig. 9.  
Tab. 9.

COROLLARIUM V.

22. *Catetus polyedri regularis sphaera circumscripti est minor cateto polyedri eidem sphaera inscripti*. Etenim *catetus* polyedri sphaerae circumscripti est radius ipsius sphaerae (e). *Catetus autem*

(a) Lib. VIII. §. 16.  
(b) §. 18.  
(c) §. 17.

(d) Lib. XI. §. 122.  
(e) §. 21.

autem polyedri inscripti est minor radio sphaerae (a). Ergo minor quoque est cateto circumscripti polyedri.

## COROLLARIUM VI.

23. Omnes cateti polyedri regularis sunt inter se aequales. Sunt namque radii inscriptae sphaerae (b).

## COROLLARIUM VII.

24. Altitudines omnium pyramidum, in quas polyedrum regulare resolvi potest, sunt omnes inter se aequales. Harum enim pyramidum altitudines sunt cateti ipsius polyedri (c); cum earum quaelibet sit recta perpendicularis ducta a vertice in basim.

## THEOREMA I.

Si pyramis secetur plano basi parallelo, pyramis truncata erit similis toti pyramidi.

25. Pyramis ABCD secetur plano *abc* basi BCD parallelo. Dico, pyramidem truncatam *Aabc* similem esse toti pyramidi ABCD.

Fig. 1.  
Tab. 8.

## Demonstratio.

Cum enim plana *abc*, BCD sint parallela, sectiones CD, *bc* erunt rectae parallelae (d). Igitur triangulum *bAc* simile erit triangulo CAD (e). Eadem ratione triangulum *aAb* simile erit triangulo BAC, & triangulum *aAc* triangulo BAD. Est autem etiam sectio *abc* similis basi BCD (f). Ergo duae pyramides *Aabc*, ABCD similibus planis, & quidem numero aequalibus continentur; atque adeo sunt sibi mutuo similes (g).

THEO.

(a) §. 19.

(b) §. 21.

(c) §. 17.

(d) Lib. VIII. §. 26.

(e) Lib. XI. §. 65.

(f) Lib. XI. §. 26.

(g) §. 1.

THEOREMA II.

*Si conus secetur plano basi parallelo, conus truncatus  
erit similis toti cono.*

26. Conus *bad* secetur plano *mn* basi *bd* parallelo, Dico,  
conum truncatum *man* similem esse toti cono *bad*.

*Demonstratio.*

Secetur conus plano per verticem *a*, & per centrum  $\epsilon$  basis traducto, ut proinde axis *ae* in ipso plano sectionis consistat, ipsumque planum per centrum *z* transeat sectionis *mn*. Quoniam igitur sectio *mn* est circulus (a), & quidem parallelus basi *bd*, communes sectiones, sive rectæ *mn*, *bd* erunt parallele (b); cumque planum secans per centrum utriusque circuli *mn*, *bd* transeat, rectæ *bd*, *mn* erunt ipsorum circulorum diametri. Rursum cum sectio *bad* sit triangulum planum rectilineum (c), & recta *mn* sit basi *bd* parallela, si spectetur triangulum *aad*, erit *ea*. *za* = *ed*. *zn* (d). Est autem *ed* semidiameter basis *bd* coni *bad*, & recta *zn* semidiameter basis *mn* coni *man*; recta vero *ae* est axis prioris coni, & recta *az* axis posterioris. Ergo axes conorum *bad*, *man* sunt inter se, ut eorundem basium radii. Sunt autem coni ipsi suis basibus similiter inclinati (e); cum æquales sint anguli inclinationis *axn*, *aed* (f). Ergo duo coni *man*, *bad* sunt sibi mutuo similes (g). Itaque si conus &c. quod erat ostendendum.

Fig. 8.  
Tab. 8.

THEOREMA III.

*Pyramides æqualium basium, & altitudinum sunt  
inter se æquales.*

27. Duæ pyramides *abcd*, ABCD habeant æquales bases  
*bed*

- (a) Lib. XI. §. 91.
- (b) Lib. VIII. §. 26.
- (c) Lib. XI. §. 98.
- (d) Lib. IX. §. 59.

- (e) §. 6.
- (f) Lib. IV. §. 14.
- (g) §. 8.

$bcd$ ,  $BCD$ , & altitudines  $an$ ,  $AN$ . Dico, eas esse inter se æquales.

### Demonstratio

Cum enim eadem sit altitudo utriusque pyramidis, idem  
 Fig. 1. erit in utraque componentium elementorum numerus (a).  
 Fig. 4. Hæc insuper elementa sunt in utraque pyramide *respective*  
 Tab. 1. inter se æqualia, videlicet æqualia sunt inter se, quæ in  
 eadem altitudine sumuntur, ut est,  $BPK$ ; cum sectiones,  
 quibus determinantur, sint inter se æquales (b). Ergo py-  
 ramides  $abcd$ ,  $ABCD$  sunt inter se æquales (c). Itaque py-  
 ramides &c. quod erat ostendendum.

### COROLLARIUM.

*Copi æqualium basium, & altitudinum sunt æquales.*

28. Sunt enim pyramides infinitorum laterum (d);

### THEOREMA IV.

*Omnis pyramis est tertia pars prismatis habentis ean-  
 dem basim, & altitudinem.*

#### I.

Euclid.  
 I. 11.  
 p. 7. 29. Esto primo prisma triangulare  $EBC$ , cujus altitudo  
 sit recta  $FD$ . Sub æquali autem altitudine  $ae$  habeatur py-  
 ramis trilatera  $abcd$ , cujus basis  $bcd$  sit æqualis basi  $BCD$   
 ipsius prismatis. Dico, prisma  $EBC$  triplum esse pyramidis  
 $abcd$ .

### Demonstratio.

Secetur prisma  $EBC$  plano transeunte per punctum  $A$ , &  
 per

(a) Lib. XI. §. 103.

(b) Ibidem §. 110.

(c) Lib. IX. §. 55.

(d) Lib. XI. §. 72.

per rectam BD, tum plano per idem punctum A, & per puncta E, D traducto, ita nimirum ut sectio sit diagonalis ED parallelogrammi EBD<sup>F</sup>. Divisum erit prisma in tres <sup>Fig. 10.</sup> <sup>Fig. 11.</sup> <sup>Tab. 9.</sup> pyramides triangulares BADC, BADE, EADF. Quoniam igitur altitudo pyramidis BADC diversa non est ab altitudine prismatis, adeoque etiam pyramidis *abcd*, pyramides BADC, *abcd* æqualem habebunt altitudinem. Habent autem etiam æquales bases BCD, *bcd* per hypothesim. Ergo pyramides BADC, *abcd* æquales erunt (a). Rursus cum planum BEAC sit parallelogrammum (b), ejusque diagonalis sit recta AB, triangula BAE, BAC erunt æqualia (c). Spectari autem possunt veluti bases pyramidum BADC, BADE. Ergo duæ pyramides BADC, BADE bases habent æquales. Sunt quoque ejusdem altitudinis; cum eadem recta ducta a communi apice D in commune planum EBCA utriusque pyramidis altitudinem definiat. Ergo duæ pyramides BADC, BADE sunt æquales (d). Eodem modo ostendam, etiam duas pyramides ABCD, EDAF esse æquales. Igitur tres pyramides BADC, BADE, EDAF sunt æquales inter se (e); ac proinde prisma ABD est triplum pyramidis ABDC. Ostensum est autem, pyramidem ABDC æqualem esse pyramidi *abcd*. Ergo prisma ABD pyramidis quoque *abcd* triplum erit (f).

I L

30. Sit modo prisma AGH pentagonam habens basim FGHKM. Sub eadem autem altitudine habeatur pyramis <sup>Fig. 12.</sup> <sup>Fig. 13.</sup> <sup>Tab. 2.</sup> *abd*, cujus basis *bedef* similis sit, & æqualis basi FGHKM ipsius prismatis. Dico, prisma AGH triplum esse pyramidis *abd*.

Demonstratio.

Quoniam pentagona FGHKM, *bedef* similia sunt, & æ-

Tom. III.

N

qualia,

(a) §. 27.

(d) §. 27.

(b) Lib. XI. §. 17.

(e) Syn. Alg. §. 259.

(c) Lib. VI. §. 21.

(f) Lib. I. §. 112.

qualia, ductis rectis  $FH$ ,  $MH$ ,  $fe$ ,  $ea$ , divisa erunt in totidem triacula similia, & aequalia, alterum alteri. Quamobrem diviso prismate  $AGH$  in tria prismata triangularia  $ACHEGB$ ,  $ACHFMEC$ ,  $ECHMKD$ , sectaque pyramide  $abd$  in tres pyramides iidem triangulares  $afeb$ ,  $afce$ ,  $aced$ , cum horum omnium solidorum eadem sit altitudo, & duo triacula  $FGH$ ,  $feb$  sint aequalia, prisma  $ACHFGB$  triplum erit pyramidis  $afeb$ , ut supra demonstravimus. Prisma quoque  $ACHFME$  triplum erit pyramidis  $afce$ , & prisma  $ECHMKD$  pyramidis  $aced$ . Igitur totum prisma  $AGH$  triplum erit totius pyramidis  $abd$  (a). Omne igitur prisma &c. quod erat ostendendum.

## COROLLARIUM I.

*Omnis conus est tertia pars cylindri ejusdem basis, & altitudinis.*

Enclid. I. 12.  
p. 10  
Fig. 14.  
Tab. 9.

31. Conus nimirum  $CED$  est tertia pars cylindri  $AGDB$  habentis eandem basim  $CD$ , & altitudinem  $EF$ . Cum enim omnis conus pro pyramide infinitangula (b), & omnis cylindrus pro prismate infinitorum laterum spectari queat (c), sicuti omnis pyramis est tertia pars prismatis ejusdem basis, & altitudinis, ita omnis conus erit tertia pars cylindri eandem quoque basim, atque altitudinem habentis.

## COROLLARIUM II.

*Magnitudo, cujus elementa decrevant in ratione duplicata immutata altitudinis, est tertia pars illius, cujus elementa nautiquam minuantur, dummodo eadem sit utriusque basis, & altitudo.*

32. Oñsum namque est, omnem pyramidem esse tertiam partem prismatis habentis eandem basim, & altitudinem

(a) Lib. I. §. 144.

(b) Lib. XI. §. 74.

(c) Ibidem §. 70.



nem (a). Omnem quoque conum esse tertiam partem cylindri, dummodo eorum bases, & altitudines sint respectively inter se æquales (b). Elementa autem pyramidis, & conii decrescunt in ratione duplicata immittuntur altitudinis (c), non sic autem elementa prismatis, & cylindri, quæ semper manent eadem (d). Ergo &c.

COROLLARIUM III.

*Pyramides sunt directæ inter se, ut prismata eandem cum illis habentia basim, & altitudinem.*

33. Pyramis nempe DMFE tam habet rationem ad pyramidem *dmfe*, quam habet prisma ADEC eandem habens basim DEF, & altitudinem MN cum pyramide DMFE, ad prisma *adec* ejusdem cum pyramide *dmfe* basim *def*, & altitudinis *mn*. Pyramides enim DMFE, *dmfe* sunt partes similes prismatum ADEC, *adec* (e), utpote in ratione subtriplici ad suum prisma respective (f). Ergo, ut prisma ADEC ad prisma *adec*, ita erit pyramis DMFE ad pyramidem *dmfe* (g).

Fig. 3.  
Fig. 4.  
Tab. 9.

COROLLARIUM IV.

*Coni sunt directæ inter se, ut cylindri habentes eandem cum illis basim, & altitudinem.*

34. Ut si conus CED, & cylindrus ACDB eandem habeant basim CD, & altitudinem EF, sicuti etiam conus *ced*, & cylindrus *acdb*, erit conus CED ad conum *ced*, ut est cylindrus ACDB, ad cylindrum *acdb*. Eadem enim est ratio, nempe subtriplici, utriusque conii ad suum cylindrum (h).

Fig. 14.  
Fig. 15.  
Tab. 9.

N 2

THEO-

(a) §. 29. 30.

(b) §. 31.

(c) Lib. XI. §. 94. 102.

(d) Ibid. §. 79. 85.

(e) Lib. I. §. 37.

(f) §. 29.

(g) Lib. I. §. 126.

(h) §. 31.

## THEOREMA V.

*Prismata aequalium basium, & altitudinum sunt inter se aequalia.*

35. Duo prismata ADE, *ade* habeant æquales bases DEF, *def*, & altitudines CF, *cf*. Dico, ea esse inter se æqualia.

*Demonstratio.*

Cum enim æquales sint bases DEF, *def*, utriusque prismatis elementa erunt magnitudine inter se æqualia (a). Sunt autem etiam numero æqualia; cum tot in utroque sint, quot in eorum altitudine habentur puncta (b). Ergo prismata *adf*, ADF sunt inter se æqualia (c). Itaque prismata &c. quod erat ostendendum.

Fig. 16.  
Fig. 17.  
Tab. 9.

## COROLLARIUM I.

*Parallelepipeda aequalium basium, & altitudinum sunt aequalia.*

36. Est enim parallelepipedum species prismatis (d).

## COROLLARIUM II.

*Cylindri aequalium basium, & altitudinum sunt æquales.*

37. Cylindrus namque est prisma infinitorum laterum (e).

## COROLLARIUM III.

*Planum diagonale dividit parallelepipedum in duo aequalia prismata.*

38. Nimirum æqualia sunt prismata ACFGHB, ACFGED, in

(a) Lib. XI. §. 77.

(b) Ibid. §. 79.

(c) Lib. IX. §. 55.

(d) Lib. XI. §. 23.

(e) Ibidem §. 70.

in quæ dividitur parallelepipedum BE a plano diagonali ACFG. Cum enim diagonalis GF dividat parallelogrammum GHFE in duo triacula equalia GFH, GFE (a); duo prismata ACFGHB, ACFGED æquales bases habebunt. Habent autem eandem altitudinem, utpote quæ ab altitudine ipsius parallelepipedum diversa non est. Ergo duo ipsa prismata erunt æqualia (b)

Fig. 2.  
Tab. 7.

C O R O L L A R I U M IV.

*Prisma triangulare est dimidium parallelepipedum super dupla basi, & sub eadem altitudine constituti.*

39. Videlicet prisma triangulare ACFGHB est dimidium parallelepipedum BE super dupla basi GHFE, & sub eadem altitudine BH constituti. Patet ex præcedenti.

T H E O R E M A VI.

*Prismata ejusdem altitudinis sunt directe inter se, ut eorum bases.*

40. Sint duo prismata AEF, *aef*, quorum altitudines MN, *mn* æquales sint inter, bases vero DEF, *def* inæquales. Dico, prisma AEF eam habere rationem ad prisma *aef*, quam habet basis DEF ad basim *def*.

*Demonstratio.*

Ponatur basis DEF =  $xr$ , basis *def* =  $yn$ , & utriusque altitudo =  $z$ . Erit ergo prisma AEF =  $xrz$ , & prisma *def* =  $ynz$ . Est autem  $xrz : ynz = xr : yn$  (c). Ergo erit quoque prisma AEF ad prisma *aef*, ut est basis DEF ad basim *def*; adeoque prismata &c. quod erat ostendendum.

Fig. 18.  
Fig. 19.  
Tab. 9.

(a) Lib. 6. §. 21.

(b) §. 25.

(c) Lib. 1. §. 21.

## COROLLARIUM I.

*Parallelepipedu ejusdem altitudinis sunt, ut bases.*

41. Omne namque parallelepipedum est prisma (a).

## COROLLARIUM II.

*Pyramides ejusdem altitudinis sunt, ut bases.*

42. Ut si altitudo MN pyramidis DMFE equalis fuerit altitudini mn pyramidis dmfe, erit pyramis DMFE ad pyramidem dmfe, ut est basis DEF ad basim def. Pyramides namque DMFE, dmfe sunt directe inter se, ut prismata AEF, aef super eadem bases, & sub iisdem altitudinibus constituta (b).

Fig. 18.  
Fig. 19.  
Tab. 9.  
Euclid.  
l. 12. p. 6

## COROLLARIUM III.

*Cylindri ejusdem altitudinis sunt, ut bases.*

43. Cylindrus nempe ABCD eam habet rationem ad cylindrum abcd, quam habet basis BC ad basim bc; si eorum altitudines EF, ef fuerint aequales. Spectari enim possunt, veluti prismata inscriptorum laterum (c).

Fig. 20.  
Fig. 21.  
Tab. 9.  
Euclid.  
l. 12.  
p. 11.

## COROLLARIUM IV.

*Coni aequi alti sunt, ut eorum bases.*

44. Ut si aequales fuerint altitudines EF, ef conorum BEC, bec, erunt ipsi conii directe inter se, ut ipsorum bases BC, bc. Coni namque BEC, bec sunt inter se, ut cylindri

Fig. 20.  
Fig. 21.  
Tab. 9.  
Euclid.  
l. 12. p. 11

(a) Lib. XI. §. 23.  
(b) §. 23.

(c) Lib. XI. §. 70.

lindri ABCD, *abcd* super easdem bases BC, *bc*, & sub iisdem altitudinibus EF, *ef* constituti (a).

COROLLARIUM V.

*Bases prismatum, pyramidarum, cylindrorum, & conarum ejusdem altitudinis sunt respectivo inter se, ut ipsa corpora directe.*

45. Sicuti namque prismata ejusdem altitudinis sunt directe inter se, ut ipsorum bases, ita vicissim bases prismaticum eandem altitudinem habentiamerunt directe, ut ipsa prismata. Idipsum dicito de pyramidibus, cylindris, & conis *respective*.

THEOREMA VII.

*Prismata equalium basium sunt directe inter se, ut eorum altitudines.*

46. Duo prismata ABC, *abc* habeant æquales bases BBC, *bec*, sed inæquales altitudines MN, *mn*. Dico, prisma ABC esse ad prisma *abc*, ut est altitudo MN ad altitudinem *mn*. Fig. 1.  
Fig. 2.  
Tab. 10.

*Demonstratio.*

Coincidit cum demonstratione theorematum precedentis.

COROLLARIUM I.

*Parallelepipeda equalium basium sunt directe, ut altitudines.*

47. Quandoquidem omne parallelepipedum est prisma (b).

CO-

(a) 34.

(b) Lib. XI. §. 29.

## COROLLARIUM II.

*Pyramides aequalium basium sunt directæ, ut altitudines.*

48. Si nimirum æquales fuerint bases  $BEC$ , *bec* pyramidum  $BMCE$ , *bmce*, pyramis  $BMEC$  erit ad pyramidem *bmec*, ut est altitudo  $MN$  ad altitudinem *mn*. Est enim pyramis  $BMEC$  ad pyramidem *bmec*, ut est prisma  $AEC$  ad prisma *aec*, quæ sunt super easdem bases, & sub iisdem altitudinibus constituta (a).

Fig. 1.  
Fig. 2.  
Tab. 10.

## COROLLARIUM III.

*Cylindri aequalium basium sunt directæ inter se, ut ipsorum altitudines.*

49. Ratio nimirum cylindri  $ABCD$  ad cylindrum æqualis basis *abcd* diversa non est a ratione altitudinis  $EF$  ad altitudinem *ef*. Cylindri namque sunt prismata infinitorum laterum (b).

Fig. 3.  
Fig. 4.  
Tab. 10.

## COROLLARIUM IV.

*Coni aequalium basium sunt, ut altitudines.*

50. Videlicet conus  $BEC$  est ad conum *bec* ejusdem basis, ut est altitudo  $EF$  ad altitudinem *ef*. Est enim conus  $BEC$  ad conum *bec*, ut est cylindrus  $ABCD$  ad cylindrum *abcd* (c).

Fig. 5.  
Fig. 6.  
Tab. 10.

## COROLLARIUM V.

Altitudines prismaticum, pyramidum, cylindrorum, & conorum æquales bases habentium sunt directæ inter se, ut ipsa corpora respective.

51. Sicuti namque hujusmodi corpora sunt directæ, ut al-

(a) §. 40.

(b) Lib. XI. §. 70.

(c) §. 14.

altitudines, ita vicissim altitudines erunt, ut ipsa corpora.

COROLLARIUM VI.

*Prismata, pyramides, coni, & cylindri inaequalium basium, & ejusdem altitudinis, vel inaequalis altitudinis, & ejusdem basis sunt magnitudine respective inter se inaequales.*

52. Etenim in primo casu sunt directe inter se, ut bases, in secundo, ut altitudines.

THEOREMA VIII.

*Prismata inaequalium basium, & altitudinum sunt directe inter se in ratione composita basium, & altitudinum.*

53. Sint duo prismata  $AE$ ,  $ae$ , quorum bases  $DEF$ ,  $def$  inaequales sint inter se, sicuti etiam altitudines  $MN$ ,  $mn$ . Dico, prisma  $AE$  esse ad prisma  $ae$  in ratione composita ex ratione basis  $DEF$  ad basim  $def$ , & ex ratione altitudinis  $MN$  ad altitudinem  $mn$ . Fig. 3.  
Fig. 4.  
Tab. 9.

*Demonstratio I.*

Esto basis  $DEF = px$ , basis  $def = qz$ , altitudo  $MN = r$ , & altitudo  $mn = y$ . Erit ergo prisma  $AE = pxr$ , & prisma  $ae = qzy$ . Est autem productum  $pxr$  ad productum  $qzy$  in ratione composita ex ratione primi termini  $px$  ad secundum  $qz$ , & ex ratione tertii  $r$  ad quartum  $y$  (a). Ergo prisma quoque  $AE$  erit ad prisma  $ae$  in ratione composita ex ratione basis  $DEF$  ad basim  $def$ , & ex ratione altitudinis  $MN$  ad altitudinem  $mn$ .

## Demonstratio II.

Prisma  $AE$  secetur plano  $XZR$  basi  $DEF$  parallelo ad altitudinem  $RF$  æqualem altitudini  $mn$  prismatis  $ae$ . Ponatur autem basis  $def$  prismatis  $ae$  eam habere rationem ad basim  $DEF$  prismatis  $AE$ , quam habet quantitas  $x$  ad quantitatem  $y$ , & altitudo  $PN$ , sive  $mn$  ad altitudinem  $MN$  ponatur, ut quantitas  $y$  ad quantitatem  $z$ . Itaque cum prismata  $ae$ ,  $RD$  habeant per hypothesim eandem altitudinem, erit prisma  $ae$  ad prisma  $RD$ , ut basis  $def$  ad basim  $DEF$  (a), sive ut quantitas  $x$  ad quantitatem  $y$ . Est autem prisma  $RD$  ad prisma  $AE$  ejusdem basis, ut altitudo  $PN$ , sive  $mn$  ad altitudinem  $MN$  (b), nempe ut quantitas  $y$  ad quantitatem  $z$ . Ergo ex *æqualitate rationis* erit prisma  $ae$  ad prisma  $AE$ , ut quantitas  $x$  ad quantitatem  $z$  (c). Manifestum porro est, primam  $x$  trium  $x$ ,  $y$ ,  $z$  esse ad tertiam  $z$  in ratione composita ex ratione primæ  $x$  ad secundam  $y$ , & ex ratione secundæ  $y$  ad tertiam  $z$  (d). Ergo prisma quoque  $ae$  erit ad prisma  $AE$  in ratione composita ex ratione quantitatis  $x$  ad quantitatem  $y$ , sive basis  $def$  ad basim  $DEF$ , & ex ratione quantitatis  $y$  ad quantitatem  $z$ , seu altitudinis  $mn$  ad altitudinem  $MN$ . Itaque prismata &c. quod erat ostendendum.

## COROLLARIUM I.

*Parallelepipeda inequalium basium, & altitudinum sunt inter se in ratione composita basium, & altitudinum.*

54. Omne enim parallelepipedum est prisma (e).

(a) §. 40.

(b) §. 46.

(c) Lib. I. §. 179.

(d) Ibidem §. 176.

(e) Lib. XI. §. 82.



COROLLARIUM II.

*Cubi sunt in ratione composita basium, & altitudinum.*

55. Etenim omnis cubus est parallelepipedum (a).

COROLLARIUM VII.

*Pyramides inaequalium basium, & altitudinum sunt in ratione composita basium, & altitudinum.*

56. Videlicet pyramides DME, *dme* inaequalium basium DEF, *def*, & altitudinum MN, *mn* sunt inter se in ratione composita ipsarum basium, & altitudinum. Sunt enim, ut prismata AE, *ae* super eadem bases, & sub iisdem altitudinibus constituta (b). Fig. 3.  
Fig. 4.  
Tab. 9.

COROLLARIUM IV.

*Cylindri inaequalium basium, & altitudinum sunt in ratione composita basium, & altitudinum.*

57. Cylindrus nempe AD est ad cylindrum *ad* inaequalis basis, & altitudinis in ratione composita ex ratione basis CD ad basim *cd*, & ex ratione altitudinis EE ad altitudinem *ef*. Cylindri namque sunt prismata infinitorum laterum (c). Fig. 14.  
Fig. 15.  
Tab. 9.

COROLLARIUM V.

*Coni inaequalium basium, & altitudinum sunt in ratione composita basium, & altitudinum.*

58. Ratio scilicet conorum CED, *ced* inaequalium basium CD, *cd*, & altitudinum EF, *ef* est composita ex ratione basium, Fig. 14.  
Fig. 15.  
Tab. 9.

O 2

(a) Lib. XI. §. 28.

(b) §. 22.

(c) Lib. XI. §. 70.

basium  $CD$ , *cd*, & altitudinum  $EF$ , *ef*. Coni namque  $CED$ , *ced* sunt directe inter se, ut cylindri  $AD$ , *ad* super easdem bases, & sub iisdem altitudinibus constituti (a).

### THEOREMA IX.

*Ille prismata sunt inter se equalia, quæ reciprocant sibi mutuo bases, & altitudines.*

59. Sint duo prismata  $AB$ , *ae*, quæ sic se habeant, ut quam proportionem habet basis  $CDE$  ad basim *cde*, eandem habeat altitudo *fb* ad altitudinem  $FH$ . Dico, prismata  $AE$ , *ae* esse inter se equalia.

Fig. 5.  
Fig. 6.  
Tab. 10.

#### Demonstratio I.

Ponatur basis  $CDE = mn$ , basis *cde* =  $pq$ , altitudo *fb* =  $x$ , & altitudo  $FH = y$ . Erit ergo per hypothefim  $mn : pq = x : y$ ; atque adeo  $my = pqx$  (b). Est autem prisma  $AE = my$ , & prisma *ae* =  $pqx$ . Ergo erit quoque  $AE = ae$  (c). Illa ergo prismata &c.

#### Demonstratio II.

Vel enim altitudines  $FH$ , *fb* æquales sunt inter se, vel inæquales. Si sunt æquales : ergo bases quoque  $CDE$ , *cde* æquales erunt (d); cum sit per hypothefim basis  $CDE$  ad basim *cde*, ut altitudo *fb* ad altitudinem  $FH$ ; atque adeo ipsa itidem prismata  $AE$ , *ae* erunt æqualia (e). Si vero altitudines  $FH$ , *fb* sunt inæquales, nempe altitudo  $FH$  major altitudine *fb*, ad altitudinem  $ZH$  altitudini *fb* æqualem secetur prisma  $AE$  plano  $MNP$  parallelo basi  $CDE$ . Erit ergo prisma *ae* ad prisma  $ME$  ejusdem altitudinis  $ZH$ , ut est basis *cde* ad basim  $CDE$  (f). Est autem basis *cde* ad basim  $CDE$ , ut

(a) §. 34.

(b) Lib. I. §. 42.

(c) Syn. Algeb. §. 352.

(d) Lib. I. §. 43.

(e) §. 15.

(f) §. 40.

altitudo  $FH$  ad altitudinem  $fb$ , sive ad altitudinem  $ZH$  per hypothesim. Ergo erit prisma  $ae$  ad prisma  $ME$ , ut altitudo  $FH$  ad altitudinem  $ZH$ . Constat autem, prisma quoque  $AE$  esse ad prisma  $ME$  ejusdem basis  $CDE$ , ut est altitudo  $FH$  ad altitudinem  $ZH$  (a). Ergo utrumque prisma  $AE$ ,  $ae$  eandem ad prisma  $ME$  rationem habet; duoque idcirco prismata  $AE$ ,  $ae$  sunt inter se æqualia (d). Illa ergo prismata &c. quod erat ostendendum.

C O R O L L A R I U M I.

*Ille parallelepipedum sunt æqualia inter se, quæ reciprocant sibi mutuo bases, & altitudines.*

60. Cum enim omne parallelepipedum sit prisma (c), Euclid. quod de prismatibus ostensum est, parallelepipedis etiam lib. 11. p. 34. convenit.

C O R O L L A R I U M II.

*Ille pyramides sunt æquales, quæ reciprocant sibi mutuo bases, & altitudines.*

61. Æquales nimirum erunt pyramides  $CFE$ ,  $cfe$ , si basis  $CDE$  fuerit ad basim  $cde$ , ut est altitudo  $fb$  ad altitudinem  $FH$ . Sunt enim ipsæ pyramides, ut prismata  $AE$ ,  $ae$  super eisdem bases, & sub hisdem altitudinibus constituta (d). Fig. 8.  
Fig. 6.  
Tab. 10.

C O R O L L A R I U M III.

*Cylindri, qui reciprocant sibi mutuo bases, & altitudines, sunt æquales.*

62. Ut si ratio basis  $CD$  cylindri  $AD$  ad basim  $cd$  cylindri  $ad$  eadem fuerit, ac ratio altitudinis  $ef$  ad altitudinem  $EF$ , duo ipsi Euclid. I. 12 p. 15  
Fig. 7.  
Fig. 8.  
Tab. 10.

(a) §. 46.

(b) Lib. I. §. 103.

(c) Lib. XI. §. 23.

(d) §. 33.

ipsi cylindri erunt aequales. Sunt enim prismata inferiorum laterum (a).

## COROLLARIUM IV.

*illi conii sunt aequales, qui reciprocant sibi mutuo bases, & altitudines.*

Euclid.

I. 12 p. 15

Fig. 7.

Fig. 8.

Tab. 10.

63. Coni nimirum  $ECD$ ,  $ecd$  aequales erunt inter se, si bases  $CD$ ,  $cd$  fuerint in ratione reciproca altitudinum  $EF$ ,  $ef$ . Sunt enim conii  $ECD$ ,  $ecd$ , ut cylindri  $AD$ ,  $ad$  (b).

## THEOREMA X.

*Prismata aequalia reciprocant sibi mutuo bases, & altitudines.*

Fig. 5.

Fig. 6.

Tab. 10.

64. Duo prismata  $AE$ ,  $ae$  sunt inter se aequalia. Dico, basim  $CDE$  esse ad basim  $cde$ , ut est altitudo  $fb$  ad altitudinem  $FN$ .

## Demonstratio I.

Ponatur basis  $CDE = mn$ , basis  $cde = pq$ , altitudo  $fb = y$ , & altitudo  $FN = 7$ . Exit ergo prisma  $AE = my$ , & prisma  $ae = qx$ . Quamobrem cum sit per hypotesin  $AE = ae$ ; erit quoque  $my = qx$  (c). Est autem  $my$  productum extremarum  $m$ ,  $y$ , & factum  $px$  est productum mediarum  $p$ ,  $q$ ,  $x$ . Ergo erit  $mn \cdot pq = x \cdot y$  (d), atque adeo basis  $CDE$  ad basim  $cde$ , ut est reciproca altitudo  $fb$  ad altitudinem  $FN$ .

## Demonstratio II.

Quandoquidem altitudines  $EH$ ,  $fb$  vel aequales sunt inter se,

(a) Lib. XI. §. 70.

(b) §. 34.

(c) Syn. Algeb. §. 259.

(d) Lib. I. §. 24.

se, vel inæquales. Si sunt æquales, cum per hypothesim prismata sint æqualia, æquales erunt etiam bases CDE, *cde* (a); ac proinde bases ipsæ erunt in ratione reciproca altitudinum. Si vero altitudines sunt inæquales, prismata AE majoris altitudinis secetur plano MNP basi CDE parallelo ad altitudinem ZH altitudini *sh* æqualem. Itaque cum prismata ME, *ae* sint ejusdem altitudinis, basis *cde* erit ad basim CDE, ut est solidum *ae* ad solidum ME (b), sive ut solidum AE ad solidum ME (c), ob æqualitatem scilicet solidorum AE, *ae*. Est autem prismata AE ad prismata ME ejusdem basis, ut altitudo FH ad altitudinem ZH (d). Ergo basis quoque *cde* erit ad basim CDE, ut altitudo FH ad altitudinem ZH (e), sive ut altitudo FH ad altitudinem *sh* (f). Itaque prismata æqualia &c. quod erat ostendendum.

COROLLARIUM I.

Parallelepipeda æqualia reciprocant sibi mutuo bases, & altitudines,

65. Omne siquidem parallelepipedum est prisma (g).

Euclid.  
L. 11. p. 14

COROLLARIUM II.

Pyramides æquales reciprocant sibi mutuo bases, & altitudines.

66. Si nimirum pyramides FGE, *for* æquales fuerint, bases CDE, *cde* erunt in ratione reciproca altitudinum FEI, *sh*. Ipsæ namque pyramides sunt, ut prismata AE, *ae* (h).

Euclid.  
L. 12. p. 9.  
Fig. 5.  
Fig. 6.  
Tab. 10.

- (a) §. 40.
- (b) §. 45.
- (c) Lib. I. §. 112.
- (d) §. 46.
- (e) Lib. I. §. 78.
- (f) libem §. 112.
- (g) Lib. XI. §. 23.
- (h) §. 33.

## COROLLARIUM III.

*Cylindri æquales reciprocant sibi mutuo bases, & altitudines.*

67. Videlicet si duo cylindri AD, *ad* æquales fuerint, *Euclid. I. 12 p. 15* basis CD erit ad basim *cd*, ut est reciproce altitudo *ef* ad altitudinem EF. Spectari enim possunt ipsi cylindri, veluti *Fig. 7.* prismata infinitorum laterum (a). *Fig. 8.*  
*Tab. 10.*

## COROLLARIUM IV.

*Coni æquales reciprocant sibi mutuo bases, & altitudines.*

68. Bases nimirum CD, *cd* conorum æqualium ECD, *Fig. 7.* *ecd* erunt in ratione reciproca altitudinum EF, *ef*. Sunt enim *Fig. 8.* conii ipsi, ut cylindri AD, *ad* (b). *Tab. 10.*

## THEOREMA XL

*Parallelepipedum rectangulum factum ex tribus rectis lineis continuo proportionalibus est æquale cubo medię.*

69. Sint tres rectę lineę continuo proportionales A, B, C, *Euclid. I. 12 p. 16* ex quibus fiat parallelepipedum rectangulum DH, ita nimirum ut ejus basis DEFG sit rectangulum contentum sub extremis A, C, altitudo vero HE sit media B. Ex eadem autem media B fiat cubus KP. Dico, parallelepipedum DH esse æquale cubo KP.

*Demonstratio.*

Cum enim tres rectę A, B, C sint continuo proportionales

(a) Lib. XII. § 70.

(b) §. 34.

rectangulum DEFG contentum sub extremis A, C erit æquale quadrato KLMN mediæ B (a). Hæc autem quadrilatera sunt bases solidorum DH, KP. Ergo duo parallelepipeda DH, KP habent bases æquales. Habent autem altitudines quoque HF, PM æquales inter se, utpote æquales mediæ B. Ergo duo parallelepipeda DH, KP erunt æqualia (b). Itaque parallelepipedum &c. quod erat ostendendum.

Fig. 9.  
Fig. 10.  
Tab. 10.

S C H O L I O N.

70. Porro observare plurimum interest cum viro Cl. P. Andrea Tacqueto, ex tribus rectis lineis continuo proportionalibus quomodocunque inter se multiplicatis solidum ejusdem semper magnitudinis consurgere. Sint enim tres rectæ lineæ continuo proportionales  $a, b, c$ . Solida, quæ ex illarum multiplicatione inter se mutuo fieri possunt, sint  $abc, cab, bca$ , in quibus duæ primæ literæ exprimant basim, tertia altitudinem. Quoniam igitur est  $ab \cdot ca = b \cdot c (c)$ , basim  $ab$  solidi  $abc$  erit ad basim  $ca$  solidi  $cab$  reciproce, ut altitudo  $b$  posterioris ad altitudinem  $c$  prioris. Ergo duo solida  $abc, cab$  sunt æqualia (d). Eadem ratione erit  $cab = bca$ , cum sit  $ca \cdot bc = a \cdot b$ . Ergo erit  $abc = cab = bca (c)$ .

T H E O R E M A XII.

*Omnia latera homologa planorum, quibus similia solida continentur, eandem inter se rationem habent.*

71. Sint duo solida similia ACE, ace planis terminata AMF, amf \* FME, fme &c. Dico, omnia latera homologa planorum similium, quibus continentur, eandem inter se rationem habere, nimirum esse AF. af = ME. me &c.

Fig.  
Fig.  
Tab. 9.

Tom. III.

(a) Lib. IX. §. 111.  
(b) §. 35.  
(c) Lib. I. §. 93.

P

(d) §. 19.  
(e) Syn. Algeb. §. 219.

De-

## Demonstratio.

Quoniam plana  $AMF$ ,  $amf$  sunt similia, & latera ipsorum homologa  $AF$ ,  $af$  \*  $FM$ ,  $fm$  \*  $AM$ ,  $am$ , erit  $AF$ .  $af$  =  $MF$ .  $mf$ . (a). Eadem ratione, cum similia sint plana  $MFE$ ,  $mfe$ , & latera  $MF$ ,  $mf$  \*  $ME$ ,  $me$  sint homologa, habebitur  $ME$ .  $me$  =  $MF$ .  $mf$ . Ergo erit  $ME$ .  $me$  =  $AF$ .  $af$  (b). Eodem modo demonstrabitur  $FE$ .  $fe$  =  $AF$ .  $af$ , atque ita de ceteris, omnia scilicet huiusmodi latera homologa esse directe inter se, ut duo quaelibet  $AF$ ,  $af$ , ac proinde eandem omnium esse rationem. Itaque omnia &c. quod erat ostendendum.

## THEOREMA XIII.

*Altitudines prismatum, & pyramidum similium, quarum bases sint duo ipsorum plana similia, sunt directe inter se, ut duo quaelibet latera homologa planorum, quibus terminantur.*

## I.

Fig. 3. 72. Sint duo prismata similia  $AEF$ ,  $aeF$ , quorum bases  
Fig. 4.  $DEF$ ,  $def$  sint duo plana ipsorum similia. Dico, eorum al-  
Tab. 2. titudines esse directe inter se, ut duo quaelibet homologa  
latera  $EF$ ,  $ef$  planorum, quibus terminantur.

## Demonstratio.

Etenim, si duo illa prismata ad perpendicularum suis basi-  
bus  $DEF$ ,  $def$  incumbunt, cum eorum altitudines tunc di-  
versae non sint a lateribus homologis  $CF$ ,  $cf$  planorum simi-  
lium  $BEFC$ ,  $befc$  (c), sitque horum omnium laterum eadem  
ratio

(a) Lib. IX §. 77.

(b) Lib. I. §. 76.

(c) Lib. XI. §. 31.



ratio (a), remanet aperte, esse  $CF$ .  $cf = EF$ .  $cf$ . Si vero sint ad basim inclinata, quâ ratione ad bases  $DEF$ ,  $def$  se habent solida  $DME$ ,  $dme$ , ut proinde eorum altitudines sint rectæ  $MN$ ,  $mn$ , super easdem bases  $DEF$ ,  $def$ , & sub altitudinibus  $CF$ ,  $cf$ , quæ sint ipsis  $MN$ ,  $mn$  æquales, constituentur duo similia prismata  $AF$ ,  $af$  suis basibus ad perpendicularum insistentia. Cum igitur sit ex hypothesi  $MN = CF$ ,  $mn = cf$ , erit  $MN$ .  $mn = CF$ .  $cf$ . Est autem  $CF$ .  $cf = EF$ .  $cf$ , ut modo demonstravimus. Ergo erit quoque  $MN$ .  $mn = EF$ .  $ef$  (b), nimirum altitudines, ut duo homologa latera basium similium. Igitur altitudines ipsæ erunt idem, ut duo qualibet planorum similium, quibus prismata ipsa continentur, homologa latera.

II.

73. Sint duæ pyramides similes  $DMFE$ ,  $dmfe$ , quarum bases sint plana similia  $DEF$ ,  $def$ , altitudines vero  $MN$ ,  $mn$ . Dico, altitudines  $MN$ ,  $mn$  esse directe inter se, ut duo Fig. 3. Fig. 4. Tab. 9. qualibet homologa latera  $EF$ ,  $ef$  similium planorum  $DEF$ ,  $def$ , quibus ipsæ pyramides terminantur.

Demonstratio :

Si namque super easdem bases, & sub iisdem altitudinibus constituentur duo prismata similia  $AF$ ,  $af$ , evidens est, altitudines  $MN$ ,  $mn$  esse directe inter se, ut duo latera  $EF$ ,  $ef$  (c). Ergo altitudines  $MN$ ,  $mn$  pyramidum similium  $ME$ ,  $me$  sunt inter se, ut duo homologa latera  $EF$ ,  $ef$  suarum basium; atque adeo ut duo qualibet latera aliorum planorum similium, quibus pyramides ipsæ continentur; cum scilicet horum omnium laterum eadem sit ratio (d). Itaque altitudines &c. quod erat ostendendum.

(a) Lib. IX. §. 77.

(b) Lib. I. §. 77.

(c) §. 72.

(d) §. 72.

## COROLLARIUM I.

*Bases prismatum, & pyramidum similium, si sint plana similia, sunt in ratione duplicata suarum altitudinum; & vicissim altitudines in ratione subduplicata basium.*

74. Basis nimirum DEF pyramidis ME erit ad basim sibi similem def similis pyramidis me in ratione duplicata altitudinis MN ad altitudinem mn; & vicissim altitudines MN, mn in ratione subduplicata basium. Constat enim, basim DEF esse ad basim def in ratione duplicata lateris EF ad latus sibi homologum ef (a), & vicissim latus EF ad latus ef in ratione subduplicata basis DEB ad basim def (b). Est autem  $MN.mn = EF.ef$ . Ergo &c. Idipsum dicito de prismatibus similibus.

## COROLLARIUM II.

*Bases prismatum, atque pyramidum similium, si sint plana eorum similia, sunt, ut quadrata altitudinum; & vicissim quadrata altitudinum, ut eorundem bases.*

75. Quadrata namque altitudinum sunt in ratione ipsarum duplicata (c).

## COROLLARIUM III.

*Bases parallelepipedorum similium sunt in ratione duplicata suarum altitudinum, atque adeo ut eorundem quadrata.*

76. Etenim omne parallelepipedum est prisma (d)..

THEO-

(a) Lib. IX. §. 150.

(c) Ibidem §. 172.

(b) Ibidem §. 152.

(d) Lib. XI. §. 91.

THEOREMA XIV.

*Altitudines cylindrorum, & conorum similium sunt directe inter se, ut suarum basium radii.*

I.

77. Sint duo cylindri similes AD, ad suis basibus CD, ad ad perpendicularum insistentes, vel illis similiter inclinati, ut FD, *fd*. Dico, ipsorum altitudines NE, *ne*, vel OR, *or* esse directe inter se, ut radii CE, *ce* suarum basium.

Fig. 1.  
Fig. 6.  
Tab. 2.

*Demonstratio.*

Cum enim in cylindris perpendicularibus AD, ad altitudines NE, *ne* ab eorum axibus non differant (a), altitudines erunt inter se, ut axes. Axes autem sunt, ut basium radii (b). Ergo in hac eadem itidem ratione erunt altitudines. In cylindris vero inclinatis FD, *fd*, cum ob similitudinem ipsorum cylindrorum anguli inclinationis OER, *or* sint æquales (c), & anguli ORE, *or* sint recti (d), adeoque æquales (e), reliquus angulus EOR in triangulo EOR æquabit reliquum angulum *eor* in triangulo *eor* (f); ac proinde duo triangula EOR, *eor*, utpote æquiangula, erunt sibi mutuo similia (g). Igitur homologa latera, sive altitudines OR, *or*, erunt inter se, ut latera homologa OE, *oe*, nempe ut axes (h). Axes autem OE, *oe* sunt, ut basium radii CE, *ce* (i). Ergo in eadem quoque ratione radiorum erunt altitudines OR, *or* (k).

II.

- (a) Lib. XI. §. 19.
- (b) §. 8.
- (c) §. 6.
- (d) Lib. V. §. 24.
- (e) Lib. III. §. 17.

- (f) Lib. V. §. 46.
- (g) Lib. IX. §. 46.
- (h) Ibidem §. 77.
- (i) §. 8.
- (k) Lib. I. §. 77.

## I I.

78. Sint duo conī similes  $CND$ , *conū erecti*, vel  $EOD$ ; *conū* suis basibus  $CD$ , *conū* inclinati. Dico, altitudines  $NE$ , *conū*, vel  $OR$ , *conū* esse *directe* inter se, ut radii  $CE$ , *conū* suarum basium.

Fig. 5.  
Fig. 6.  
Tab. 9.

*Demonstratio.*

Eadem est in utroque casu cum precedenti. Itaque altitudines &c. quod erat ostendendum.

## COROLLARIUM I.

*Altitudines cylindrorum, & conorum similium sunt directe inter se, ut diametri suarum basium.*

79. Circulorum namque diametri sunt *directe* inter se, ut eorundem radii (a).

## COROLLARIUM II.

*Bases cylindrorum, & conorum similium sunt in ratione duplicata altitudinum; & vicissim altitudines in ratione subduplicata basium.*

80. Quandoquidem circuli sunt in ratione *duplicata* suarum diametrorum (b), & vicissim diametri in ratione *ipsorum subduplicata* (c). Ratio autem altitudinum in cylindris, & conis similibus diversa non est a ratione diametrorum suarum basium. Ergo &c.

CO-

(a) Lib. I. §. 127.

(b) Lib. IX. §. 186.

(c) Ibidem §. 128.

COROLLARIUM III.

*Bases cylindrorum, & conorum similium sunt inter se, ut quadrata altitudinum; & vicissim quadrata altitudinum, ut bases.*

81. Constat enim, quadrata altitudinum esse inter se in ratione ipsarum *duplicata* (a).

THEOREMA XV.

*Superficies cylindrorum, & conorum similium sunt directe inter se in ratione duplicata diametrorum suarum basium.*

E.

82. Sint duo cylindri similes AD, *ad*. Dico, totam cylindri AD superficiem esse ad totam superficiem cylindri *ad* in ratione *duplicata* diametrorum CD, *ad* suarum basium. Fig. 11.  
Fig. 12.  
Tab. 10.

*Demonstratio.*

Esto EMNF unum ex illis parallelogrammis infinitæ parvæ latitudinis, quibus cylindrica superficies ACDB terminatur (b), & *emnf* sit unum ex illis eodem parallelogrammis, quibus cylindrica superficies *ad* comprehenditur. Quoniam igitur duo cylindri sunt per hypothesein sibi *mutuo similes*; omnisque cylindrus sit *prisma* infinitorum laterum (c), duo cylindri AD, *ad* spectari possunt veluti duo prismata similia, totidem idcirco similibus planis comprehensa (d). Duo ergo ex his parallelogrammis similibus sint EFMN, *efmn*. Cum igitur hæc sint in ratione *duplicata* suorum laterum homologorum MN, *mn* (e), & duo latera MN, *mn* sint inter se,

(a) Lib. IX. §. 172.

(b) Lib. XI. §. 71.

(c) ibidem §. 70.

(d) §. 1.

(e) Lib. IX. §. 176.

fe, ut diametri  $CD$ ,  $cd$  (a); cum sint arcus similes, licet infinite parvi, peripheriarum  $CM'D$ ,  $cm'd$ , duo plana  $EFMN$ ,  $efmn$  erunt in ratione *duplicata* diametrorum  $CD$ ,  $cd$ . Hæc porro plana  $EFMN$ ,  $efmn$  sunt partes aliquotæ similes cylindricarum superficierum  $ACDB$ ,  $acdb$  per hypothesein. Ergo cylindrica quoque superficies  $ACDB$  erit ad cylindricam superficiem  $acdb$  in ratione *duplicata* diametri  $CD$  ad diametrum  $cd$  (b).

## I I.

83. Sint duo similes conī  $BAE$ ,  $bae$ . Dico, conicas huiusmodi superficies esse directæ inter se in ratione *duplicata* diametrorum  $BE$ ,  $be$  suarum basium.

*Demonstratio.*

Eadem est cum præcedenti. Ut enim similium cylindrorum superficies ex similibus parallelogrammis, ita similium conorum superficies ex totidem similibus triangulis consurgunt (c). Erit ergo conica superficies  $BAE$  ad conicam superficiem  $bae$ , ut triangulum infinite parvum  $CAD$  ad triangulum sibi simile  $cad$  (d). Sunt autem huiusmodi triangula in ratione *duplicata* laterum homologorum, sive arcuum similium  $CD$ ,  $cd$  (e); proinde diametrorum  $BE$ ,  $be$  (f). Ergo in eadem quoque ratione erunt conicæ ipsæ superficies  $BAE$ ,  $bae$  (g). Superficies itaque cylindrorum &c. quod erat ostendendum.

## S C H O L I O N.

84. Si cylindricæ superficies sumantur una cum circulis, quibus ipsi cylindri terminantur, & superficies conicæ una cum basium circulis itidem spectentur, ipsa adhuc tota assertio

(a) Ibidem §. 156.

(b) Lib. I. §. 127.

(c) Lib. XI. §. 73.

(g) Lib. I. §. 77.

(d) Lib. I. §. 127.

(e) Lib. IX. §. 166.

(f) Ibidem §. 156.

## *Liber XIII.*

121

tertio manifesta est . Sunt enim circuli in ratione suarum diametrorum *duplicata* (a).

### *C O R O L L A R I U M I.*

*Superficies cylindrorum , & conorum similium sunt respective inter se , ut quadrata diametrorum suarum basium .*

85. Hujusmodi enim quadrata sunt , quemadmodum ipse cylindricæ , & conicæ superficies , in ratione ipsarum diametrorum *duplicata* (b).

### *C O R O L L A R I U M II.*

*Superficies cylindrorum , & conorum similium sunt in ratione duplicata tum axium , tum altitudinum .*

86. Axes namque , & altitudines cylindrorum , & conorum similium sunt directe inter se , ut diametri basium (c).

### *C O R O L L A R I U M III.*

*Similium cylindrorum , & conorum superficies sunt , ut quadrata axium , & altitudinum .*

87. Sunt enim ejusmodi quadrata in ratione ipsorum axium , & altitudinum *duplicata* (d).

### *C O R O L L A R I U M IV.*

*Superficies cylindrorum , & conorum similium sunt directe , ut circuli basium , & vicissim circuli basium , ut superficies .*

88. Constat enim , circulos basium esse inter se in ratione  
Tom. III. Q sua-

(a) Lib. IX. §. 186.

(b) Lib. IX. §. 172.

(c) §. 8.

(d) Lib. IX. §. 172.

suarum diametrorum *duplicata* (a) quemadmodum horum solidorum superficies.

## C O R O L L A R I U M P.

*Si conus rectus secetur plano basi parallelo, curva superficies totius conici erit ad curvam superficiem segmenti conici, ut circulus baseos conici ad circulum sectionis.*

89. Ut si conus rectus  $BAD$  secetur plano  $MN$  basi  $BCD$  parallelo, curva superficies totius conici erit ad curvam superficiem segmenti conici  $MAN$ , ut est circulus baseos  $BCD$  totius conici ad circulum sectionis  $MN$ . Etenim conici  $BAD$ ,  $MAN$  sunt sibi mutuo similes (b).

## C O R O L L A R I U M Q.

*Si ratio diametrorum basium, vel ratio axium, aut altitudinum in cylindris, & conis similibus continuetur usque ad tertium terminum, superficies horum corporum respective erunt inter se, ut illarum primus ad tertium.*

90. Ut si diameter  $CD$  basis  $CD$  cylindri  $AD$  fuerit ad diametrum  $cd$  basis  $cd$  cylindri similis  $ad$ , ut est quantitas  $x$  ad quantitatem  $y$ , & fiat  $\frac{x}{y} = \frac{z}{x}$ , superficies cylindri  $AD$  erit ad superficiem cylindri  $ad$ , ut est prima  $x$  ad tertiam  $z$ . Est enim  $x$  ad  $z$  in ratione *duplicata* primæ  $x$  ad secundam  $y$  (c). Idipsum dicito de ratione axium, & altitudinum.

## T H E O R E M A XVI.

*Polyedra similia in totidem ex æquo pyramides similes resolvi possunt.*

91. Sint duo polyedra similia  $ACE$ ,  $ace$ . Dico, ea in totidem

(a) Lib. IX. §. 186.  
(b) §. 26.

(c) Lib. I. §. 277.



eodem ex æquo pyramides similes resolvi posse.

*Demonstratio.*

Sumto in area polyedri  $ACE$  puncto  $M$ , ex eo veluti centro ducantur ad singulos ipsius polyedri angulos rectæ  $MB$ ,  $MP$ ,  $MA$ ,  $MH$  &c. His divisum erit polyedrum  $ACE$  in tot pyramides, punctum  $M$  pro vertice communi, & polyedri plana pro base habentes, ut patet de pyramidibus  $BMAP$ ,  $AMPH$ , quot sunt plana, quibus ipsum polyedrum terminatur. Concipiatur modo polyedrum  $ACE$  veluti consurgens ex pluribus polyedricis superficiebus, quæ omnes sit concentricæ cum extrema superficie  $ACE$ , earumque plana sint respectivè parallela planis ipsius superficiæ extreme  $ACE$ , prout exhibet superficies  $bdf$  polyedro  $ACE$  inclusa. Cum igitur plana  $bpa$ ,  $BPA$  sint in pyramide  $BMAP$  inter se parallela, erunt sibi mutuo similia (a), eandemque ob causam similia erunt etiam plana  $abf$ ,  $AHf$ , nec non plana  $fne$ ,  $FNE$ , atque ita de ceteris. Quamobrem polyedrum superficie- $bdf$  terminatum simile erit polyedro  $ACE$  (b). Eodem modo ostendam, ea omnia polyedra, quæ superficiebus soliditatem polyedri  $ACE$  constituentibus continentur, polyedro  $ACE$  esse similia. Quoniam autem hujusmodi polyedra polyedro  $ACE$  inclusa, eique similia, eo continuo minora sunt, quo ipsorum superficies centro  $M$  sit proximior, uni certe ex ipsis æquale erit polyedrum  $ace$ , utpote quod minus est polyedro  $ACE$ , & illi simile. Ponamus ergo, polyedrum  $ace$  æquale esse polyedro  $bdf$ . Constat autem, polyedrum  $bdf$  constare ex tot pyramidibus, ex quot componitur polyedrum  $ACE$ , atque unius pyramides similes esse pyramidibus alterius, alteram alteri, videlicet pyramidem  $dmez$  pyramidi  $DMEZ$ , pyramidem  $emfn$  pyramidi  $EMFN$ , atque ita deinceps (c); cum plana  $dze$ ,  $DZE$  sint parallela, sicuti etiam plana  $enf$ ,  $ENF$  &c. Ergo polyedrum quoque

Fig. 15.

Fig. 16.

Tab. 10.

Q 2

ace

(a) Lib. XI. §. 33.

(b) §. 1.

(c) §. 25.

*ace* resolvi potest in tot pyramides, in quot polyedrum *ACE* dividitur, & ea quidem ratione, ut pyramides polyedrum constituentes *ace* similes sint iis, quæ polyedrum *ACE* constituunt, altera alteri, quæ nimirum super similia ipsorum polyedrorum plana sunt constitutæ. Itaque polyedra similia &c. quod erat ostendendum.

## C O R O L L A R I U M I.

92. Erectis super similia plana *DZE*, *dæe* similibus pyramidibus *DMEZ*, *dmea*, ductisque ex illarum apicibus *M*, ad singulos ipsorum polyedrorum angulos rectis *ME*, *mæ* \* *MZ*, *ma* &c. polyedra ipsa similia in totidem ex æquo pyramides similes divisa erunt.

## C O R O L L A R I U M II.

*Polyedra regularia ejusdem generis in totidem ex æquo pyramides similes resolvi possunt.*

93. Omnia enim polyedra regularia ejusdem generis sunt sibi mutuo similia (2).

## L E M M A I.

*Polyedrum quodcumque regulare resolvi potest in tot pyramides omnino inter se æquales, quot sunt illius plana.*

94. Esto polyedrum regulare *ACE*. Dico, ipsum resolvi posse in tot pyramides omnino inter se æquales, quot sunt plana, quibus terminatur.

*Demonstratio.*

Ex illius centro *M* ad singulos ejusdem angulos ducantur radii

(2) §. 2.

radii MB, MP, MA, MH, MF &c. Quoniam igitur polyedrum est regulare, omnia plana BPA, AHP, &c. Fig. 11.  
Tab. 12. quibus clauditur, erunt regularia, ejusdem generis, & inter se æqualia (a); ac proinde æqualia inter se erunt omnia illorum latera BA, BP, PA, AF, AH, HF &c. (b). Sunt autem æquales inter se etiam radii MB, MP, MA, MH &c. (c). Ergo omnia triangula BMA, BMP, PMA, AMF, AMH &c., quibus pyramides BMAP, AMFH continentur, sunt isoscelia (d), & inter se æqualia (e). Quamobrem pyramides ipsæ sunt hujusmodi, ut, una intra alteram posita, sibi mutuo perfecte congruant; arque adeo omnes sunt inter se æquales (f). Hæ autem tot sunt, quot sunt plana polyedrum ipsum terminantia, ut patet. Ergo polyedrum ACE in tot resolvi potest pyramides &c. quod erat ostendendum.

COROLLARIUM I.

*Anguli verticales æqualium pyramidum, in quas regulare polyedrum resolvitur, sunt omnes inter se æquales.*

95. Cum enim anguli verticales BMP, BMA, PMA, AMF &c. isoscelium triangulorum, quibus verticales ipsarum pyramidum anguli continentur, sint æquales (g), ob æqualitatem scilicet tum laterum, tum basium ipsorum triangulorum, ipsique verticales pyramidum anguli totidem ex æquo planis angulis contineantur, perspicuum est, eos omnes esse inter se æquales (h). Fig. 12.  
Tab. 12.

COROLLARIUM II.

*Angulus verticalis singularum pyramidum æqualium, in quas polyedrum regulare resolvitur, est ad quatuor solidos rectos angulos, ut basis ipsius pyramidis ad totam polyedri superficiem.*

96. Angulus nempe verticalis BMA pyramidis BMAP in

pc-

(a) Lib. XI. §. 10.

(b) Lib. V. §. 20.

(c) §. 15.

(d) Lib. V. §. 25.

(e) Ibidem §. 24.

(f) Ibidem §. 24.

(g) Ibidem §. 22.

(h) Lib. XI. §. 4.

polyedro regulari ACE est ad quatuor solidos rectos angulos, qui circa centrum M fieri possunt, ut est basis BPA ipsius pyramidis ad totam polyedri superficiem. Etenim, cum in tot pyramides æquales polyedrum ACE resolvatur, quot sunt plana ipsum terminantia, omnesque verticales ipsarum pyramidum anguli, qui spatium replent circa centrum M, quique propterea quatuor rectos angulos simul sumti adæquant, sint inter se æquales (a), sicuti æqualia sunt inter se mutuo omnia plana, quæ polyedricam superficiem ACE constituunt (b), quæ pars aliquota totius polyedricæ superficiei ACE est planum BPA, eadem pars aliquota quatuor rectorum erit angulus verticalis EMA pyramidis BMAP; ac proinde &c.

### THEOREMA XVII.

*Si ex centro polyedrorum regularium ejusdem generis ad singulos ipsorum angulos radii ducantur, in totidem ex æquo pyramides sibi mutuo similes polyedra ipsa divisa erunt.*

97. Sint duo polyedra ejusdem generis ACE, ace. Ex eorum centro M, m ducantur ad singulos ipsorum angulos radii MB, mb, MP, mp &c. Dico, omnes pyramides, in quas divisum est polyedrum ACE, iis esse similes, in quas divisum est polyedrum ace, & simul numero esse æquales.

### Demonstratio.

Cum enim in utroque polyedro tot distinctæ sint pyramides, quot sunt plana terminantia, pyramides ipsæ in utroque erunt numero æquales. Quippe polyedra ipsa sunt per hypothesim ejusdem generis. Rursus cum omnes pyramides, in quas divisum est polyedrum ACE, sint æquales inter se (c), sicuti etiam omnes pyramides, in quas divisum est poly-

(a) §. 95..

(b) Lib XI. §. 10.

(c) §. 94.

lyedrum *ace*, erit angulus verticalis DME pyramidis DMEZ ad quatuor rectos, ut planum DZE ad totam polyedri ACE superficiem (a). Angulus quoque verticalis *dme* pyramidis *dmea* erit ad quatuor rectos, ut planum *dae* ad totam superficiem polyedri *ace*. Eadem est autem ratio utriusque plani DZE, *dae* ad totam sui *respective* polyedri superficiem; cum polyedra ipsa regularia sint, & ejusdem generis. Ergo anguli quoque verticales DME, *dme* pyramidum DMEZ, *dmea* eandem ad quatuor rectos rationem habebunt; atque adeo erunt inter se æquales (b). Anguli autem solidi æquales planis angulis numero, & magnitudine æqualibus continentur (c). Ergo anguli plani DME, *dme* æquales erunt inter se, sicuti etiam anguli plani DMZ, *dma*, nec non ZME, *ame*. Est autem latus DM ad latus ME in triangulo plano DME, ut in triangulo plano *dme* est latus *dm* ad latus *me*; cum sit  $DM = ME$ , &  $dm = me$  (d). Ergo duo triangula DME, *dme* sunt sibi mutuo similia (e). Eodem modo ostendam, similia esse sibi mutuo tum duo triangula DMZ, *dma*, tum duo ZME, *ame*, eo vel maxime quod, ut superiori loco demonstravimus (f), omnia triangula, quibus continetur pyramis DMEZ, isocelia sint, & æqualia, sicuti etiam omnia triangula, quibus pyramis *dmea* comprehenditur. Manifestum porro est, duo quoque plana DZE, *dae* esse sibi mutuo similia (g); cum sint regularia, & ejusdem generis. Ergo duæ pyramides DMEZ, *dmea* planis numero æqualibus, & magnitudine similibus terminantur; ac proinde sunt sibi mutuo similes (h). Demonstravimus autem, omnes pyramides, in quas dividitur polyedrum regulare ope rectarum, quæ ex illius centro ad singulos ejusdem angulos ducuntur, esse omnino inter se æquales (i). Ergo omnes pyramides, in quas divisum est polyedrum regulare ACE ope radiorum MB, MP, MA &c., similes sunt iis omnibus, in quas polyedrum

(a) §. 96.

(b) Lib. I. §. 103.

(c) Lib. XI. §. 4.

(d) §. 15.

(e) Lib. IX. §. 69.

(f) §. 95.

(g) Lib. IX. §. 7.

(h) §. 1.

(i) §. 94.

lyedrum regulare ejusdem generis *ace* eodem modo resolvitur. Itaque si ex centro &c. quod erat ostendendum.

### C O R O L L A R I U M.

*Radii polyedrorum regularium ejusdem generis sunt latera homologa pyramidum similium, in quas polyedra ipsa ope ipsorum radiorum resolvuntur.*

98. Sic radii MD, *md* polyedrorum regularium ejusdem generis ACE, *ace* sunt latera homologa similium pyramidum DMEZ, *dmez*, in quas polyedra ipsa suorum radiorum ope resolvuntur. Ipsi namque radii sunt latera homologa planorum similium DME, *dme*, quibus ipsae pyramides continentur.

### T H E O R E M A XVIII.

*Radii, & cateti polyedrorum regularium ejusdem generis sunt directe inter se, ut duo qualibet latera homologa planorum similium, quibus polyedra ipsa terminantur.*

Fig. 7. Sint duo polyedra regularia ejusdem generis ACE, *ace*,  
Fig. 8. quorum radii sint rectae ZA, *za*, cateti vero rectae ZN, *zn*.  
Tab. 9.

#### I.

99. Dico primo, radium ZA esse ad radium *za*, ut est latus AM plani AMF ad latus sibi homologum *am* similis plani *amf*.

#### *Demonstratio.*

Radii ZA, *za* sunt latera homologa planorum similium AZM, *azm*, quibus similes pyramides AZMF, *azmf* continentur (a). Latera autem homologa planorum similium, quibus similia solida, cujusmodi sunt duo polyedra ACE,

*ace*

(a) § 98.

*ae* (a), terminantur, eandem omnia inter se rationem habent (b). Ergo radii *ZA*, *za* sunt directe inter se, ut duo homologa ipsorum polyedrorum latera *AM*, *am*.

I 1.

100. Dico 2, catetum *ZN* esse ad catetum *zn*, ut latus *AM* ad latus sibi homologum *am*.

*Demonstratio*

Cateti *ZN*, *zn* sunt altitudines pyramidum similium *AZMP*, *azmf* (c). Altitudines autem pyramidum sunt directe inter se, ut duo quaelibet homologa ipsarum latera (d). Ergo catetus *ZN* erit ad catetum *zn*, ut latus *AM* ad latus sibi homologum *am*. Itaque radii, & cateti &c. quod erat ostendendum.

C O R O L L A R I U M

*Cateti polyedrorum regularium ejusdem generis sunt directe inter se, ut ipsorum radii.*

101. Sunt enim tam cateti, quam radii horum polyedrorum, ut duo quaelibet homologa eorundem latera.

T H E O R E M A XIX.

*Superficies omnium solidorum similium, quae planis retilineis continentur, sunt inter se in ratione duplicata homologorum laterum duorum quorumcunque planorum similium ipsa solida terminantium.*

102. Sint duo solida similia *ACE*, *ace* retilineis planis terminata. Dico, superficiem solidi *ACE* esse ad superficiem

Tom. III.

R

so-

(a) §. 3.

(b) §. 71.

(c) §. 20.

(d) §. 73.

Fig. 7.  
Fig. 3.  
Tab. 9.

solidi *ace* in ratione *duplicata* lateris *AF* plani rectilinei *AMF* ad latus sibi homologum *af* similis plani *amf*.

### *Demonstratio.*

Quoniam eadem est ratio omnium laterum homologorum planorum similium, quibus solida ipsa *ACE*, *ace* continentur (a), & omnia plana similia sunt in ratione *duplicata* suorum laterum homologorum (b), duo quolibet plana similia, quibus terminantur solida *ACE*, *ace*, erunt in ratione *duplicata* lateris *AF* ad latus *af*. Igitur summa omnium planorum terminantium solidum *ACE* erit ad summam omnium planorum, quibus solidum *ace* continetur, in ratione *duplicata* lateris *AF* ad latus *af* (c). Superficies autem solidi cujuscunque non differt a summa planorum omnium, quibus solidum ipsum clauditur. Ergo superficies solidi *ACE*, est ad superficiem solidi sibi similis *ace* in ratione *duplicata* lateris *AF* ad latus *af*. Superficies itaque &c. quod erat ostendendum.

### C O R O L L A R I U M I.

*Superficies solidorum similium, quae planis rectilineis terminantur, sunt directe inter se, ut duo quolibet ipsorum plana similia.*

103. Superficies nimirum solidi *ACE* erit ad superficiem solidi similis *ace*, ut planum *AMF* ad planum sibi simile *amf*. Patet ex ipsa demonstratione theorematum.

### C O R O L L A R I U M II.

*Superficies prismatum, & pyramidum similium, quorum bases sint plana similia, sunt directe se, ut eorum bases.*

104. Sequitur ex precedenti.

(a) §. 71.

(b) Lib. IX. §. 18a.

(c) Lib. I. §. 144. CO-



COROLLARIUM III.

*Superficies prismatum, & pyramidum similium, quarum bases sint plana similia, sunt in ratione duplicata altitudinum.*

105. Sunt enim altitudines, ut duo quælibet latera homologa planorum terminantium (a).

COROLLARIUM IV.

*Superficies polyedrorum regularium ejusdem generis sunt in ratione duplicata duorum laterum planorum similia, quibus polyedra ipsa continentur.*

106. Polyedra namque regularia ejusdem generis sunt similia (b), & duo quælibet terminantium planorum latera sunt homologa (c).

COROLLARIUM V.

*Superficies polyedrorum regularium ejusdem generis sunt in ratione duplicata suorum radiorum, & catetorum.*

107. Sunt enim tam radii, quam cateti polyedrorum regularium ejusdem generis, ut duo quælibet homologa latera planorum terminantium (d).

(a) §. 72., 73.

(b) §. 3.

(c) §. 5.

(d) §. 99. 100.

## COROLLARIUM VI.

*Superficies solidorum similium, quæ rectilineis planis continentur, sunt inter se, ut quadrata laterum homologorum planorum similium ipsa solida terminantium.*

108. Quadrata namque illorum laterum sunt in ratione eorundem *duplicata* (a).

## COROLLARIUM VII.

*Superficies prismatum, & pyramidum similium, quarum bases sunt plana similia, sunt, ut quadrata altitudinum.*

109. Ostenditur, ut præcedens.

## COROLLARIUM VIII.

*Superficies polyëtrorum regularium ejusdem generis sunt, ut quadrata suorum radiorum, & catetorum.*

110. Eodem ostenditur principio, quo coroll. VI. demonstravimus.

## COROLLARIUM IX.

*Si ratio duorum laterum homologorum planorum similium similia solida terminantium continetur usque ad tertium terminum, superficies ipsorum solidorum erunt inter se, ut illorum terminorum primus ad tertium.*

111. Si nimirum in solidis similibus ACE, ace latus AF plani AMF fuerit ad latus sibi homologum af similis plani

ni

(a) Lib. IX. §. 17a.

ni *anf*, ut quantitas  $x$  ad quantitatem  $y$ , si ponatur  $\div x$ .  $y$ .  $z$ , superficies solidi *ACE* erit ad superficiem solidi *ace*, ut primus illorum trium terminorum ad tertium, videlicet ut  $x$  ad  $z$ . Constat enim, terminum  $x$  esse ad  $z$  in ratione *duplicata* ipsius  $x$  ad secundum  $y$  (a).

C O R O L L A R I U M X.

*Si ratio altitudinum prismatum, & pyramidum similium, quorum bases sint plana similia, continuetur usque ad tertium terminum, horum solidorum superficies erunt respectue inter se, ut primus ad tertium.*

112. Demonstratur, ut præcedens.

C O R O L L A R I U M XI.

*Si ratio tam radiorum, quam catetorum in polyedris regularibus ejusdem generis continuetur usque ad tertium terminum, superficies ipsorum polyedrorum erunt directæ inter se, ut primus ad tertium.*

113. Patet ex demonstratione coroll. IX.

C O R O L L A R I U M XII.

*Duo quolibet latera homologa planorum similium, quibus similia solida continentur, sunt in ratione subduplicatâ superficierum ipsorum solidorum.*

114. Quandoquidem cum superficies hujusmodi sint in ratione *duplicata* suorum laterum homologorum (b), ipsa vicissim latera erunt in ratione ipsarum superficierum *subduplicata* (c).

CO-

(a) Lib. I §. 177.

(b) §. 102.

(c) Lib. I. §. 10.

## COROLLARIUM XIII.

*Altitudines prismatum, & pyramidum similium, quarum bases sint plana similia, sunt in ratione superficierum earundem subduplicata.*

115. Evincitur eodem modo, quo præcedens.

## COROLLARIUM XIV.

*Duo qualibet latera planorum, quibus polyedra regularia ejusdem generis terminantur, sicuti etiam ipsorum radii, & cæteri sunt in ratione subduplicata superficierum ipsorum polyedrorum.*

116. Hujus demonstratio eadem est cum demonstratione coroll. XII.

## L E M M A II,

*Sphæra est polyedrum regulare infinitis planis magnitudinis infinitæ parva comprehensum.*

117. Perspicuum namque est, polyedrum regulare magis ac magis ad sphæram accedere, quo numero plura, & magnitudine exiliora sunt plana, quibus polyedrum terminatur, ut proinde si hujusmodi plana terminantia sint numero infinita, & infinite exigua, polyedrum ipsum a sphæra discerni minime possit. Ergo sphæra spectari ac summi potest veluti polyedrum regulare planis numero infinitis, & magnitudine infinite parvis comprehensum.

C O R O L L A R I U M I.

*Sphæra catetus non differt ab illius radio.*

118. Etenim recta, quæ intelligitur cadere a centro sphæ-  
ræ in unum ex illis planis infinite parvis, quibus sphæra ter-  
minatur, eique ad perpendicularum incumbere, non differt a  
sphærae radio, nisi quantitate, quæ omni assignabili minor  
est, scilicet quantitate infinite parva, atque adeo nulla (a).  
Ergo sphærae catetus non differt ab illius radio.

C O R O L L A R I U M II.

*Omnes sphære sunt polyedra regularia ejusdem generis.*

119. Idem namque est numerus planorum regularium,  
quibus omnes sphærae continentur.

C O R O L L A R I U M III.

*Sphæra sunt polyedra sibi mutuo similia.*

120. Omnia siquidem polyedra regularia ejusdem generis  
sunt sibi mutuo similia (b).

C O R O L L A R I U M IV.

*Omnes sphærae sunt sibi mutuo similes.*

121. Sequitur manifeste ex præcedenti.

THEO.

(a) Lib. II. §. 32.

(b) §. 3.

## THEOREMA XX.

*Sphararum superficies sunt inter se in ratione duplicata  
suorum radiorum.*

Fig. 17. 122. Sint duæ sphaeræ ABCD, *abcd*, quarum radii sint  
Fig. 18. rectæ ED, *ed*. Dico, superficiem sphaeræ ABCD esse ad su-  
Tab. 10. perficiem sphaeræ *abcd* in ratione duplicata radii ED ad ra-  
dium *ed*.

*Demonstratio I.*

Sphaeræ ABCD, *abcd* sunt polyedra regularia ejusdem generis (a). Superficies autem polyedrorum regularium ejusdem generis sunt inter se in ratione duplicata suorum radiorum (b). Ergo superficies quoque sphaerarum ABCD, *abcd* sunt in ratione suorum radiorum ED, *ed* duplicata.

*Demonstratio II.*

Cum enim sphaeræ superficies consurgat ex completa revolutione semiperipheriæ circularis circa quiescentem diametrum (c), quam metitur integra peripheria circuli in ipsa sphaera maximi (d) superficies sphaeræ ABCD erit ad superficiem sphaeræ *abcd* in ratione composita ex ratione semiperipheriæ ABC ad semiperipheriam *abc*, ex quibus circa quiescentes diametros AC, *ac*, rotantibus producuntur, & ex ratione integræ peripheriæ circuli maximi ABCD ad integram peripheriam circuli maximi *abcd* (e). Est autem tam semiperipheria ABC ad semiperipheriam *abc* (f), quam integra peripheria ABCD ad integram peripheriam *abcd*; ut radius ED ad radium *ed* (g). Ergo superficies sphaeræ ABCD erit ad superficiem sphaeræ *abcd* in ratione, quæ consurgit

cx

(a) §. 119.

(b) §. 107.

(c) Lib. XI. §. 49.

(d) Ibidem §. 50.

(e) Lib. I. §. 169.

(f) Lib. IX. §. 150.

(g) Ibidem §. 154.

ex ratione radii ED ad radium *ed* semel ducta in seipsam. Hæc autem est ratio ipsorum radiorum *duplicata* (a). Ergo superficies sphaeræ ABCD est ad superficiem sphaeræ *abcd* in ratione *duplicata* radii ED ad radium *ed*. Itaque sphaerarum &c. quod erat ostendendum,

COROLLARIUM I.

*Sphæra elementa decrescunt centrum versus in ratione duplicata imminuti radii.*

123. Sphæricæ namque superficies, quæ sphaeræ soliditatem constituunt (b), sunt inter se in ratione *duplicata* radiorum, atque adeo in ratione *duplicata* imminuti radii centrum versus superficies ipsæ minuuntur.

COROLLARIUM II.

*Elementa sectoris sphaerici decrescunt centrum versus in ratione duplicata imminuti radii.*

124. Elementa enim sectoris sphaerici sunt partes similes superficierum sphaëricarum, quæ sphaeræ soliditatem constituunt (c), ac proinde sunt directe inter se, ut ipsæ sphaëricæ superficies (d).

COROLLARIUM III.

*Sphaerarum superficies sunt in ratione suarum diametrorum duplicata.*

125. Ratio namque diametrorum a ratione radiorum diversa non est (e).

Tom. III.

(a) Lib. I. §. 55.

(b) Lib. XI. §. 42.

(c) Lib. XI. §. 44.

S

(d) Lib. I. §. 52.

(e) Ibidem §. 57.

Q

## COROLLARIUM IV.

*Superficies sphaerarum sunt inter se, ut quadrata suorum  
diametrorum, & semidiametrorum.*

126. Nimirum superficies sphaerae ABCD est ad superficiem sphaerae *abcd*, ut quadratum AF diametri AC ad quadratum *af* diametri *ac*, sicuti etiam ut quadratum EG radii *EC* ad quadratum *eg* radii *ec*. Sunt enim huiusmodi quadrata in ratione suorum laterum duplicata (a).

## COROLLARIUM V.

*Superficies sphaerarum sunt directe inter se, ut maximi ipsarum sphaerarum circuli.*

127. Ut si maximus circulus sphaerae ABCD sit MNPQ, & maximus circulus sphaerae *abcd* sit *mnpq*, superficies sphaerae ABCD erit ad superficiem sphaerae *abcd*, ut circulus MNPQ ad circulum *mnpq*. Etenim diametri MP, *mp* circulorum MNPQ, *mnpq* diversimode non sunt a diametris ipsarum sphaerarum ABCD, *abcd* (b). Sunt autem circuli, ut quadrata suorum diametrorum (c). Ergo circuli MNPQ, *mnpq* sunt quoque; ut quadrata diametrorum AC, *ac* sphaerarum ABCD, *abcd*. Superficies autem sphaerarum ABCD, *abcd* sunt, ut quadrata diametrorum AC, *ac* (d). Ergo erunt etiam, ut quadrata diametrorum MP, *mp*, atque adeo ut maximi ipsarum circuli MNPQ, *mnpq*.

(a) Lib. IX. §. 17a

(b) Lib. XII.

(c) Lib. IX.

(d) §. 17a



COROLLARIUM VI.

Si ratio diametrorum, vel semidiametrorum duarum sphaerarum continetur usque ad tertium terminum, superficies unius sphaerae erit ad superficiem alterius, ut illorum primus ad tertium.

128. Prius enim illorum terminorum est ad tertium in duplicata ratione primi ad secundum (a).

COROLLARIUM VII.

Tam diametri, quam semidiametri sphaerarum sunt in ratione subduplicata superficialium eandem.

129. Id enim ex eo aperte sequitur, quod ex ratione tam diametrorum, quam semidiametrorum semel in se ducta ratio ipsarum superficialium consurgat (b).

THEOREMA XXI.

Prismata, & pyramides similes sunt respectue inter se in ratione triplicata laterum homologorum duorum planorum similium, quibus continentur.

I.

130. Sint duo prismata similia AE, ac, quorum homologa latera sint EP, ef. Dico, prismata AE esse ad prismata ac in ratione triplicata lateris EP ad lateris ef. fig. 1.  
Tab. 2.

Demonstratio.

Duo similia plana DEF, def spectentur veluti bases ipsorum

S 2

(a) Lib. I. §. 277.

(b) ibidem §. 27.

rum prismatum, eorumque altitudines sint rectæ  $MN$ ,  $mn$ , cum igitur prismata sint inter se in ratione composita basium, & altitudinum (a), prisma  $AE$  erit ad prisma  $ae$  in ratione composita basium  $DEF$  ad basium  $def$ , & ex ratione altitudinis  $MN$  ad altitudinem  $mn$ . Sunt autem bases  $DEF$ ,  $def$  in ratione duplicata laterum homologorum  $EF$ ,  $ef$  (b); eademque est ratio altitudinum  $MN$ ,  $mn$ , quæ laterum  $EF$ ,  $ef$  (c). Ergo prisma  $AE$  erit ad prisma  $ae$  in ratione composita ex ratione laterum  $EF$ ,  $ef$  & ex eadem duplicata. Hæc autem est ratio triplicata ipsorum laterum  $EF$ ,  $ef$  (d). Ergo prismata  $AE$ ,  $ae$  sunt in ratione laterum  $EF$ ,  $ef$  triplicata.

## I I

131. Sint duæ pyramides similes  $DMF$ ,  $dmf$ , quarum basium similium  $DEF$ ,  $def$  homologa latera sint  $EF$ ,  $ef$ . Dico, pyramidem  $DMF$  esse ad pyramidem  $dmf$  in ratione triplicata homologorum laterum  $EF$ ,  $ef$ .

## Demonstratio I.

Coincidit cum præcedenti. Sunt enim pyramides, quemadmodum prismata, in ratione composita basium, & altitudinum (e).

## Demonstratio II.

Super easdem bases  $DEF$ ,  $def$ , & sub iisdem altitudinibus  $MN$ ,  $mn$  constituta habeantur duo similia prismata  $AE$ ,  $ae$ . Res perspecta est, pyramidem  $DMF$  esse ad pyramidem  $dmf$ , ut prisma  $AE$  ad prisma  $ae$  (f). Est autem prisma  $AE$  ad prisma  $ae$  in ratione triplicata homologorum laterum  $EF$ ,  $ef$  (g). Ergo in eadem quoque ratione erunt pyramides  $DMF$ ,  $dmf$ .

(a) 1. 9. Lib. 12. §. 11. (b) 1. 11. Lib. 12. §. 11. (c) 1. 11. Lib. 12. §. 11. (d) 1. 11. Lib. 12. §. 11. (e) 1. 11. Lib. 12. §. 11. (f) 1. 11. Lib. 12. §. 11. (g) 1. 11. Lib. 12. §. 11.

(b) Lib. 12. §. 11.

(c) 1. 11. Lib. 12. §. 11.

(d) Lib. 12. §. 11.

(e) 1. 11. Lib. 12. §. 11.

(f) 1. 11. Lib. 12. §. 11.

*dmf.* Itaque prismata &c. quod erat ostendendum.

**COROLLARIUM I.**

*Prismata, & pyramides similes, quarum bases sint plana  
similia, sunt respectu inter se in ratione triplicata  
suorum altitudinum.*

132. Sunt enim altitudines prismatum, & pyramidum si-  
milium, ut duo quolibet homologa ipsorum latera (a).

**COROLLARIUM II.**

*Parallelepipeda similia sunt in ratione triplicata suorum  
laterum homologorum.*

133. Similia namque parallelepipeda sunt species prism-  
atum similia; cum omne parallelepipedum sit prisma (b).

**COROLLARIUM III.**

*Cubi sunt in ratione triplicata suorum laterum.*

134. Omnes enim cubi sunt parallelepipeda similia, cum  
omnis cubus sit parallelepipedum (c), & omnes cubi sint  
sibi mutuo similes (d). Omniaque insuper latera unius sunt  
homologa lateribus alterius (e).

**COROLLARIUM IV.**

*Omnia tetraedra sunt in ratione suorum laterum triplicata.*

135. Etenim omnia tetraedra sunt pyramides, & quidem  
simi-

(a) §. 72. 73.

(b) Lib. XI. §. 23.

(c) Ibidem §. 22.

(d) §. 4.

(e) §. 5.

similes (a); atque omnia unius tetraedae latera sunt alterius lateribus homologa (b).

## COROLLARIUM V.

Omnia prismata similia a cubis diversa, omnesque pyramides similes sunt, ut cubi suorum laterum homologorum.

136. Omnia namque huiusmodi solida similia sunt respective inter se in ratione triplicata suorum laterum homologorum, in qua idem ratione sunt eorumdem laterum cubi (c).

## COROLLARIUM VI.

Si ratio laterum homologorum in prismatibus, parallelepipedis, & pyramidibus similibus, atque cubis continetur usque ad quartum terminum, solidum erit ad solidum, ut illorum primum ad quartum.

137. Ut si latus EF prismatis AE fuerit ad latus sibi homologum ef similis prismatis ae, quemadmodum est  $n$  ad  $x$ , & fiat  $\frac{n}{x} = \frac{r}{s} = \frac{t}{z}$ , solidum AE erit ad simile solidum ae, ut primus terminus  $n$  ad quartum  $z$ . Est enim  $n$  ad  $z$  in ratione triplicata primi  $n$  ad secundum  $x$  (d).

## SOLUTION.

138. Hinc apparet, ex inventione duarum mediarum proportionalium inter duas datas rectas lineas dependere solutionem eximii problematis de cubi duplicatione, quod Priscorum ingenia maxime coersit, quodque ab Apollinis Deliaci responso Deliacum dictum est, quatenus nempe is consulentibus respondit, cum demum Athenas peste, quam id temporis grassabatur, liberatum iri, cum ejus ara, quae cubica erat, duplicaretur.

THEO-

(a) §. 4.  
(b) §. 1.

(c) §. 134.  
(d) Lib. I. §. 177.

THEOREMA XXII.

Cylindri, & conī similes sunt respectu inter se in ratione duplicata diametrorum suarum basium.

I

139. Sint duo similes cylindri FD, &c. Dico, illos esse inter se in ratione triplicata diametrorum CD, &c. suarum basium. Eorū.  
lib. 12. p. 12.

*Demonstratio.*

Cylindri FD, &c. sunt in ratione composita ex ratione basium CD, &c. & ex ratione altitudinum OR, &c. (a). Circuli autem basium sunt in ratione duplicata diametrorum CD, &c. (b), & ratio altitudinum OR, &c. diversa non est a ratione diametrorum CD, &c. (c). Ergo cylindri FD, &c. erunt inter se in ratione composita ex ratione diametrorum CD, &c. & ex eadem duplicata. Hæc autem ratio est triplicata ipsarum diametrorum CD, &c. (d). Ergo cylindri FD, &c. sunt in ratione diametrorum suarum basium triplicata. Fig. 1.  
Fig. 4.  
Tab. 2

I I

140. Sint duo conī similes CO, &c. Dico, eos quoque esse inter se in ratione triplicata diametrorum CD, &c. suarum basium.

*Demonstratio I.*

Eadem est cum precedenti. Nam conī, quatenus modum cylindri, sunt in ratione composita basium, & altitudinum (e), & ratio altitudinum in conis similibus diversa non est a ratione diametrorum suarum basium (f).

*Demonstratio.*

- (a) §. 37.  
(b) Lib. IX. §. 186.  
(c) §. 77.

- (d) Lib. I. §. 11.  
(e) §. 38.  
(f) §. 78.

## III. Demonstratio I.

Eamvero, & super eandem bases  $CD$ ,  $cd$ , & sub hisdem altitudinibus  $OR$ ,  $or$  constituantur similes cylindri  $FD$ ,  $fd$ , conis  $COD$ ,  $cod$  erunt inter se, ut ipsi cylindri  $FD$ ,  $fd$  (a). Cylindri autem  $FD$ ,  $fd$  sunt in ratione triplicata diametrorum  $CD$ ,  $cd$  suarum basium (b). Ergo in eadem eisdem ratione erunt conis  $COD$ ,  $cod$ : Iamque cylindri &c. quod erat ostendendum.

## COROLLARIUM I.

Cylindri, & conis similes sunt respectu inter se in ratione triplicata semidiametrorum suarum basium.

141. Semidiametri namque circulorum sunt inter se, ut eorundem diametri (c).

## COROLLARIUM II.

Cylindri, & conis similes sunt respectu inter se in ratione triplicata tum axium, tum altitudinum.

142. Etenim ratio tum axium, tum altitudinum in cylindris, & conis similibus diversa non est a ratione diametrorum suarum basium (d).

## COROLLARIUM III.

Cylindri, & conis similes sunt respectu inter se, ut cubi altitudinum, axium, diametrorum, & semidiametrorum suarum basium.

143. Sunt enim cubi in ratione triplicata suorum laterum (e).

(a) §. 14.

(b) §. 119.

(c) Lib. I §. 116.

(d) §. 8.

(e) §. 114.

CO-

COROLLARIUM IV.

Si ratio altitudinum, vel axium, aut diametrorum, vel semidiametrorum basium in cylindris, & conis similibus continetur usque ad quartum terminum, cylindrus erit ad cylindrum, & conus ad conum, ut illorum terminorum primus ad quartum.

144. Quandoquidem primus illorum terminorum est ad quartum in ratione triplicata primi ad secundum (a).

COROLLARIUM V.

Axes, & altitudines, sicuti etiam diametri, & semidiametri basium cylindrorum, & conorum similium sunt respective inter se in ratione subtriplicata ipsorum corporum.

145. Sunt enim inter se in ea ratione, ex qua ducta in seipsam duplicatam ratio ipsorum corporum efficitur.

THEOREMA XXIII.

Polyedra similia sunt in ratione triplicata laterum homologorum duorum planorum similium, quibus continentur.

146. Sint duo polyedra similia ACE, *acc*, & AF, *af*, sint latera homologa planorum similium AMR, *anf*. Dico, polyedrum ACE esse ad polyedrum ace in ratione triplicata laterum AF, *af*.

Tom. III.

T

Demon-

(a) Lib. I. §. 177.

## Demonstratio.

Cum polyedra ACE, *acc* resolvi possint in pyramides numero æquales, & magnitudinis similes (a), eademque sit ratio omnium laterum homologorum planorum similium, quibus polyedra ipsa terminantur (b), atque insuper pyramides similes sint in ratione *triplicata* suorum laterum homologorum (c), quælibet pyramis illarum, in quas resolvitur polyedrum ACE, erit ad quamlibet sibi similem illarum pyramidarum, in quas polyedrum *acc* dividitur, in ratione *triplicata* laterum homologorum AF, af; atque adeo omnes simul pyramides constituentes polyedrum ACE erunt ad eas omnes pyramides, simul itidem sumtas, quæ polyedrum *acc* constituunt, in ratione ipsorum laterum AF, af *triplicata* (d). Igitur polyedrum ACE erit ad polyedrum *acc* in ratione *triplicata* homologorum laterum AF, af. Polyedra itaque similia &c. quod erat ostendendum.

## COROLLARIUM I.

*Polyedra similia sunt directe inter se, ut cubi laterum homologorum duorum planorum similium, quibus terminantur.*

147. Sunt enim cubi illorum laterum in ratione eorundem *triplicata* (e).

## COROLLARIUM II.

*Polyedra regularia ejusdem generis sunt directe inter se in ratione triplicata laterum homologorum.*

148. Omnia siquidem polyedra regularia ejusdem generis sunt

(a) §. 97.

(b) §. 71.

(c) §. 131.

(d) Lib. I. §. 144.

(e) §. 134.



sunt sibi mutuo similia (a); atque adeo in ratione triplicata suorum laterum, utpote quæ omnia sunt sibi mutuo homologa (b).

**COROLLARIUM III.**

*Polyedra regularia ejusdem generis sunt inter se in ratione triplicata suorum radiorum, & catetorum.*

149. Eorum radii, & cateti polyedrorum regularium ejusdem generis sunt inter se, ut duo quilibet ipsorum latera (c). Hæc autem polyedra sunt in ratione suorum laterum triplicata (d). Ergo erunt quoque in ratione triplicata suorum radiorum, & catetorum.

**COROLLARIUM IV.**

*Polyedra regularia ejusdem generis sunt inter se, ut cubi suorum laterum, nec non radiorum, & catetorum,*

150. Siquidem horum omnium cubi sunt in ratione eorundem triplicata (e).

**COROLLARIUM V.**

*Duo quilibet solida rectilinea similia sunt in ratione triplicata laterum homologorum duorum planorum similium, quibus continentur.*

151. In hac enim ratione demonstravimus esse duo prismata similia (f), duas similes pyramides (g), duoque similia polyedra (h). Ad hæc autem omnia solida similia rectilinea reducuntur. Ergo &c.

**T 2**

**CO-**

(a) §. 3.

(b) §. 5.

(c) §. 99. & 100.

(d) §. 148.

(e) §. 134.

(f) §. 230.

(g) §. 133.

(h) §. 146.

## COROLLARIUM VI.

*Si ratio duorum laterum homologorum planorum rectilineorum similium, quibus similia solida terminantur, continuetur usque ad quartum terminum, solidum erit ad solidum, ut illorum primus ad quartum.*

152. Est enim primus illorum quatuor terminorum ad quartum in ratione triplicata primi ad secundum (a).

## COROLLARIUM VII.

*Si quatuor rectæ proportionales fuerint latera homologa solidorum similium, solida ipsa erunt proportionalia.*

153. Ut si quatuor rectæ proportionales  $a, b, c, d$  fuerint latera homologa solidorum similium  $A, B, C, D$ , solida ipsa  $A, B, C, D$  erunt inter se proportionalia. Cum enim sit per hypothesim  $a:b=c:d$ , sicuti solidum  $A$  est ad solidum  $B$  in ratione triplicata primæ  $a$  secundam  $b$  (b), erit solidum  $A$  ad solidum  $B$  in ratione triplicata etiam tertiæ  $c$  ad quartam  $d$ . Est autem solidum quoque  $C$  ad solidum  $D$  in ratione triplicata earundem  $c, d$ . Ergo erit  $A:B=C:D$ .

## COROLLARIUM VIII.

*Si in polyedris regularibus ejusdem generis ratio radiorum, vel laterorum continuetur usque ad quartum terminum, erit polyedrum ad polyedrum, ut primus illorum terminorum ad quartum.*

154. Demonstratio eadem est cum demonstratione coroll. VI.

COROLLARIUM IX.

*Latera homologa solidorum rectilinearum similium sunt in ratione ipsorum solidorum subtriplicata.*

155. Ipsorum namque laterum ratio ea est, ex qua ducta in seipsam *duplicatam* ratio ipsorum solidorum efficitur.

COROLLARIUM X.

*Radii, & cateti polyedrorum regularium ejusdem generis sunt in ratione ipsorum polyedrorum subtriplicata.*

156. Coincidit cum præcedenti.

COROLLARIUM XI.

*Si fuerint quatuor solida similia inter se proportionalia, eorum latera homologa erunt proportionalia.*

157. Ut si fuerint quatuor solida rectilinea proportionalia A, B, C, D, quorum latera homologa sint  $a, b, c, d$ , erit  $a.b = c.d$ . Cum enim sit  $A. B = C. D$ , quemadmodum Euclid. l. 12 p. 18 latera  $a, b$  sunt in ratione *subtriplicata* duorum solidorum A, B ( $b$ ), erunt etiam in ratione *subtriplicata* duorum solidorum C, D ( $c$ ). Sunt autem etiam duo  $c, d$  in ratione *subtriplicata* solidorum C, D. Ergo erit  $a. b = c. d$ .

THEOREMA XXIV.

*Sphæra sunt inter se in ratione triplicata suorum radiorum.*

158. Sint duæ sphæræ ABCD, abcd, quarum radii sint rectæ

(a) §. 152.

(b) §. 155.

(c) §. 155.

rectæ  $ED$ , *ed*. Dico, sphaeram  $ABCD$  esse ad sphaeram  $abcd$  in ratione *triplicata* radii  $ED$  ad radium  $ed$ .

### Demonstratio I.

Fig. 17. Sphaeræ considerari possunt veluti duo polyedra regularia  
Fig. 18. ejusdem generis (a). Hujusmodi autem polyedra sunt inter  
Tab. 10. se, in ratione *triplicata* suorum radiorum (b). Ergo in *triplicata* quoque suorum radiorum  $ED$ , *ed* ratione erunt sphaeræ  $ABCD$ ,  $abcd$ .

### Demonstratio II.

Quoniam sphaera  $ABCD$  oritur ex completa revolutione semicirculi  $ABC$  circa quiescentem diametrum  $AC$ , quam metitur peripheria circuli in ipsa sphaera maximi  $ABCD$ , & sphaera  $abcd$  ex rotatione semicirculi  $abc$  circa diametrum quiescentem  $ac$ , cujus rotationis mensura est peripheria circuli itidem maximi  $abcd$  (c), sphaera  $ABCD$  erit ad sphaeram  $abcd$  in ratione composita ex ratione semicirculi  $ABC$  ad semicirculum  $abc$ , & ex ratione integre peripheriæ circuli maximi  $ABCD$  ad peripheriam circuli maximi  $abcd$  (d). Semicirculus autem  $ABC$  est ad semicirculum  $abc$  in ratione *duplicata* radii  $ED$  ad radium  $ed$  (e), & peripheria circuli  $ABCD$  est ad peripheriam circuli  $abcd$ , ut radius  $ED$  ad radium  $ed$  (f). Ergo ratio sphaeræ  $ABCD$  ad sphaeram  $abcd$  est composita ex ratione radiorum  $ED$ ,  $ed$ , & ex ratione eorundem *duplicata*. Hæc autem est ratio ipsorum radiorum *triplicata* (g). Ergo sphaera  $ABCD$  est ad sphaeram  $abcd$  in ratione *triplicata* radii  $ED$  ad radium  $ed$ . Itaque sphaeræ &c. quod erat ostendendum.

CO-

(a) §. 119.

(b) §. 149.

(c) Lib. XI. §. 47, 50.

(d) Lib. I. §. 169.

(e) Lib. IX. §. 487.

(f) Ibidem §. 154.

(g) Lib. I. §. 15.

*COROLLARIUM I.*

*Sphæra sunt in ratione triplicata suarum diametrorum.*

159. Sphærarum namque diametri sunt directe inter se, ut earundem semidiametri (a).

*COROLLARIUM II.*

*Sphære sunt directe inter se, ut cubi suarum diametrorum, & semidiametrorum.*

160. Cubi siquidem tam diametrorum, quam semidiametrorum sunt in ratione ipsarum triplicata (b).

*COROLLARIUM III.*

*Si ratio diametrorum, vel semidiametrorum duarum sphaerarum continuetur usque ad quartum terminum, sphaera est ad sphaeram, ut illorum primus ad quartum.*

161. Primus enim quatuor terminorum continuo proportionalium est ad quartum in ratione triplicata primi ad secundum (c).

*COROLLARIUM IV.*

*Sphæra, quarum diametri sint proportionales, inter se quoque sunt proportionales.*

162. Demonstratur eodem modo, quo §. 153.

CO:

(a) Lib. I. §. 127.

(b) §. 154.

(c) Lib. I. §. 177.

## COROLLARIUM V.

*Diametri, & semidiametri sphaerarum sunt in ratione ipsarum sphaerarum subtriplicata.*

163. Ratio namque diametrorum, & semidiametrorum duarum sphaerarum hujusmodi est, ut ex illa ducta in seipsam duplicatam ipsarum sphaerarum ratio confurgat.

## COROLLARIUM VI.

*Si fuerint quatuor sphaerae proportionales, earum quoque diametri, & semidiametri erunt proportionales.*

164. Hujus demonstratio coincidit cum demonstratione §. 157.



# ELEMENTORUM MATHEMATICORUM LIBER XIV.

## De solidorum dimensione.

**Q**uemadmodum ea practicæ Geometriæ pars, quæ modum exhibet dimetiendi figuras planas, *Planimetria* dicitur, ita illa, in qua de solidorum dimensione differitur, *Stereometria* nuncupatur. Hujus ergo fundamentalia principia hic exhibemus, & demonstramus una cum nonnullis ex pulcherrimis divinisque prorsus inventis, quæ duobus libris de *sphæra*, & *cylindro* Archimedes tradidit.

### DEFINITIO I.

1. *Digitus, palmus, pes, & pollex cubici sunt cubi, quorum* Fig. 10.  
Tab. 10.  
*latus unius digiti, palmi, pedis, aut pollicis longitudini est æquale. Ut si latus KL cubi KP fuerit digitalis longitudinis, cubus KP dicetur digitus cubicus; si pedalis, pes cubicus, atque ita de ceteris.*

### HYPOTHESIS I.

2. Magnitudo, sive quantitas cujusvis solidi determinatur per numerum digitorum, palmorum, pedum, vel pollicum cubicorum, quos area ipsius solidi adæquat. Illius vero superficies valor definitur per numerum digitorum, palmorum, pedum, aut pollicum quadratorum, cui superficies ipsa est æqualis.

### DEFINITIO II.

3. *Magnitudo itaque, sive quantitas cujusvis solidi dicitur nota,*  
*Tom. III, V, ta,*

ea, cum notum nobis fuerit, quod digitos, palmos, pedes, vel pollices cubicos illius area comprehendat. Notus quoque dicitur valor superficiei dati solidi, cum nobis innotescit, quot digitos, palmos, pedes, aut pollices quadratos ipsa superficies complectatur.

## HYPOTHESIS II.

4. Pro definienda soliditate corporum, quæ a prisma, & cylindro sunt diversa, ea ad prisma, vel ad cylindrum, prout opus fuerit, primo revocabimus. Similiter pro determinanda solidorum superficie, superficiem ipsam ad rectangulum reducemus. Constat enim, facili negotio valorem rectanguli palam fieri. Constabit quoque, soliditatem prismatis, & cylindri facillime in aperto poni.

## DEFINITIO III.

Fig. 1. Tab. II. 5. Quemadmodum si semicirculus ACB in gyrum agatur circa quiescentem diametrum AB, producitur sphaera ACBD, ita si circa eandem diametrum revolvatur semiquadratum AEFB semicirculo ACB circumscriptum, efficitur cylindrus rectus EFGH, qui sphaera ACBD circumscriptus dicitur.

## COROLLARIUM I.

6. Axis, sive altitudo cylindri recti sphaera circumscripti diversa non est a diametro inscriptæ sphaera. Est enim diameter semicirculi, ex cuius revolutione inscripta sphaera efficitur.

## COROLLARIUM II.

Fig. 1. Tab. II. 7. Diameter basis cylindri recti sphaera circumscripti est equalis diametro ipsius sphaera. Diameter nimirum FG basis cylindri recti EG sphaera ACBD circumscripti adæquat diametrum AB ipsius sphaera. Utraque enim diameter est dupla lateris FB semiquadrati genitoris AEFB.

CO.



COROLLARIUM III.

8. *Basis cylindri recti sphaera circumscripti est aequalis circulo maximo ipsius sphaerae.* Videlicet circulus baseos FG cylindri recti EFGH circumscripti sphaerae ACBD est aequalis circulo maximo ipsius sphaerae. Cum enim diameter baseos FG non differat a diametro sphaerae inscriptae ACBD. (a), circulus baseos FG aequabitur circulo in sphaera, qui per ipsius sphaerae centrum transit. Circulus autem, qui per sphaerae centrum transit, est maximus in ipsa sphaera (b). Ergo circulus baseos FG cylindri EFGH sphaerae ACBD circumscripti aequat circulum maximum ipsius sphaerae.

Fig. 1.  
Tab. II.

COROLLARIUM IV.

9. *Axis, sive altitudo cylindri recti sphaera circumscripti est aequalis diametro baseos ipsius cylindri.* Quandoquidem tam axis ipsius cylindri, quam diameter circuli baseos ejusdem aequat diametrum inscriptae sphaerae (c).

DEFINITIO IV.

10. Si quadratum CBDA, & quadrans circuli AMBD simul circa immotum latum AD revolvantur, sicuti ex revolutione quadrantis AMBD habetur hemisphaerium BAE, ita ex rotatione completa quadrati CBDA emergit cylindrus rectus CBEF, qui hemisphaerio BAE circumscriptus vocatur.

Fig. 2.  
Tab. II.

COROLLARIUM I.

11. *Circulus baseos cylindri recti hemisphaerio circumscripti est circulus maximus sphaerae, cujus hemisphaerium ipsum est una medietas.* Sphaera namque non dividitur bifariam, nisi a circu-

V 2

lo

(a) §. 7.

(b) Lib. XII. §. 49.

(c) §. 6.

lo per illius centrum tranſeunte, (a), atque adeo in ipſa ſphaera maximo (b).

## COROLLARIUM II.

12. *Diameter baſeos cylindri recti hemiſphario circumſcripti diverſa non eſt a diametro baſeos hemiſpharii, ſive ſphaera, cujus ipſum hemiſpharium eſt una medietas. Patet ex præcedenti.*

## COROLLARIUM III.

13. *Latus cylindri recti hemiſphario circumſcripti adequat radiũ ipſius hemiſpharii. Nimirum latus CB cylindri CE hemiſphario BAE circumſcripti eſt æquale radio AD ipſius hemiſpharii. Omnia enim latera quadrati genitoris ACBD ſunt inter ſe æqualia (c).*

## DEFINITIO V.

Fig. 3.  
Tab. 11. 14. Si triangulo æquilatere ABC inſcriptus ſit circulus MEN, iſque ſimul cum ipſo triangulo circa communem axim AE revolvatur, duo ſunt ſolidæ, videlicet ſphaera MEN, & conus æquilaterus BAC, qui ipſi ſphaeræ circumſcriptus dicitur.

## COROLLARIUM.

15. *Centrum ſphaera cono æquilatere inſcripta diverſum non eſt a centro ipſius cono. Etenim centrum trianguli genitoris BAC non differt a centro circuli genitoris MEN ipſi triangulo inſcripti (d).*

THEO.

(a) Lib. XI. §. 59.

(b) Lib. XII. §. 45.

(c) Lib. VI. §. 2.

(d) Lib. IX. §. 16.

THEOREMA I

*Superficies prismatis recti, seclusis basibus, adaequat rectangulum sub perimetro basis, & sub uno ipsius prismatis latere comprehensum.*

16. Esto prisma rectum AF trilateram habens basim DEF. Dico, illius superficiem, seclusis basibus DEF, ABC, & quare rectangulum ac contentum sub recta *dc*, quæ sit æqualis perimetro basis DEF, & sub recta *ad*, quæ sit æqualis uni laterum AD ipsius prismatis.

Fig. 4.  
Fig. 5.  
Tab. 11.

*Demonstratio.*

Superficies prismatis AF, basibus seclusis, componitur ex tot rectangulis ejusdem altitudinis, quot sunt latera in perimetro basis DEF, nimirum ex tribus rectangulis æque altis ADEB, BEFC, CFDA (a). Tria autem hujusmodi rectangula æqualia sunt rectangulo *adcb*; cum posito segmento *de* = DE, segmento *ef* = EF, & segmento *fd* = FD, ductisque rectis *me*, *nf* parallelis tum inter se, tum lateribus *ad*, *bc*, adeoque ad perpendicularum insistentibus basi *dc*, rectangulum *adcb* divisum sit in tria rectangula tribus rectangulis, quibus prismatica superficies AF continetur, æqualia, alterum alteri (b), utpote supra æquales bases *respective*, & sub eadem altitudine per hypothesim constituta. Ergo superficies prismatis AF, basibus seclusis, est æqualis rectangulo *adcb*. Itaque superficies prismatis &c. quod erat ostendendum.

COROLLARIUM I

*Superficies prismatis recti, basibus seclusis, adaequat rectangulum sub perimetro basis, & sub illius altitudine comprehensum.*

17. Altitudo siquidem prismatis recti ab illius latere diversa non est (c).

(a) Lib. III. §. 20.

(b) Lib. IX. §. 12.

(c) Lib. IX. §. 11.

CO.

COROLLARIUM II.

*Si basis prismatis recti fuerit figura regularis, illius superficies, demtis basibus, oris ad basim, ut illius latus, sive altitudo, ad dimidium cateti basis.*

Fig. 6.  
Fig. 7.  
Fig. 8.  
Tab. 11.

18. Superficies nimirum recti prismatis AB, cujus basis CB sit pentagonum regulare, erit ad basim ipsam, ut latus, sive altitudo AC, ad dimidium cateti xy ipsius basis. Etenim basis CB adequat rectangulum md contentum sub recta md, quæ sit æqualis perimetro ipsius basis, & sub recta mn, quæ sit æqualis dimidio cateti xy, sicuti adequat rectangulum ex dimidia parte perimetri in catetum (a). Superficies autem prismatis AB est æqualis rectangulo ab contento sub recta cb æquali perimetro basis CB, & sub recta ac æquali lateri, sive altitudini AC (b). Ergo prismatica superficies AB, demtis basibus, est ad suam basim CB, ut rectangulum ab ad rectangulum md. Rectangulum porro ab est ad rectangulum md æqualis basis per hypothesim, ut latus, sive altitudo at, ad latus, sive ad altitudinem mn (c). Ergo prismatica quoque superficies AB, basibus seclulis, erit ad basim CB, ut latus, sive altitudo AC ad dimidium cateti xy ipsius basis.

PROBLEMA I.

*Superficiem prismatis recti invenire.*

19. Determinare oporteat superficiem recti prismatis AB.

Resolutio.

Perimeter basis CB ducatur in altitudinem, sive in latus AC, & facto adjiciatur valor basis CB bis sumtus. Summa

Fig. 6.  
Tab. 11.

(a) Lib. X. §. 39.  
(b) §. 14.

(c) Lib. IX. §. 100.

erit valor totius superficiei prismatice AB quæsitus. Ut si perimenter basis CB fuerit  $= a$ , & altitudo  $= b$ , valor superficiei prismatis AB, demtis basibus, erit  $= ab$ ; sique propterea valor basis CB fuerit  $= mn$ , tota prismatis superficies erit  $= ab + 2mn$ .

### *Demonstratio.*

Facto siquidem *ab* æquale est rectangulum sub perimetro basis, & sub latere ipsius prismatis comprehensum. Huic autem rectangulo æqualis est prismatica superficies AB, demtis basibus (a). Ergo &c.

## PROBLEMA II.

*Invenire superficiem prismatis inclinati.*

### *Resolutio.*

20. Determinetur valor omnium planorum, quibus prisma continetur. Horum omnium summa erit valor totius superficiei prismatice quæsitus.

### *Demonstratio.*

Totum quippe æquale est omnibus suis partibus simul sumtis (b).

## SCHOLIUM.

Pro determinanda cubi, qui species est prismatis, superficie, satis est, ut inveniatur area unius ex illis sex quadratis, quibus cubus comprehenditur, & valor hujusmodi per 6, multiplicetur. Factum enim dabit superficiem cubi quæsitam.

THEO-

(a) §. 16.

(b) *Syn. Alg.* §. 490.

## THEOREMA II.

*Superficies pyramidis recta, cujus basis sit figura regularis, adequat, seclufa basi, triangulum rectangulum, cujus alterum latus eorum, qua sunt circa angulum rectum, est aequale perimetrio basis, alterum altitudini unius ex illis isoscelibus triangulis, quibus pyramis continetur.*

21. Esto pyramis recta BAD, cujus basis BCD sit regularis. Dico, illius superficiem, seclufa basi BCD, æquare triangulum rectangulum *abc*, cujus alterum latus *bc* positum circa angulum rectum *abc*, sit æquale perimetrio basis BCD, alterum *ab* sit æquale altitudini *Ae* trianguli isoscelis CAD, quo simul cum aliis pyramis ipsa continetur,

Arch. I. 1  
de sph.  
p. 7., 8.

*Demonstratio.*

Diviso latere *bd* in tria æqualia segmenta *bd*, *df*, *fc*, quemadmodum tria sunt latera æqualia, quibus basis BCD data pyramidis continetur, ductisque rectis *ad*, *af*, tria triangula *bad*, *daf*, *fac*, utpote super æquales bases, & sub eadem altitudine constituta, erunt inter se æqualia (a). Æqualia sunt autem inter se etiam tria triangula isoscelia, quibus superficies pyramidis BAD, seclufa basi, terminatur; estque triangulum *bad* æquale triangulo CAD (b); cum per hypotesin eadem sit utriusque basis, & altitudo. Ergo tria triangula *bad*, *daf*, *fac* simul sumta, æqualia erunt tribus triangulis CAD, DAB, BAC simul itidem sumtis, quibus, seclufa basi, continetur superficies pyramidis BAD; atque adeo triangulum *abc* superficiem ipsam æquabit, demta basi. Itaque superficies pyramidis &c. quod erat ostendendum.

Fig. 9.  
Fig. 10.  
Tab. 11.

60:

(a) Lib. IX. §. 9b.

(b) Ibidem.

COROLLARIUM I.

*Superficies pyramidis rectæ, cujus basis sit figura regularis ; adæquat, seclusa basi, rectangulum contentum sub perimetro basis, & sub dimidia altitudine unius ex illis isoscelibus triangulis, quibus, pyramis terminatur.*

22. Superficies nimirum pyramidis rectæ BAD, cujus basis sit triangulum regulare, adæquat, seclusa ipsa basi, re-  
ctangulum *mben* contentum sub recta *bc*, quæ sit æqualis dimidiæ altitudini *Ae* trianguli CAD. Rectangulo quippe *mben* æquale est triangulum *bac* (a), cui superficies ipsius pyramidis, demta basi, est æqualis. Fig. 9.  
Fig. 10.  
Tab. II.

COROLLARIUM II.

*Superficies pyramidis rectæ, cujus basis sit figura regularis, seclusa basi, est ad ipsam basim, ut altitudo unius ex illis triangulis pyramidem terminantibus ad catetum ejusdem basis.*

23. Videlicet superficies rectæ pyramidis BAD, seclusa basi BCD, est ad ipsam basim, quæ ponitur figura regularis, ut altitudo *Ae* trianguli CAD ad catetum *xe* ejusdem basis. Quandoquidem constitutis ex altitudine *Ae*, & ex perimetro basis BCD triangulo rectangulo *abc*, nec non ex cateto *xe*, & ex eodem perimetro triangulo rectangulo *xey*, erit triangulum *abc* ad triangulum *xey* ejusdem basis, ut altitudo, sive latus *ab* ad altitudinem, sive ad latus *xe* (b). Superficies autem pyramidis BAD, seclusa basi, est æqualis triangulo *abc* (c), & basis ipsa BCD adæquat triangulum rectangulum *xey* (d). Ergo superficies pyramidis BAD, se-  
clusa

Tom. III.

X

(a) Lib. IX. §. 102.

(b) Ibidem §. 102.

(c) §. 21.

(d) Lib. X. §. 29.

clusa basi BCD, est ad ipsam basim, ut altitudo Ae ad catetum ejusdem basis &c.

### PROBLEMA III.

*Determinare superficiem pyramidis recta, cujus basis sit figura regularis.*

24. Esto pyramis recta BAD, cujus basis BCD sit figura regularis. Determinare oporteat illius superficiem.

#### *Resolutio.*

Per dimidium altitudinis unius ex illis triangulis, quibus pyramis continetur, multiplicetur valor perimetri basis, & facto valor basis adiciatur. Summa dabit superficiem quaesitam. Ut si altitudo Ae trianguli CAD fuerit  $=m$ , & perimenter basis BCD  $=n$ , valor superficiei pyramidis BAD, seclusa basi, erit  $=\frac{mn}{2}$ . Quamobrem si valor basis BCD fuerit  $=pr$ , tota superficies datae pyramidis erit  $=\frac{mn}{2} + pr$ .

#### *Demonstratio.*

Patet ex §. 22. hujus.

### PROBLEMA IV.

*Determinare superficiem cujuscunque pyramidis:*

#### *Resolutio.*

25. Inveniatur valor singulorum triangulorum, quibus pyramis ipsa terminatur, nec non valor basis. Horum omnium summa erit superficies quaesita.

De-



*Demonstratio.*

Valor enim totius diversus non est a valore omnium suarum partium simul summarum.

**T H E O R E M A III.**

*Superficies cylindri recti, seclusis basibus, aequat rectangulum sub peripheria basis, & sub illius latere comprehensum.*

26. Esto cylindrus rectus ACDB. Dico, illius superficiem, demtis basibus AB, CD, aequare rectangulum acdb sub recta cd, quæ sit æqualis perimetro basis CD, & sub recta ac, quæ sit æqualis lateri AC ipsius cylindri, comprehensum.

*Demonstratio.*

Cylindrus quippe ACDB est. prisma rectum infinitorum laterum (a). Superficies autem recti prismatis, seclusis basibus, est æqualis rectangulo contento sub latere ipsius prismatis, & sub perimetro basis (b). Ergo idipsum quoque verum est de superficie recti cylindri ACDB. Superficies itaque cylindri &c. quod erat ostendendum.

Fig. 12.  
Fig. 13.  
Tab. 11.

**S C H O L I O N.**

27. Veritas hujus propositionis ex eo etiam patet, quod si superficiei cylindri recti appretur charta, ut illi omnino congruat, tum ipsa charta in planum extendatur, rectangulum illa exhibeat, cujus basis æqualis est peripheriæ basis, altitudo vero lateri ipsius cylindri.

X 2

CO

(a) Lib. XI. §. 70.

(b) §. 184.

## COROLLARIUM I.

*Superficies cylindri recti, demtis basibus, aequalis est rectangulo contento sub peripheria basis, & sub illius axe.*

28. Axis namque cylindri æqualis est ejusdem lateri (a).

## COROLLARIUM II.

*Superficies cylindri recti, seclusis basibus, aequalis est rectangulo contento sub peripheria basis, & sub illius altitudine.*

29. Etenim altitudo cylindri recti ab illius axe diversa non est (b).

## COROLLARIUM III.

*Superficies cylindri recti, seclusis basibus, est ad circumulum basis, ut latus, sive axis ipsius cylindri ad dimidium radii, sive ad quartam partem diametri ipsius basis.*

30. Coincidit cum demonstratione tradita §. 18. hujus: Circuli namque catetus non differt ab illius radio (c), utque alibi ostensum est, circulus æqualis est rectangulo comprehenso sub peripheria, & sub dimidia parte radii (d).

## COROLLARIUM IV.

*Superficies cylindri recti, cujus axis, sive altitudo sit æqualis diametro circuli basis, demtis basibus, est quadrupla circuli basis.*

31. Ut si axis, sive altitudo  $xy$  cylindri recti  $ACDB$  fuerit æqualis diametro  $CD$  basis  $CD$  ipsius cylindri, cylindri-  
ca

(a) Lib. XI. §. 119.

(b) Lib. XI. §. 119.

(c) Lib. IX. §. 130.

(d) Lib. X. §. 48.

ca ipsa superficies, demtis basibus, erit quadrupla circuli CD. Superficies namque cylindrica ACDB, seclusis basibus, est ad circumulum basis CD, ut axis, sive altitudo  $xy$  ad quartam partem diametri CD (a). Est autem per hypothesim  $xy = CD$ . Ergo superficies cylindrica ACDB erit ad circumulum basis CD, ut 4. ad 1. Fig. 12.  
Tab. 11.

*C O R O L L A R I U M V.*

*Superficies cylindri recti sphaera circumscripti, seclusis basibus, est quadrupla maximi circuli ipsius sphaera.*

32. Curva nimirum superficies cylindri recti EG sphaerae ACBD circumscripti est quadrupla circuli maximi ipsius sphaerae. Maximus namque circulus inscriptae sphaerae ACBD est aequalis circulo basis FG ipsius cylindri (b). Fig. 1.  
Tab. 11.

*C O R O L L A R I U M VI.*

*Superficies cylindri recti, cujus axis sit aequalis diametro circuli basis, adaequat, seclusis basibus, circumulum ex diametro basis descriptum.*

33. Si nimirum axis  $xy$  cylindri recti AD fuerit aequalis diametro CD basis, cylindrica superficies AD, basibus seclusis, aequalis erit circulo EG, cujus radius FE sit aequalis diametro CD basis; ipsius cylindri. Cum enim radius FE circuli EG, sit duplus radii  $FC$  circuli basis CD, sintque circuli in ratione duplicata suorum radiorum (c), circulus EG erit quadruplo major circulo basis CD (d). Curva autem cylindri AD superficies est quadrupla circuli baseos CD (e). Ergo superficies ipsa circumulum adaequat EG (f). Fig. 12.  
Fig. 24.  
Tab. 11.

CO.

(a) §. 30.

(b) §. 9.

(c) Lib. IX. §. 285.

(d) Lib. I. §. 55.

(e) §. 31.

(f) Lib. I. §. 103.

## COROLLARIUM VII.

*Superficies cylindri recti sphaera circumscripti, seclusis basibus, adaequat circulum descriptum ex diametro ipsius sphaerae.*

34. Diameter namque inscriptae sphaerae est aequalis diametro basis ipsius cylindri (a)', quam quidem diametrum axis ejusdem cylindri itidem adaequat (b).

## COROLLARIUM VIII.

*Curvae superficies cylindrorum rectorum aequales bases habentium sunt inter, ut eorundem axes, sive altitudines, seu latera.*

35. Cum enim curva cylindri recti superficies sit aequalis rectangulo contento sub peripheria baseos, & sub axe, sive altitudine; seu latere (c), curvae superficies cylindrorum rectorum aequales bases habentium erunt inter se, ut rectangula super aequales bases constituta. Haec autem sunt, ut eorum altitudines (d). Ergo &c.

## COROLLARIUM IX.

*Superficies curva cylindrorum rectorum, quorum axes, seu altitudines, sive latera sint aequalia, sunt directe inter se, ut peripheria basium.*

36. Sunt enim inter se, ut rectangula aequalium altitudinum.

## COROLLARIUM X.

*Curvae superficies cylindrorum rectorum aequales axes, sive altitudines, seu latera habentium sunt inversae se, ut basium radii, & diametri.*

37. Ratio namque tam radiorum, quam diametrorum diversa non est a ratione peripheriarum (e).

(a) §. 7.  
(b) §. 9.  
(c) §. 28.

(d) Lib. III. §. 109.  
(e) Ibidem §. 154, 155.

COROLLARIUM XI.

*Si cylindrus rectus secetur plano basi parallelo, curva segmentorum superficies erunt inter se, ut segmenta axis, sive lateris, seu altitudinis.*

38. Si nimirum cylindrus rectus AD secetur plano *mn* basi CD parallelo, curva superficies segmenti *An* erit ad superficiem curvam segmenti *mD*, ut segmentum axis *xz* ad segmentum axis *xy*, sive ut segmentum lateris *Am* ad segmentum lateris *mC*. Segmenta namque *An*, *mD* sunt cylindri basium æqualium (a). Fig. 12.  
Tab. 11.

PROBLEMA V.

*Curvam cylindri recti superficiem determinare.*

39. Invenire oporteat superficiem curvam recti cylindri AD.

*Resolutio.*

Invento valore peripheriæ baseos CD (b), multiplicetur per ipsum valor lateris AC. Factum dabit superficiem questam. Ut si peripheria basis CD fuerit = *a*, & valor lateris AC = *b*, erit *ab* valor superficiæ cylindricæ AD, secutis basibus. Fig. 12.  
Tab. 11.

*Demonstratio.*

Est enim *ab* valor rectanguli, cui cylindrica ipsa superficies est æqualis (c).

THEO.

(a) Lib. XI. §. 82.  
(b) Lib. X. §. 40.  
(c) §. 26.

## THEOREMA IV.

*Superficies cylindri recti, seclusis basibus, æqualis est circumlo, cujus radius est media proportionalis inter cylindri latus, & diametrum basis.*

40. Inter latus AC cylindri recti AD, & diametrum CD basis CD sit media proportionalis recta FG. Dico, curvam cylindri AD superficiem æquare circumlo HK ex illa recta descriptum.

Arch.  
lib. 1. de  
sph. p. 18

*Demonstratio.*

Cum enim per hypothese recta, sive radius FG sit media proportionalis inter latus AC, & diametrum basis CD, rectangulum ACDB æquale erit quadrato MG (a). Rectangulo autem ACDB æquale est rectangulum ECab contentum sub radio Ca basis CD, & sub recta EC dupla lateris AC, adeoque super dimidiam basim, & sub dupla altitudine constitutum (b). Ergo rectangulum quoque ECab æquale erit quadrato MG (c); ac proinde latus, sive radius FG erit media proportionalis inter latus EC, & radium basis Ca (d). Rursum cum curva ipsius cylindri superficies adequet rectangulum edfe comprehensum sub recta cd, quæ sit æqualis lateri AC ipsius cylindri, & sub recta df æquali peripheriæ baseos CD (e), eadem quoque superficies æquabit triangulum rectangulum dbf super eandem basim df, & sub dupla altitudine bd constitutum (f), quod hujusmodi triangulum sit rectangulo edfe æquale (g). Circulus autem basis CD æqualis est triangulo rectangulo dmf, cujus altitudo md sit æqualis radio Ca, & basis df ejusdem peripheriæ (h). Ergo curva cylindri AD superficies erit ad circumlo HK, ut triangulum dbf ad triangulum dmf; cumque triangulum dbf sit ad triangulum dmf,

Fig. 15.  
Fig. 16.

Fig. 17.  
Tab. 11.

(a) Lib. IX. §. 111.

(b) Ibidem §. 102.

(c) Syn. Algeb. §. 259.

(d) Lib. IX. §. 118.

(e) §. 26.

(f) Synop. Alg. §. 261.

(g) Lib. IX. §. 102.

(h) Lib. X. §. 49.

*dmf*, ut recta *hl* ad rectam *md* (a), sive per hypotheseum ut recta *EC* dupla lateris *AC* ad radium *Ca* basis *CD*, curva ipsa cylindri superficies erit ad circulum basis *CD*, ut est recta *EC* ad rectam *Ca* (b). Circulus porro *HK* est ad circulum basis *CD*, ut eadem ipsa recta *EC* ad eandem *Ca*; cum tam circulus *HK* sit ad circulum *CD* (c), quam recta *EC* ad rectam *Ca* in ratione duplicata radii, sive rectæ *FG* ad radium, sive ad rectam *Ca* (d); ex eo nimirum, quod radius *FG* sit media proportionalis inter rectam *EC*, & radium *Ca*, ut jam demonstravimus. Ergo curva cylindri *AD* superficies, circulusque *HK* eandem ad circulum basis *CD* rationem habent (e), ac proinde sunt inter se æquales (f). Superficies itaque cylindri recti &c. quod erat ostendendum.

C O R O L L A R I U M I.

*Curva cylindri recti superficies aequat circulum, cujus radius sit media proportionalis inter illius axim, & diametrum basis, sicuti etiam inter illius altitudinem, & eandem diametrum,*

41. Axis namque cylindri est æqualis lateri (g), & altitudo cylindri recti ab illius axe diversa non est (h).

C O R O L L A R I U M II.

*Curva cylindri recti superficies est ad circulum basis, ut recta, quæ sit dupla lateris, axis, sive altitudinis, ad radium basis.*

42. Demonstravimus enim, curvam cylindri *AD* superficiem esse ad circulum basis *CD*, ut recta *EC* = 2*AC* ad re-  
ctam *Ca*, quæ est radius basis *CD*. Fig. 1 s.  
Tab. 11.

Tom. III.

Y

THEO-

(a) Lib. IX. §. 101.

(b) Lib. I. §. 78.

(c) Lib. IX. §. 105.

(d) Lib. I. §. 177.

(e) Ibidem §. 76.

(f) Ibidem §. 103.

(g) Lib. XI. §. 117.

(h) Ibidem §. 39.

## THEOREMA V.

*Curva cylindri recti superficies est ad circulum basis;  
ut rectangulum per axim ad quadratum  
radii ejusdem basis.*

43. Esto cylindrus rectus AD. Dico, curvam illius superficiem esse ad circulum basis CD, ut est rectangulum per axim ACDB, quod nempe sub latere cylindri, & sub diametro basis ejusdem continetur, ad quadratum  $\gamma\alpha$  radii  $\gamma\alpha$  ejusdem basis.

*Demonstratio.*

Posita namque recta FG media proportionali inter latus  
Fig. 15. AC, & diametrum CD, quadratum FMKG equabit rectan-  
Fig. 16. gulum ACDB (a). Circulus autem HK est ad circulum basis  
Tab. 11. CD, ut quadratum FK ad quadratum  $\gamma\alpha$  (b). Ergo circulus  
HK erit ad circulum basis CD, ut rectangulum ACDB ad  
quadratum  $\gamma\alpha$  (c). Curva porro cylindri AD superficies aequat  
circulum HK (d). Ergo ipsa eadem superficies erit quoque  
ad circulum basis CD, ut est rectangulum ACDB ad  
quadratum  $\gamma\alpha$  (e). Itaque curva &c. quod erat ostendendum.

## THEOREMA VI.

*Curvae cylindrorum rectorum superficies sunt directio  
inter se, ut rectangula per axim.*

44. Sint duo cylindri recti AD, ad. Dico, curvam superficiem cylindri AD esse ad curvam superficiem cylindri ad, ut est rectangulum ACDB ad rectangulum aadb, quae per illorum axim transeunt.

De.

(a) Lib. IX. §. 111.

(b) Ibidem §. 111.

(c) Lib. I. §. 103.

(d) §. 41.

(e) Lib. I. §. 103.



*Demonstratio.*

Posita namque recta FG media proportionali inter latus AC, & diametrum basis CD, sicuti etiam recta fg media proportionali inter latus ac, & diametrum basis cd, descrip-  
tisque circularis HK, bk, quorum illæ sint radii, nec non  
quadratis FK, fk super eisdem constitutis, erit quadratum  
FK æquale rectangulo ACDB, & quadratum fk æquale re-  
ctangulo acdb (a); ac proinde rectangulum ACDB erit ad  
rectangulum acdb, ut quadratum FK ad quadratum fk. Cir-  
culus autem HK est ad circulum bk, ut est quadratum FK  
ad quadratum fk (b). Ergo circulus HK erit quoque ad cir-  
culum bk, ut rectangulum ACDB ad rectangulum acdb (c).  
Curva porro cylindri AD superficies adæquat circulum HK,  
& curva superficies cylindri ad circulum bk (d). Ergo curva  
itidem cylindri AD superficies erit ad curvam superficiem  
cylindri ad, ut est rectangulum ACDB ad rectangulum acdb.  
Itaque curvæ cylindrorum rectorum superficies &c. quod  
erat ostendendum.

Fig. 15.  
Fig. 16.  
Fig. 17.  
Fig. 18.  
Fig. 19.  
Tab. 11.

C O R O L L A R I U M.

*Curva cylindrorum rectorum superficies sunt directe in-  
ter se, ut rectangula ex latere in radium basis.*

45 Hujusmodi namque rectangula sunt directe inter se,  
ut rectangula per axim (e); cum sint illorum partes dimidiæ (f).

L E M M A . I.

*Omnia latera conii recti sunt inter se æqualia.*

46. In cono recto BAE spectentur latera AB, AC, AD,  
AE. Dico, ea esse inter se æqualia..

Y 2

De-

(a) Lib IX. §. 111.  
(b) Ibidem §. 112.  
(c) Lib. I. §. 76.

(d) §. 41.  
(e) Lib. I §. 126.  
(f) Lib. IX. §. 95.

## Demonstratio.

Fig. 20. Cum enim, conus sit rectus, illius axis  $Az$  perpendicularis erit circulo basis  $BE$ , ad cuius centrum  $z$  insistit (a). Rectæ autem  $AB$ ,  $AC$ ,  $AD$ ,  $AE$  cadunt ab eodem puncto  $A$  perpendicularis  $Az$  in peripheriam circuli  $BE$ . Ergo sunt omnes inter se æquales. Omnia itaque latera &c. quod erat ostendendum.

Tab. 11.

## C O R O L L A R I U M.

47. Curva conii recti superficies confurgit ex infinitis triangulis isoscelibus, inter se mutuo æquilateris, adeoque æqualibus, basim infinite parvam habentibus, simulque penes latera unitis. Conus enim quicumque est pyramis infinitis triangulis comprehensa, quorum latera a lateribus ipsius conii non sunt diversa.

## T H E O R E M A VII.

*Superficies conii recti, seclusa basi, adæquat sectorem circuli, cuius arcus sit æqualis peripheriæ basis, radius vero lateri ipsius conii.*

48. Esto conus rectus  $BAE$ , atque sector circuli  $bac$ , cuius arcus  $bc$  sit æqualis peripheriæ baseos  $BE$  ipsius conii, radius vero  $ab$  ejusdem lateri  $AB$ . Dico, superficiem conii  $BAE$ , seclusa basi  $BE$ , æquare sectorem  $bac$ .

## Demonstratio.

Fig. 20. Triangulum  $BAC$  sit unum ex illis infinitis isoscelibus, atque inter se æqualibus triangulis, quibus componitur curva conii  $BAE$  superficies (c). Sumta autem in arcu  $bc$  sectoris  $bac$  particula infinite parva  $be$ , quæ sit æqualis basi  $BC$  trianguli  $BAC$ , ductoque radio  $ae$ , cum omnes circuli radii sint

Fig. 21.

Fig. 21.

Tab. 11.

(a) Lib. XI. §. 22.

(b) Lib. VIII. §. 23.

(c) §. 48.

sint inter se æquales (a), sitque radius *ab* æqualis lateri AB conī, triangulum *bae* æquilaterum erit triangulo BAC; ac proinde duo ipsa triangula erunt inter se æqualia (b). Igitur, cum arcus *be* positus sit æqualis peripheriæ bascos BE conī BAE, in tot triangula isoscelia triangulo *bae* æqualia resolvi poterit sector *bac*, in quot triangula itidem isoscelia, trianguloque BAC æqualia resolvitur curva superficies conī BAE; eritque propterea curva ipsa conī superficies ad sectorem *bac*, ut est triangulum BAC ad triangulum *bae* (c). Triangulum autem BAC est æquale triangulo *bae*. Ergo ipsa quoque curva conī BAE superficies sectorem *bac* æquabit (d). Itaque curva conī recti &c. quod erat ostendendum.

S C H O L I O N.

49. Id quoque perspicuum fiet, si charta ita aptetur curvæ superficiei conī BAE, ut illi plane congruat, tum charta ipsa in planum extendatur. Hæc enim sectorem circuli exhibebit sectori *bac* omnino æqualem.

C O R O L L A R I U M I.

*Curva conī recti superficies adæquat triangulum rectangulum, cujus altitudo sit æqualis lateri ipsius conī, altitudo vero peripheria bascos ejusdem.*

50. Superficies nimirum conī recti BAE, seclusa basi BE, æqualis erit triangulo rectangulo *mdn*, cujus altitudo *md* sit æqualis lateri AB, & basis *mn* peripheriæ circuli bascos BE ipsius conī. Triangulum quippe *mdn* est æqualis sectori *bac* (e), quem conica ipsa superficies adæquat (f).

CO-

(a) Lib. VII. §. 60.

(b) Lib. V. §. 24.

(c) Lib. I. §. 127.

(d) Ibidem §. 49.

(e) Lib. X. §. 54.

(f) §. 48.

Fig. 20.

Fig. 22.

Fig. 27.

Tab. 12.

## COROLLARIUM II.

*Curva conii recti superficies adequat rectangulum contentum sub dimidio latere conii, & sub recta, quae huiusmodi peripheriæ sit. aequalis.*

Fig. 20. 51. Bisariam nempe diviso latere  $dm$ , quod posuimus æ-  
 Fig. 22. quale lateri  $AB$  conii recti  $BAE$ , constitutoque sub segmen-  
 Tab. 11. to  $em$ , & sub recta  $mn$ , quæ aequalis posita est peripheriæ  
 bascos  $BE$ , rectangulo  $en$ , curva conii  $BAE$  superficies re-  
 ctangulum ipsum  $en$  æquabit. Rectangulum quippe  $en$  ade-  
 quat triangulum  $mdn$  (a), cui curva ipsius conii superficies est  
 æqualis (b).

## COROLLARIUM III.

*Curva conii recti superficies est ad circulum basis, ut  
 ipsius conii latus ad ejusdem radium.*

Arch. 52. Videlicet curva superficies conii recti  $BAE$  est ad cir-  
 I. 1. de culum basis  $BE$ , ut latus  $AB$  ad radium basis  $BE$ . Ducta  
 sph. p. 15 namque recta  $mn$  æquali peripheriæ bascos  $BE$ , erectaque  
 Fig. 20. perpendiculari  $dm$  æquali lateri  $AB$ , & sumto in illa seg-  
 Fig. 22. mento  $xm$ , quod sit æquale radio  $Bx$ , curva conii superfi-  
 Tab. 11. cies  $BAE$  æquabit triangulum rectangulum  $dmn$  (c), & cir-  
 culus basis  $BE$  triangulum rectangulum  $xmn$  (d); eritque  
 propterea superficies conii ad circulum basis, ut triangulum  
 $dmn$  ad triangulum  $xmn$ . Triangulum autem  $dmn$  est ad trian-  
 gulum  $xmn$ , ut est altitudo  $dm$  ad altitudinem  $xm$  (e), sive  
 ut latus  $AB$  ad radium  $Bx$  basis  $BE$ . Ergo curva quoque,  
 conii  $BAE$  superficies erit ad circulum basis  $BE$ , ut est latus  
 $AB$  ad radium  $Bx$  (f).

(a) Lib. IX. §. 103.  
 (b) §. 50.  
 (c) §. 50.

(d) Lib. X. §. 42.  
 (e) Lib. IX. §. 102.  
 (f) Lib. I. §. 17.

COROLLARIUM IV.

*Superficies curvæ conorum rectorum æquales bases habentium sunt directe inter se, ut ipsorum latera.*

53. Enimvero, cum curva recti conī superficies sit æqualis triangulo rectangulo, cujus altitudo adæquat latus, & basis peripheriam baseos ipsius conī (a), superficies curvæ conorum rectorum æquales bases habentium erunt inter se, ut triangula rectangula basium æqualium. Hæc autem sunt, ut altitudines (b). Ergo ipsæ quoque conorum superficies erunt, ut ipsorum latera.

COROLLARIUM V.

*Superficies curvæ conorum rectorum habentium latera æqualia sunt, ut periphæria baseos.*

54. Sunt enim, ut triangula rectangula, quorum altitudines sint æquales.

COROLLARIUM VI.

*Superficies curvæ conorum rectorum latera æqualia habentium sunt directe inter se, ut suarum basium radii, & diametri.*

55. Quandoquidem circularum tam radii, quam diametri sunt *respective* inter se, ut ipsorum circularum periphæriæ (c).

PRO

(a) §. 50.

(b) Lib. IX. §. 101.

(c) Lib. IX. §. 154., 159.

## P R O B L E M A VI.

*Curvam coni recti superficiem invenire.*

56. Esto conus rectus BAE, cujus curvam superficiem determinare oporteat.

*Resolutio.*

Fig. 20.  
Tab. 11. Invenio valore peripheriæ baseos BE (a), per ipsum multiplicetur valor dimidii lateris AB. Factum dabit valorem superficiei conicæ BAE, demta basi BE. Ut si peripheria basis BE fuerit  $= a$ , & valor dimidii lateris AB fuerit  $= b$ , curva coni BAE superficies erit  $= ab$ .

*Demonstratio.*

Factum quippe  $ab$  exprimit valorem rectanguli, cui conica ipsa superficies est æqualis (b).

## T H E O R E M A VIII.

*Curva coni recti superficies adæquat circulum, cujus radius sit media proportionalis inter latus ipsius coni, & radium basis.*

Arch.  
lib. 1. de  
sph. p. 214 57. Recta EF sit media proportionalis inter latus AB coni recti BAC, & radium BD basis BC ejusdem, atque ex recta EF, veluti radio, describatur circulus EF. Dico, curvam coni BAC superficiem æquare circulum EG.

*Demonstratio.*

Cum enim circulus EG sit ad circulum basis BC in ratione

(a) Lib. I. §. 4<sup>o</sup>

(b) §. 31.

ne duplicata radii EF ad radium BD (a); fitque itidem latus AB ad radium BD in ratione duplicata ejusdem radii EF ad radium BD (b), ex eo nimirum quod tres rectæ AB, EF, BD positæ sint continuo inter se proportionales, erit circulus GE ad circumulum basis BC, ut latus AB ad radium BD (c). Curva autem coni BAC superficies est ad circumulum basis BC, ut latus AB ad radium BD (d). Ergo curva ipsa coni BAC superficies erit ad circumulum basis BC, ut ad eundem circumulum BC se habet circulus EG (e); ac proinde conica ipsa eadem superficies circumulum EG æquabit (f). Itaque curva coni &c. quod erat ostendendum.

Fig. 1.  
Fig. 2.  
Tab. 12.

# THEOREMA IX.

*Curvæ conorum rectorum superficies sunt directæ inter se, ut rectangula sub eorum lateribus, & basium radiis comprehensa.*

58. Sint duo coni recti BAC, bac. Dico, curvam superficiem coni BAC esse ad curvam superficiem coni bac, ut rectangulum KHBA contentum sub latere AB, & sub recta BH æquali radio BD basis BC ad rectangulum khba, quod sub latere ab, & sub recta bb, quæ radio bd basis bc sit æqualis, continetur.

Fig. 1.  
Fig. 3.  
Tab. 12.

## Demonstratio.

Radius EF circuli EG sit media proportionalis inter latus AB coni BAC, & radium BD basis, sicuti etiam radius ef circuli eg inter latus ab coni bac, & radium bd basis ejusdem. Erit ergo curva coni BAC superficies æqualis circulo EG, & curva coni bac superficies circulo eg (g); ac proinde curva superficies coni BAC erit ad curvam superficiem coni bac, ut est circulus EG ad circumulum eg; adeoque ut quadratum iti-

Fig. 2.  
Fig. 4.  
Tab. 12.

Tom. III.

Z

dem

(a) Lib. IX. §. 109.

(b) Lib. I. §. 177.

(c) Ibidem §. 78.

(d) §. 52.

(e) Lib. I. §. 78.

(f) Ibidem §. 109.

(g) §. 57.

dem MF radii EF ad quadratum *mf* radii *ef*; cum huiusmodi quadrata eam inter se rationem habeant, quam ipsi circuli (a). Rectangulum autem KHBA est æquale quadrato MF, & rectangulum *khba* quadrato *mf* (b); ut propterea ratio rectanguli KHBA ad rectangulum *khba* non sit diversa a ratione quadrati MF ad quadratum *mf*. Ergo curva quoque superficies conï BAC erit ad curvam superficiem conï *bac*, ut est rectangulum KHBA ad rectangulum *khba*. Itaque curvæ conorum rectorum &c. quod erat ostendendum.

## COROLLARIUM I.

*Curva superficies conorum rectorum aequales bases habentium sunt directe inter se, ut eorum latera.*

59. Ut si basium circuli BC, *bc* fuerint æquales, superficies conï BAC erit ad superficiem conï *bac*, ut latus AB ad latus *ab*. Cum enim circuli basium nequeant esse æquales, quin eorum iidem radii BD, *bd* sint æquales (c), rectangula KB, *kb* erunt hoc ipso, ut latera AB, *ab* (d). Ergo in eadem quoque ratione erunt ipsorum conorum superficies.

## COROLLARIUM II.

*Curva superficies conorum rectorum, quorum latera sint aequalia, sunt directe inter se, ut basium radii.*

60. Hanc enim proportionem habent rectangula, quibus superficies ipsæ proportionaliter respondent (e).

(a) Lib. IX. §. 100.

(b) Ibidem §. 111.

(c) Ibidem §. 50.

(d) Ibidem §. 100.

(e) Ibidem §. 95.



THEOREMA X.

*Curva superficies conï recti est ad curvam superficiem cylindri itidem recti, ut rectangulum contentum sub latere conï, & sub radio baseos ad rectangulum per axim ipsius cylindri.*

61. Esto conus rectus *bac*, & cylindrus rectus AC. Dico, conicam superficiem *bac* esse ad superficiem cylindricam ABCD, basibus seclufis, ut rectangulum *khba*, quod sub latere *ab*, & sub radio *bd* baseos continetur, ad rectangulum per axim ABCD. Fig. 3.  
Fig. 5.  
Tab. 12.

*Demonstratio.*

Facta hypothefi, ut radius *ef* circuli *eg* fit media proportionalis inter latus *ab* conï, & radium *bd* basis ejufdem, quemadmodum etiam radius EF circuli EG inter latus AB cylindri, & baseos diametrum BC, conica superficies *bac* æquabit circulum *eg* (a), & superficies cylindrica AC circulum EG (b) quamobrem conica superficies *bac* erit ad superficiem cylindricam ABCD, basibus seclufis, ut est circulus *eg* ad circulum EG; adeoque etiam ut quadratum *en* ad quadratum EN (c). Quadratum autem *en* adæquat rectangulum *khba*, & quadratum EN rectangulum ABCD (d); ut proinde ratio rectanguli *khba* ad rectangulum ABCD diverfa non fit a ratione quadrati *en* ad quadratum EN. Ergo conica superficies *bac* erit ad superficiem cylindricam ABCD, demtis basibus, ut rectangulum *khba* ad rectangulum ABCD (e). Itaque curva conï recti &c. quod erat ostendendum, Fig. 4.  
Fig. 6.  
Tab. 12.

Z 2

LEM-

(a) §. 57.

(b) §. 43.

(c) Lib. IX. §. 188.

(d) Ibidem §. 188.

(e) Lib. I. §. 78.

## L E M M A II.

*In omni parallelogrammo complementa eorum parallelogrammorum, quæ circa diametrum existunt, sunt inter se æqualia.*

Fig. 7. 62. Per punctum G diagonalis AC parallelogrammi ABCD  
Tab. 12. ducatur recta EF parallela lateribus AB, DC, & recta HK  
Eucld. parallela lateribus AD, BC, ut proinde totum ipsum paral-  
l. 1. p. 44 lelogrammum divisum sit in quatuor parallelogramma HE,  
GD, BG, FK. Dico, parallelogramma BG, GD, quæ di-  
cuntur complementa duorum HE, FK circa diametrum AC  
existentium, esse inter se æqualia.

*Demonstratio.*

Quoniam triangula ACD, ACB sunt æqualia, sicuti etiam triangula GCK, GCF (a); si triangulo ACD dematur triangulum GCK, & triangulo ACB triangulum GCF, trapezium AGKD æquale erit trapezio AGFB (b). Triangulum porro AGE adæquat triangulum AGH (c). Ergo, his sublati, parallelogrammum GD parallelogrammum BG æquabit (d). Itaque in omni parallelogrammo &c. quod erat ostendendum.

## L E M M A III.

*In omni frusto conici recti rectangulum contentum sub diametro circuli intermedi, & sub latere ipsius frusti adæquat rectangula; quæ sunt ex eodem latere in radios circulorum parallelorum frustum ipsum terminantium.*

63. Esto conus rectus BAC, in quo ducto plano DE  
cir-

(a) Lib. VI. §. 21.

(b) Syn. Algeb. §. 266.

(c) Lib. VI. §. 21.

(d) Syn. Algeb. §. 266.

circulo basis BC parallelo, spectetur frustum BDEC. Recta autem FG sit diameter circuli circulis DE, BC paralleli, <sup>Fig. 4.</sup> <sup>Tab. 12.</sup> atque bifariam dividens latera DB, EC ipsius frusti. Dico, rectangulum contentum sub recta FG, & sub latere DB frusti conici BDEC, æquale esse rectangulis simul sumtis, quæ fiant ex eodem latere DB in radios DM, BH circulorum DE, BC frustum ipsum terminantium.

*Demonstratio*

Cum tres circuli DE, FG, BC positi sint paralleli, eorum diametri DE, FG, BC in eodem plano BAC existentes erunt inter se parallelæ (a). Quamobrem erit DE . FG = AD . AF, & FG . BC = AF . AB (b). Tres autem rectæ AD, AF, AB sunt inter se arithmetice proportionales (c); cum earum excessus DF, FB positi sint æquales. Ergo tres quoque DE, FG, BC arithmetice inter se proportionales erunt; ac proinde summa extremarum DE, BC dupla erit mediæ FG (d). Est autem ipsa eadem summa duarum DE, BC dupla summae radiorum DM, BH. Ergo summa radiorum DM, BH æquabit mediæ FG. Quapropter rectangulum contentum sub recta FG, & sub latere DB æquale erit rectangulis simul sumtis, quæ sub eodem latere DB, & sub radiis DM, BH continentur (e). In omni igitur frusto conici recti &c. quod erat ostendendum.

THEOREMA XI.

*Superficies frusti conici recti est ad superficiem integri conici, ut rectangulum contentum sub latere frusti, & sub diametro circuli frustum ipsum in medio dividens, ad rectangulum, quod sub latere totius conici, & sub basis radio continetur.*

64. Sit BDEC frustum conici recti BAC, quod per medium di-

(a) Lib. VIII. §. 26.

(b) Lib. IX. §. 120.

(c) Lib. I. §. 190.

(d) Ibidem §. 190.

(e) Syn. Alg. §. 256.

Arch. I. r  
de sph.  
p. 16.

dividatur a circulo, cujus diameter sit recta FG. Constituatur autem sub recta BR, quæ rectam adæquet FG, & sub latere DB ipsius frusti rectangulum RD, sub recta vero BN æquali radio BH baseos BC, & sub latere AB conî rectangulum BT. Dico, curvam superficiem frusti conî BDEC esse ad superficiem curvam integri conî BAC, ut est rectangulum RD ad rectangulum BT.

### Demonstratio.

Ducta in parallelogrammo BT diagonali AN, & per punctum P, in quo diagonalis ipsa a latere DX parallelogrammi RD secatur, recta SV lateribus TN, AB parallelogrammi BT parallela, cum tam recta DM sit ad rectam BH, quam recta PD ad rectam NB, ut segmentum AD ad latus AB (a), erit DM. BH = DP. BN (b). Est autem per hypothesim BN = BH. Ergo erit quoque PD = DM (c); atque adeo parallelogrammum rectangulum DS comprehensum erit sub latere AD conî recti DAE, & sub radio DM basis ejus. Igitur curva superficies conî BAC erit ad curvam superficiem conî DAE, ut rectangulum BT ad rectangulum DS (d), & dividendo per conversionem rationis superficies frusti conî BDEC erit ad superficiem totius conî BAC, ut rectangulum BNQD simul cum rectangulo QPST ad rectangulum DS (e). Rectangulum autem QPST adæquat rectangulum PVBD (f); & rectangulum PVBD illud est, quod sub latere DB, & sub radio DM circuli DE continetur. Ergo superficies frusti conî BDEC erit ad curvam superficiem integri conî BAC, ut rectangulum BNQD una cum rectangulo BVPD ad rectangulum BT. Duo porro rectangula BNQD, BVPD facta ex latere DB in radios BH, DM circulorum BC, DE simul sumpta adæquant rectangulum BRXD, quod sub diametro FG circuli intermediî, & sub

co-

(a) Lib. IX. §. 19.

(b) Lib. I. §. 76.

(c) Ibidem §. 128.

(d) §. 69.

(e) Lib. I. §. 142.

(f) §. 62.

eodem frusti latere  $DB$  continetur (a). Ergo curva frusti conici  $BDEC$  superficies est ad superficiem integri conici  $BAC$ , ut rectangulum  $BX$  ad rectangulum  $BT$  (b); adeoque superficies &c. quod erat ostendendum.

THEOREMA XII.

*Superficies frusti conii recti adaequat circulum, cujus radius sit media proportionalis inter diametrum circuli intermedii, & latus ipsius frusti.*

65. Diameter circuli intermedii in frusto  $BDEC$  conii recti  $BAC$  sit recta  $FG$ . Inter ipsam autem  $FG$ , & latus  $DB$  ipsius frusti media proportionalis sit radius  $ab$  circuli  $ac$ . Dico, curvam superficiem frusti conici  $BDEC$  æquare circulum  $ac$ .

Fig. 8.  
Fig. 9.  
Tab. 12.

*Demonstratio.*

Radius  $de$  circuli  $df$  sit media proportionalis inter latus  $AD$  segmenti conici  $DAE$ , & radium  $DM$  basis ejus; sitque propterea curva superficies conici  $DAE$  circulo  $df$  æqualis (c). Quoniam igitur radius  $ab$  est media proportionalis inter rectam  $FG$ , & latus  $DB$ , rectangulum  $RD$  sub his rectis contentum æquale erit quadrato  $mb$  (d); eandemque ob causam rectangulum quoque  $DS$  sub latere  $AD$ , & sub recta  $DP$  radio  $DM$  æquali comprehensum æquabit quadratum  $ne$  radii  $de$ . Superficies autem frusti conici  $BDEC$  est ad superficiem conici  $DAE$ , ut rectangulum  $RD$  ad rectangulum  $DS$  (e). Ergo superficies frusti conici  $BDEC$  erit quoque ad superficiem conici  $DAE$ , ut quadratum  $mb$  ad quadratum  $ne$ . Circulus porro  $ac$  est ad circulum  $df$ , ut quadratum  $mb$  ad quadratum  $ne$  (f). Ergo superficies frusti conici  $BDEC$  erit ad superficiem conici  $DAE$ , ut circulus  $ac$  ad circulum  $df$  (g),

Fig. 10.  
Tab. 12.

&c.

(a) §. 62.  
(b) Lib. I. §. 392.  
(c) §. 37.  
(d) Lib. III. §. 111.

(e) §. 62.  
(f) Lib. IX. §. 129.  
(g) Lib. I. §. 76.

& alternando superficies frusti conici  $BDEC$  erit ad circulum  $ac$ , ut superficies conici  $DAE$  ad circulum  $df$  (a). Posuimus autem, superficiem conici  $DAE$  æquare circulum  $df$ . Ergo circulo quoque  $ac$  æqualis erit curva frusti conici superficies  $BDEC$  (b). Itaque superficies &c. quod erat ostendendum.

### THEOREMA XIII.

*Superficies frusti conici recti est ad cuiusvis recti cylindri superficiem, ut rectangulum contentum sub diametro circuli intermedii, & sub latere ipsius frusti ad rectangulum per axim cylindri.*

Fig. 9. 66. Frustum conici recti sit  $BDEC$ . Dico, illius superficiem esse ad superficiem cylindri recti  $AC$ , ut rectangulum  $RD$  contentum sub latere  $DB$ , & sub recta  $BR$ , quæ sit æqualis diametro  $FG$  circuli intermedii, ad rectangulum  $ABCD$  per axim ipsius cylindri.

Fig. 5.  
Tab. 12.

### Demonstratio.

Fig. 9.  
Fig. 6.  
Tab. 12. Radius  $ab$  circuli  $ac$  sit media proportionalis inter latera  $RB$ ,  $DB$  rectanguli  $RD$ , & radius  $EF$  circuli  $EG$  sit media proportionalis inter latus  $AB$ , & latus  $BC$  rectanguli  $AC$ ; sitque propterea superficies frusti conici  $BDEC$  æqualis circulo  $ac$  (c), & superficies cylindri  $AC$  æqualis circulo  $EG$  (d). Ut ergo circulus  $ac$  ad circulum  $EG$ , ita erit superficies frusti conici  $BDEC$  ad superficiem cylindri  $AC$ . Circulus autem  $ac$  est ad circulum  $EG$ , ut quadratum  $mb$  ad quadratum  $MF$  (e). Ergo superficies quoque frusti conici  $BDEC$  erit ad superficiem cylindri  $AC$ , ut quadratum  $mb$  ad quadratum  $MF$  (f). Ut autem quadratum  $mb$  ad quadratum  $MF$ , ita rectangulum  $RD$  ad rectangulum  $ABCD$ ; cum rectangulum

**RD**

(a) Ibidem §. 125.

(b) Ibidem §. 45.

(c) §. 65.

(d) §. 45.

(e) Lib. IX §. 188.

(f) Lib. I. §. 77.

$RD$  sit æquale quadrato  $mb$ , & rectangulum  $ABCD$  quadrato  $MF$  (e). Ergo superficies frusti conici  $BDEC$  erit itidem ad superficiem cylindricam  $AC$ , ut rectangulum  $RD$  ad rectangulum  $ABCD$  (f). Superficies itaque &c. quod erat ostendendum.

L E M M A IV.

*Omnes conica superficies, quæ gignantur a lateribus segmentum perimetri polygoni regularis constituentibus, atque circa perpendiculararem ejusdem radium revolutis, adæquant simul sumta curvam superficiem cylindri recti producti a rectangulo, cujus altitudo, circa quam rotatur, eadem sit cum altitudine ipsius segmenti, basis vero sit ejusdem polygoni catetus.*

67. Esto  $ABCD$  segmentum perimetri polygoni regularis, quod concipiatur revolui circa ejusdem radium  $AE$  chordæ  $DL$  perpendiculariter insistentem. Sub eadem autem altitudine  $AE$  rotantis segmenti  $ABCD$ , & super rectam  $EK$ , quæ sit æqualis cateto ipsius polygoni, constituatur rectangulum  $HKEA$ , quod circa eandem altitudinem  $AE$  itidem revolvatur, integramque revolutionem compleat. Dico, omnes conicas superficies, quæ in illa revolutione producuntur a lateribus  $AB$ ,  $BC$ ,  $CD$ , æquare simul sumtas curvam superficiem cylindri recti, qui a rotante rectangulo  $HKEA$  simul efficitur.

Fig. 11.  
Tab. 12.

*Demonstratio.*

Per puncta  $B$ ,  $C$  ducantur rectæ  $Gc$ ,  $Fn$  parallelæ lateribus  $HA$ ,  $KE$  rectanguli  $HE$ , atque adeo ad rectos angulos lateri  $AE$  insistentibus. Tum a centro  $E$  ad punctum  $B$

Tom. III.

A a

ducta

(a) Lib. IX. §. 111.

(b) Lib. I. §. 77.

ducta recta  $EB$ , cum recta  $EA$ ,  $EB$  sint radii polygomi regularis, erunt inter se aequales (a), ac proinde triangulum  $BEA$  erit isosceles (b). Quamobrem, si ab eodem centro  $E$  in latus  $BA$  cadat catetus, sive recta perpendicularis  $Ea$ , hæc latus ipsum bifariam dividet (c). Rursus quoniam triangulum  $EaA$  est rectangulum, demissa perpendiculari  $ab$ , triangulum  $Eab$  simile erit triangulo  $Aab$  (d). Triangulum autem  $ABc$  simile est triangulo  $Aab$  (e), ex eo nimirum quod recta  $ab$  sit basi  $Bc$  parallela (f). Ergo triangulum  $Eab$  simile quoque erit triangulo  $ABc$  (g); habebuntque idcirco huiusmodi triangula  $Eab$ ,  $ABc$  latera circa æquales angulos  $Eab$ ,  $BAC$  proportionalia, videlicet erit  $Ea.ab = BA.Ac$  (h). Positis autem quatuor rectis lineis proportionalibus, rectangulum extremarum adæquat rectangulum mediarum (i). Igitur, cum recta  $Gc$  adæquet catetum  $Ea$  (k), ex eo quod sit  $Gc = KE$  (l), & por hypothefim  $KE = Ea$ , rectangulum  $Hc$  contentum sub extremis  $Ea$ ,  $Ac$  æquabit rectangulum  $af$  contentum sub mediis  $ab$ ,  $BA$ . Rectangulum porro  $Bb$  contentum sub recta  $Bc$ , & sub eadem  $BA$  duplum est rectanguli  $af$  (m); cum sit  $Bc.ab = AB.Aa$  (n); adeoque  $Bc = 2ab$ , quemadmodum per hypothefim est  $BA = 2aA$ . Rectangulum quoque  $HN$  duplum est rectanguli  $Hc$  (o), utpote super duplam basim, & sub eadem altitudine constitutum. Ergo rectangula  $Bb$ ,  $HN$  erunt inter se æqualia (p). Manifestum porro est, rectangulum  $HN$  esse rectangulum per axim cylindri recti producti a rotante rectangulo  $HGa$ ; rectangulum vero  $Bb$  comprehendi sub latere  $AB$ , & sub radio  $Bc$  basens coni recti producti a rotante triangulo  $BAC$ . Ergo conica superficies genita a latere  $AB$  erit ad cylindricam superficiem productam a latere  $HG$ ,

ut

(a) Lib. IX. §. 19.

(b) Lib. V. §. 25.

(c) Ibidem §. 78.

(d) Lib. IX. §. 79.

(e) Ibidem §. 65.

(f) Lib. IV. §. 10.

(g) Lib. IX. §. 35.

(h) Ibidem §. 1.

(i) Ibidem §. 107.

(k) Syn. Alg. §. 252.

(l) Lib. IV. §. 20.

(m) Lib. IX. §. 95.

(n) Ibidem §. 59.

(o) Lib. IX. §. 95.

(p) Lib. I. §. 103.



ut est rectangulum  $Bhad$  rectangulum  $HN$  (a). Huiusmodi autem rectangula ostensa sunt aequalia. Igitur ipsae quoque superficies erunt inter se aequales (b).

Rursus ducto ex centro  $E$  in latus  $BC$  cateto  $Ed$ , qui latus ipsum bifariam divider, ut de cateto  $Ea$ , & de latere  $BA$  supra demonstravimus; tum ex puncto medio  $d$ educta recta  $dm$  parallela utrique rectae  $Be$ ,  $Cn$ , atque ad perpendicularium insistentē radio  $AE$  (g), necnon demissa ex puncto  $B$  in rectam  $Cn$  recta  $Be$ , quae sit perpendicularis rectae  $Cn$ , ac proinde etiam rectae  $Gn$  (d), simulque parallela rectae  $cn$  ob rectitudinem angulorum internorum  $eBt$ ,  $nBd$  (e), quoniam anguli  $GBe$ ,  $EdB$  aequales sunt inter se (f), utpote recti (g), sicuti etiam anguli alterni  $GBd$ ,  $Bdm$  (h), his sublati, erit reliquus  $CBe$  reliquo  $mdE$  aequalis (i). Aequales sunt autem etiam duo  $BaC$ ,  $dmE$  (k), quod uterque sit rectus (l). Ergo reliquus idem  $BCE$  trianguli  $BeC$  reliquo  $dEm$  trianguli  $dmE$  aequalis erit (m); ac proinde duo huiusmodi triangula erunt equiangula; adeoque sibi mutuo similia (n), habebuntque latera circa aequales angulos  $CBe$ ,  $Edm$  proportionalia (o), erit nempe  $Ed. dm = CB. Be$ , live  $Ed. dm = CB. cn$  (p), cum sit  $Be = cn$  (q). Rectangulum igitur  $GFnc$  extremarum  $Ed$ ,  $cn$  aequabit rectangulum  $dy$  mediarum  $dm$ ,  $BC$  (r); atque adeo etiam rectangulum  $GM$  duplum rectanguli  $Gn$  aequale erit rectangulo  $dx$  duplo rectanguli  $dy$  (s). Jam autem patet, rectangulum  $GM$  esse rectangulum per axim cylindri recti producti a rotante rectangulo  $Gn$ , & rectangulum  $dx$  contineri sub latere  $BC$  frusti conici geniti a rotante trapezio  $cBCn$ , & sub diametro  $dx$  circuli frustum ipsum conicum per medium dividens.

A a 2

sis.

- (a) §. 61.
- (b) Lib. I. §. 45.
- (c) Lib. III. §. 24.
- (d) Lib. IV. §. 16.
- (e) Ibidem §. 9.
- (f) Lib. III. §. 37.
- (g) Ibidem §. 23.
- (h) Lib. IV. §. 15.
- (i) Syn. Alg. §. 266.

- (K) Lib. III. §. 37.
- (l) Ibidem §. 23.
- (m) Lib. V. §. 46.
- (n) Lib. IX. §. 66.
- (o) Ibidem §. 1.
- (p) Lib. I. §. 112.
- (q) Lib. VI. §. 20.
- (r) Lib. IX. §. 107.
- (s) Lib. I. §. 103.

tis. Ergo curva superficies frusti conici producta a latere BC erit ad superficiem cylindri genitam a latere GF, ut est rectangulum dx ad rectangulum GM (a). Ista autem rectangula sunt inter se æqualia. Igitur illæ quoque superficies erunt inter se æquales (b). Eodem modo ostendam, superficiem frusti conici, quæ gignitur a latere CD æquare superficiem cylindricam, quæ a latere EK producitur. Ergo omnes conicæ superficies, quæ fiunt a lateribus AB, BC, CD, adæquant simul sumtæ cylindricam superficiem genitam a latere HK; ac proinde omnes superficies conicæ &c. quod erat ostendendum.

### THEOREMA XIV.

*Curva hemisphærii superficies adæquat curvam superficiem cylindri recti sibi circumscripti.*

68. Hemisphærio BAE circumscriptus sit rectus cylindrus BCFE. Dico, curvam hemisphærii BAE superficiem æquare curvam superficiem cylindri BCFE.

### Demonstratio.

Cum enim circulus sit polygonum regulare infinitorum laterum (c), arcus BMA quadrantis circuli BMAD spectari potest, veluti segmentum perimetri polygoni regularis; ac proinde veluti constans ex infinitis lateribus, sive rectis lineis infinitæ parvæ magnitudinis. Curva autem hemisphærii BAE superficies oritur ab arcu BMA quadrantis BMAD rotantis circa immotum radium AD (d). Ergo curva hemisphærii BAE superficies composita erit ex infinitis superficiibus conicis genitis in illa revolutione ab illis lateribus infinite parvis, quæ arcum BMA constituunt. Omnes autem hujusmodi conicæ superficies adæquant simul sumtæ curvam su-

Fig. 2.  
Tab. 11.

(a) §. 66.  
(b) Lib. I. §. 45.

(c) Lib. IX. §. 149.  
(d) Lib. XI. §. 60.

superficiem circumscripti cylindri  $BCFE$  (a), utpote genitam a latere  $CB$  rectanguli  $ACBD$ , cujus altitudo  $AD$ , circa quam rotatur, eadem est cum altitudine quadrantis genitoris  $BMAD$ , basis vero  $BD$  est catetus polygoni, cujus perimetri una portio est arcus  $BMA$ . Ergo curva superficies hemisphærii  $BAE$  adæquat curvam superficiem cylindri circumscripti  $CBEF$ ; adeoque curva &c. quod erat ostendendum.

COROLLARIUM I.

*Curva hemisphærii superficies est æqualis rectangulo sub illius radio, & sub peripheria circuli baseos comprehenso.*

69. Videlicet curva superficies hemisphærii  $BAE$  est æqualis rectangulo contento sub radio  $DA$ , & sub peripheria circuli baseos  $BGE$ . Etenim radius  $AD$  adæquat latus  $CB$  cylindri  $BCBF$  ipsi hemisphærio circumscripti (b), idemque circulus  $BE$  est basis utriusque (c). Superficies autem cylindri  $BCFE$ , basibus seclulis, est æqualis rectangulo contento sub latere  $CB$ , & sub peripheria baseos  $BGE$  (d). Ergo, cum superficies curva hemisphærii  $BAE$  curvam cylindri  $BCFE$  superficiem adæquet (e); eadem ipsa superficies rectangulum sub radio  $AD$ , & sub peripheria baseos  $BGE$  comprehensum æquabit (f). Fig. 2.  
Tab. 11.

COROLLARIUM II.

*Curva superficies hemisphærii adæquat circumulum, cujus radius sit media proportionalis inter diametrum, & radium ipsius hemisphærii.*

70. Ut si inter diametrum  $BE$ , & radium  $BD$  hemisphærii  $RAE$

(a) §. 67.

(b) §. 13.

(c) §. 11.

(d) §. 26.

(e) §. 68.

(f) Synop. Alg. §. 262.

BAE invenitur media proportionalis, hæc erit radius circuli, cui curva ipsius hemisphærii superficies æqualis erit. Hunc enim circulum adæquat curva superficies circumscripti cylindri BCFE (a); cum latus hujus cylindri ab hemisphærii radio, & diameter basis ejusdem a diametro inscripti hemisphærii non differant (b).

Fig. 2.  
Tab. 11.

## COROLLARIUM III.

*Superficies sphaera adæquat curvam superficiem cylindri sibi circumscripti.*

71. Superficies nimisus sphaeræ ABHE adæquat curvam superficiem circumscripti cylindri CGKF. Ut enim superficies totius sphaeræ ABHE est dupla curvæ superficiei hemisphærii BAE, ita curva superficies cylindri CGKF toti sphaeræ circumscripti est dupla curvæ superficiei cylindri BCFE circumscripti hemisphærio BAE. Curva autem superficies hemisphærii BAE adæquat curvam superficiem cylindri BCFE sibi circumscripti (c). Ergo superficies quoque totius sphaeræ ABHE curvam superficiem æquabit cylindri sibi circumscripti CGKF (d).

Fig. 22.  
Tab. 12.

## COROLLARIUM IV.

*Superficies sphaera est æqualis rectangulo contento sub illius diametro, & sub peripheria maximi in ea circuli.*

72. Videlicet superficies sphaeræ ABHE adæquat rectangulum contentum sub diametro AH, & sub peripheria circuli maximi BE. Cum enim circulus maximus BE adæquet circumulum baseos GK cylindri ipsi sphaeræ circumscripti (e), & diameter AH ejusdem cylindri latus CG, rectangulo contento

Fig. 23.  
Tab. 13.

(a) §. 40.  
(b) §. 11., 12.  
(c) §. 68.

(d) Lib. II §. 127.  
(e) §. 11.

tento sub diametro AH, & sub peripheria circuli BE curva circumscripti cylindri CGKF æqualis erit (a). Huic autem cylindricæ superficiei est æqualis superficies inscriptæ sphaeræ ABHE (b). Ergo superficies sphaeræ ABHE ipsum quoque rectangulum æquabit (c).

C O R O L L A R I U M IV.

*Superficies sphaera adæquat circulum, cuius radius sit diameter ipsius sphaera.*

73. Ut si ex diametro AH sphaeræ ABHE, veluti radio, circulus describatur, superficies sphaeræ ABHE erit ejusmodi circulo æqualis. Hunc enim circulum adæquat curvæ superficiei circumscripti cylindri CGKF (d), cui ipsa sphaeræ superficies est æqualis (e). Ergo sphaeræ quoque ABHE superficies circulum ipsum æquabit.

Fig. 12.  
Tab. 12.

S C H O L I O N.

74. Ex eo, quod superficies sphaeræ adæquet circulum ex illius diametro, veluti radio, descriptum, manifestum efficitur, quod alibialiter demonstravimus, sphaerarum nempe superficies esse inter se in ratione duplicata suarum diametrorum; cum hanc rationem habeant inter se circuli, qui ex earum sphaerarum diametris describuntur, quosque sphaeræ ipsæ superficies adæquant.

C O R O L L A R I U M V.

*Superficies sphaera est quadrupla circuli in ea maximi.*

75. Nimirum superficies sphaeræ ABHE est quadrupla circuli in ea maximi BE. Cum enim illius circuli quadrupla sit curva

Fig. 12.  
Tab. 12.

(a) §. 26.

(b) §. 71.

(c) Syn. Alg. §. 162.

(d) §. 34.

(e) §. 71.

BAE inveniam

culi,

Hur

cyl

ra

f

Fig. 2.  
Tab. 12.

...  $CKKF$  (a) quam in-  
...  $adæquat$  (b), ejusdem quo-  
...  $sphære$  superficiem, con-

## SCHOLIUM.

Id porro ex eo etiam patet, quod circuli in  $sphæra$   $maximi$  quadruplus sit circulus ex  $sphære$  diametro, veluti  $radio$ , descriptus (d); cum hoc ipso hujus radius sit duplo  $major$  radio ipsius circuli  $maximi$ . Circulum autem descri-  
ptum ex  $sphære$  diametro adæquat ejusdem  $sphære$  superfi-  
cies (e). Ergo  $sphære$  quoque superficies quadrupla erit cir-  
culi in ea  $maximi$  (f).

## PROBLEMA VII.

*Curvam superficiem hemisphærii determinare.*

77. Determinare oporteat valorem curvæ superficiei he-  
misphærii BAE.

## Resolutio.

Invento valore peripheriæ circuli  $maximi$  BGE (g), va-  
lor hujusmodi per valorem radii BD multiplicetur. Fa-  
ctum dabit valorem superficiei quæsitum. Ut si periphæria  
 $maximi$  circuli BGE fuerit  $= a$ , & valor radii BD fuerit  $b$ ,  
valor curvæ superficiei hemisphærii BAE erit  $= ab$ .

## Demonstratio.

Curva namque superficies hemisphærii BAE adæquat re-  
ctan-

(a) §. 32.

(b) §. 71.

(c) Lib. I. §. 102.

(d) Lib. IX. §. 185.

(e) §. 73.

(f) Lib. I. §. 102.

(g) Lib. X. §. 40.

angulum, cujus valor a producto *ab* exprimitur (a).

PROBLEMA VIII.

*Invenire superficiem sphaerae.*

Invenire oporteat valorem superficiei sphaericae ABHE.

*Resolutio I.*

Determinato valore peripheriae circuli BE in ipsa sphaera maximi (b), valor ipse multiplicetur per diametrum ipsius sphaerae. Quod enim hinc fit productum, erit valor sphaericae superficiei ABHE. Si nimirum peripheria circuli maximi BE fuerit = *a*, & diameter AH = *b*, superficies sphaerae ABHE erit *ab*. Fig. 12.  
Tab. 12.

*Demonstratio.*

Factum quippe *ab* exprimit valorem rectanguli, cui sphaerica ipsa superficies est equalis (c).

*Resolutio II.*

Inveniatur valor maximi circuli ipsius sphaerae (d); tum valor hujusmodi per 4. multiplicetur. Factum dabit valorem superficiei sphaericae quaesitum. Valor nempe superficiei ABHE erit = *4ab*, si valor circuli in ea maximi fuerit = *ab*.

*Demonstratio.*

Superficies siquidem sphaerae est quadrupla circuli in illa maximi (e).

Tom. III.

- (a) §. 69.
- (b) Lib. X. §. 40.
- (c) §. 72.

Bb

- (d) Lib. X. §. 52.
- (e) §. 73.

THEO-

## THEOREMA XV.

*Si eidem sphaera circumscripti habeantur conus æquilaterus  
& cylindrus, superficies conii sumta simul cum baseos  
circulo erit ad superficiem cylindri una cum ba-  
sibus in ratione sesquialtera, sicuti etiam  
superficies cylindri una cum basibus, ad  
superficiem sphaera.*

Sphaeræ MEN circumscripti habeantur conus æquilaterus  
BAC, & cylindrus FHKG.

## L

Fig. 3. 79. Dico primo, superficiem conii BAC sumtam simul  
Tab. 11. cum circulo baseos BC, esse in ratione *sesquialtera* ad super-  
ficiem cylindri FHKG una cum basibus FG, HK.

*Demonstratio.*

Quoniam conus est æquilaterus, illius sectio BAC per axim erit triangulum æquilaterum (a); ac proinde recta, si-  
ve axis AE, utpote basi BC ad perpendicularum incumbens, an-  
gulum verticalem BAC bifariam dividet (b). Ducta igitur  
a centro D ad angulum B recta DB, cum radii DA, DB  
sint æquales (c), anguli quoque DAB, DBA inter se æqua-  
les erunt (d). Duo autem anguli BAC, ABC æquales sunt  
inter se (e). Ergo etiam duo anguli DBE, EAC æquales e-  
runt (f); cumque angulus EAC angulum EAB adæquet, ut  
modo vidimus, angulus quoque DBE angulum BAE æ-  
quabit. In triangulis itaque rectangulis AEB, BED duo  
anguli BAE, DBE sunt æquales. Communis autem utrique  
est angulus rectus AEB. Ergo reliquus angulus ABE unius  
reliquo

(a) Lib. XI. §. 29.

(b) Lib. V. §. 10.

(c) Lib. VII. §. 10.

(d) Lib. V. §. 60.

(e) Ibidem §. 62.

(f) Lib. I. §. 126.



reliquo angulo BDE alterius æqualis erit (a); duoque ipsa triangula erunt inter se mutuo æquiangula (b); adeoque similia (c), habebuntque latera circa æquales angulos proportionalia, erit nempe BE. ED = AE. EB (d); ac proinde quadratum quoque lateris BE erit ad quadratum lateris ED, ut est quadratum lateris AE ad quadratum lateris EB (e). Manifestum porro est, quadratum lateris AE triplum esse quadrati lateris BE; cum quadratum lateris AB dupli lateris BE per hypothesein sit quadruplum quadrati ipsius lateris BE (f), & quadratum ejusdem lateris AB quadrata adæquet laterum AE, EB simul sumpta (g). Ergo quadratum quoque lateris BE triplum erit quadrati lateris DE. Porro circuli sunt inter se, ut quadrata suorum radiorum (h). Ergo circulus descriptus ex latere EB, five circulus baseos coni BAC, erit triplus circuli lateris DE, videlicet circuli in sphaera maximi MEN. Curva autem coni BAC superficies est ad circulum baseos, ut latus AB ad radium BE basis BC (i); adeoque in ratione dupla. Ergo curva coni BAC superficies erit ad maximum inscriptæ sphaeræ circulum MEN, ut 6 ad 1; atque adeo ipsa eadem curva superficies coni, sumpta simul cum ejusdem basi BC, erit ad circulum maximum inscriptæ sphaeræ MEN, ut 9 ad 1. Constat autem, curvam superficiem cylindri FHKG esse ad circulum maximum MEN ejusdem sphaeræ sibi inscriptæ, ut 4 ad 1 (k); adeoque superficiem ipsam curvam cylindri una cum ejus basibus esse ad maximum sphaeræ circulum MEN, ut 6 ad 1; cum circulus basis adæquet circulum maximum sphaeræ ipsi cylindro inscriptæ (l). Ergo curva superficies coni BAC una cum circulo baseos BC erit ad curvam superficiem cylindri FHKG sumtam simul basibus HK, FG, ut 9 ad 6, in ratione nimirum *sesquialtera*.

Bb 2

I I.

(a) Lib. V. §. 46.

(b) Ibidem §. 19.

(c) Lib. IX. §. 60.

(d) Ibidem §. 1.

(e) Lib. I. §. 187.

(f) Lib. IX. §. 172.

(g) Lib. VI. §. 17.

(h) Lib. IX. §. 118.

(i) §. 52.

(k) §. 22.

(l) §. 2.

## I I.

: 80. Dico 2, superficiem cylindri FHKG una cum basibus HK, FG esse in ratione quoque *sesquialtera* ad superficiem sphaerae sibi inscriptae MEN.

*Demonstratio.*

Enimvero, quoniam curva superficies cylindri FHKG est quadrupla circuli suae basis HK (a), superficies ipsa sumpta simul cum basibus HK, FG erit ad seipsam, basibus seclusis, ut 6 ad 4. Superficies autem inscriptae sphaerae MEM adaequat curvam superficiem cylindri FHKG (b). Ergo curva superficies ipsius cylindri una cum basibus erit quoque ad superficiem inscriptae sibi sphaerae, ut 6 ad 4, nempe in ratione *sesquialtera*. Itaque si eidem sphaerae &c. quod erat ostendendum.

Arch.  
de sph  
l. 1. p. 32

## T H E O R E M A X V I

*Curva superficies segmenti sphaerici adaequat curvam superficiem cylindri recti geniti a rectangulo, cujus altitudo eadem sit cum altitudine segmenti sphaerici, basis vero sit radius sphaerae, cujus ipsum segmentum est portio.*

81. Sit ABC segmentum sphaericum genitum ex revolutione arcus AB circa radium BE. Dico, curvam illius superficiem ABC aequare curvam superficiem cylindri recti KHML producti a rectangulo KHDB, cujus altitudo BD eadem sit cum altitudine ipsius segmenti, basis vero HD sit aequalis radio BE sphaerae, cujus segmentum ipsum sphaericum ABC est una portio.

Fig. 13.  
Tab. 12.

De-

(a) §. 31.

(b) §. 71.

*Demonstratio.*

Eadem est cum demonstratione Theor. XIV. hujus. Curva enim superficies sphaerici segmenti ABC confurgit ex infinitis conicis superficiebus productis ab infinitis illis lateribus, quæ arcum genitorem AB constituunt. Omnes autem hujusmodi conicæ superficies simul sumtæ adæquant curvam superficiem cylindri geniti a rectangulo KHDB. Ergo &c. Itaque curva superficies &c. quod erat ostendendum.

C O R O L L A R I U M

*Curva superficies segmenti sphaerici est aequalis rectangulo comprehenso sub recta, quæ sit aequalis peripheriæ maximi circuli sphaera, cujus ipsum segmentum est portio, & sub ea parte radii, quæ est ipsius segmenti altitudo.*

82. Curva nimirum superficies segmenti sphaerici ABC adæquat rectangulum contentum sub recta, quæ sit æqualis peripheriæ maximi circuli sphaeræ AFNG, & sub altitudine BD ipsius segmenti. Ejusmodi siquidem rectangulo æqualis est curva superficies cylindri geniti ex revolutione rectanguli KHDB circa idem axis segmentum BD (a); cum propter hypothesein hujusce cylindri basis sit circulus maximus ipsius sphaeræ BFNG. Curva autem superficies segmenti sphaerici ABC adæquat curvam superficiem cylindri geniti ex revolutione rectanguli KHDB (b). Ergo hæc ipsa quoque segmenti sphaerici superficies rectangulum illud æquabit (c). Fig. 12.  
Tab. 12.

PRO-

(a) §. 28.

(b) §. 81.

(c) Syn. Algeb. §. 261.

## PROBLEMA IX.

*Curvam superficiem segmenti sphaerici invenire.*

83. Determinare oporteat curvam superficiem segmenti sphaerici  $ABC$ .

*Resolutio.*

Inveniatur valor peripheriae maximi circuli sphaerae  $BFNG$ ,  
 Fig. 11. Tab. 11. cuius ipsum segmentum est una portio (a). Tum valor ille  
 per valorem axis  $AD$  ipsius segmenti multiplicetur. Factum  
 erit valor curvae superficiem quaesitus. Ut si peripheria ma-  
 ximi circuli fuerit  $=a$ , & axis segmentum  $AD$  fuerit  $=b$ ,  
 curva superficies segmenti sphaerici  $ABC$  erit  $=ab$ .

*Demonstratio.*

Quandoquidem factum  $ab$  est valor rectanguli, cui curva  
 superficies segmenti sphaerici  $ABC$  est aequalis (b).

## THEOREMA XVII.

*Curva segmenti sphaerici superficies est aequalis circulo,  
 cuius radius sit chorda arcus genitoris.*

84. In sphaera  $BFNG$  spectetur segmentum  $ABC$  genitum  
 Arch. de spha. I. r. ex revolutione arcus  $BA$  circa quiescentem diametrum  $BN$ .  
 P. 40. 42 Dico, curvam superficiem segmenti  $ABC$  aequare circulum,  
 cuius radius sit chorda  $BA$  ipsius arcus genitoris  $AB$ .

*Demonstratio.*

Sub eodem segmento  $BD$  axis, & sub recta  $HD$ , quae  
 sphae-

(a) Lib. X. §. 40.

(b) §. 12.

sphæræ radio sit æqualis constituatur rectangulum  $KHDB$ , atque a puncto  $A$  ad extremum  $N$  diametri  $BN$  ducatur recta  $AN$ . Quoniam igitur angulus  $BAN$ , utpote in semicirculo consistens, est rectus (a), triangulum  $BAN$  erit rectangulum (b), cumque per hypothesim recta  $AD$  sit lateri  $BN$  perpendicularis, chorda  $BA$  erit media proportionalis inter diametrum  $BN$ , ejusque segmentum  $BD$  (c); ac proinde etiam inter diametrum  $HM$  baseos cylindri geniti ex revolutione rectanguli  $KD$ , & inter ejusdem latus  $KH$ ; cum per hypothesim sit  $HD=BE$ , adeoque  $2HD=2BE$ , sive  $HM=BN$ , &  $KN=BD$ . Igitur curva superficies cylindri  $KHML$  æqualis erit circulo, cujus radius sit recta  $AB$  (d). Curva autem superficies segmenti sphærici  $ABC$  adæquat curvam superficiem cylindri  $KHML$  (e). Ergo curva superficies segmenti sphærici  $ABC$  circulum quoque æquabit, cujus radius sit chorda  $AB$  (f). Itaque curva &c. quod erat ostendendum.

Fig. 11.  
Tab. 12.

# THEOREMA XVIII.

*Segmenta spherica superficiei parallelis circulis divisa sunt directe inter se, ut segmenta axis.*

85. Sphæra  $BFNG$  secetur circulis parallelis  $AC$ ,  $FG$ . Dico, curvam superficiem genitam ex revolutione arcus  $AF$  esse ad curvam superficiem genitam ex revolutione arcus  $AB$  circa eundem axim  $BN$ , ut est segmentum  $RD$  axis ad ejusdem segmentum  $DB$ .

## Demonstratio.

Quoniam circuli, qui sphæram dividunt, sunt paralleli, eorum quoque diametri in eodem plano existentes  $AC$ ,  $FG$  erunt parallelæ (g); cumque sphæræ axis  $BN$  ipsis circulis ad perpendicularum incumbat, diametris quoque  $AC$ ,  $FG$  erit per-

Fig. 113.  
Tab. 12.

(a) Lib. VII. §. 79.

(b) Lib. V. §. 28.

(c) Lib. III. §. 74.

(d) §. 41.

(e) §. 81.

(f) Syn. Algeb. §. 161.

(g) Lib. VIII. §. 26.

perpendicularis (a). Itaque cum segmentum superficiei sphaericae genitum ex revolutione arcus  $BA$  sit æquale circulo ex chorda  $AB$ , & segmentum sphaericae superficiei genitum ex revolutione arcus  $FAB$  adæquet circulum ex chorda  $BF$  (b), segmentum superficiei sphaericae genitum ex revolutione arcus  $FAB$  erit ad segmentum ejusdem superficiei genitum ex revolutione arcus  $AB$ , ut circulus ex chorda  $BF$  ad circulum ex chorda  $AB$ ; ac proinde ut quadratum chordæ  $BF$  ad quadratum chordæ  $AB$  (c). Quadratum autem chordæ  $BF$  adæquat rectangulum  $KQ$  contentum sub recta  $KL$  æquali diametro  $CN$ , & sub recta  $KP$  æquali segmento  $BR$  axis  $BN$ , & quadratum chordæ  $AB$  adæquat rectangulum  $KM$ , quod sub eadem recta  $KL$ , & sub recta  $KH$  æquali segmento  $BD$  ejusdem axis continetur (d); cum recta  $BF$  sit media proportionalis inter totam  $BN$ , & partem  $BR$ , sicuti etiam recta  $BA$  inter totam  $BN$ , & partem  $BD$  (e); quod anguli  $BFN$ ,  $BAN$  triangulorum  $BFN$ ,  $BAN$  sint recti (f), & rectæ  $FR$ ,  $AD$  ad perpendicularum axi  $BN$  insistant. Ergo segmentum superficiei sphaericae genitum ex revolutione arcus  $BF$  erit quoque ad ejusdem superficiei segmentum genitum ex revolutione arcus  $BA$ , ut rectangulum  $KQ$  ad rectangulum  $KM$  (g); ac proinde *dividendo*, segmentum superficiei sphaericae genitum ex revolutione arcus  $FA$  erit ad segmentum ejusdem superficiei genitum ex revolutione arcus  $AB$ , ut rectangulum  $HQ$  ad rectangulum  $KM$  (h). Rectangulum porro  $HQ$  est ad rectangulum  $KM$ , ut  $HP$  ad  $HK$ , sive ut  $DR$  ad  $DB$  (i). Ergo, ut  $DR$  ad  $DB$ , erit quoque segmentum sphaericae superficiei genitum ex revolutione arcus  $AF$  ad ejusdem segmentum ex revolutione arcus  $AB$  (k). Itaque segmenta &c. quod erat ostendendum.

PRO-

(a) Lib. VIII. §. 2.

(b) §. 84.

(c) Lib. IX. §. 188.

(d) Ibidem §. 111.

(e) Ibidem §. 74.

(f) Lib. VII. §. 75.

(g) Lib. I. §. 76.

(h) Ibidem §. 135.

(i) Lib. IX. §. 100.

(k) Lib. I. §. 8.

PROBLEMA X.

*Polyedri regularis superficiem dimetiri.*

86. Dimetiri oporteat superficiem octaedri.

*Resolutio.*

Inveniatur valor unius ex illis octo triangulis æqualibus, quibus octaedrum clauditur (a), atque huiusmodi valor per 8, scilicet per numerum omnium planorum polyedrum ipsum terminantium multiplicetur. Factum erit superficies quæsitæ.

*Demonstratio.*

Superficies enim octaedri ex octo triangulis æqualibus simul sumtis confurgit.

PROBLEMA XI.

*Superficiem polyedri irregularis determinare.*

*Resolutio.*

87. Inveniatur area omnium planorum, quibus polyedrum terminatur (b); tum ex hisce omnibus valoribus fiat summa, quæ erit valor totius superficiei quæsitus.

*Demonstratio.*

Omnes enim partes cujusvis totius simul sumtæ ipsum totum adæquant.

Tem. III.

C c

THEO-

(a) Lib. X. §. 25.

(b) Ibidem §. 28.

## THEOREMA XIX.

*Soliditas cujuscvis prismatis aequat factum ex multiplicatione baseos per altitudinem.*

Fig. 14.  
Tab. 12. 88. Esto prisma AB, cujus altitudo sit recta EF. Dico, illius soliditatem æquare valorem producti, quod emergit multiplicando illius basim DCB per altitudinem EF.

*Demonstratio.*

Patet ex genesi ipsius prismatis (a).

## PROBLEMA XII.

*Soliditatem prismatis cujuscunque invenire.*

89. Determinare oporteat soliditatem prismatis AB.

*Resolutio.*

Valor basis DCB multiplicetur per altitudinem EF. Factum dabit valorem totius prismatis AB. Ut si basis DCB fuerit =  $ab$ , & altitudo EF =  $d$ , soliditas ipsius prismatis erit =  $abd$ .

*Demonstratio.*

Manifesta est ex §. 88.

## SCHOLIUM I.

90. Pro determinanda soliditate cubi, satis est, ut invento valore unius ex illis quadratis, quibus cubus ipse  
clau-

(a) Lib. XI. §. 88.



clauditur, valor ille per valorem lateris multiplicetur.  
Patet ex ipsa natura cubi.

SCHOLIUM II.

91. Quoniam cylindrus est species prismatis (a); habebitur soliditas dati cylindri, si illius basis per altitudinem multiplicetur.

THEOREMA XX.

*Omnis pyramis aequat prisma ejusdem basis, & sub tripla altitudinis.*

92. Esto pyramis quaecunque *debc*, cujus basis sit planum *deb*, & altitudo recta *ef*. Super eandem autem basim, & sub tertia parte *nf* altitudinis *ef* constitutum habeatur prisma *mdb*. Dico, pyramidem *debc* aequare prisma *mdb*. Fig. 11.  
Tab. 12.

*Demonstratio.*

Super basim DCB æqualem basi *deb*, & sub altitudine EF altitudini *ef* æquali constitutum sit prisma AB. Quoniam igitur duo prismata AB, *mb* habent æquales bases DCB, *deb*, prisma AB erit ad prisma *mb*, ut altitudo EF ad altitudinem *ef* (b), adeoque in ratione tripla. Est autem prisma AB in hac eadem quoque ratione ad pyramidem *debc* (c). Ergo pyramis *debc*, & prisma *mb* sunt duo solida æqualia (d). Omnis itaque pyramis &c. quod erat ostendendum. Fig. 14.

(a) Lib. XI. §. 70.

(b) Lib. XIII. §. 46.

(c) Ibidem §. 29.

(d) Lib. I. §. 112.

## COROLLARIUM I.

*Omnis pyramis adequat prismam subtripla basis, & ejusdem altitudinis.*

93. Ut si basis DCB prismatis AB fuerit *tertia pars* basis *dcb* pyramidis *debe*, altitudo vero EF altitudini *ef* æqualis, pyramis *debe* æquabit prismam AB. Hac enim facta hypothefi, prismam AB est æquale prismati *mb* (a), cui pyramis ipsa *debe* est æqualis; cum duo prismata AB, *mb* reciprocent hoc ipso sibi mutuo bases, & altitudines.

## COROLLARIUM II.

*Omnis conus adequat cylindrum ejusdem basis, & subtripla altitudinis, necnon cylindrum subtripla basis, & ejusdem altitudinis.*

94. Omnis enim conus est pyramis infinitangula (b), & omnis cylindrus est prismam infinitis parallelogrammis comprehensum (c).

## PROBLEMA XIII.

*Pyramidis soliditatem invenire.*

95. Determinare oporteat soliditatem pyramidis *debe*.

*Resolutio.*

Inveniatur valor basis *dcb* (d), isque per tertiam partem altitudinis *ef* multiplicetur. Productum, quod hinc emergit, erit valor pyramidis *debe* quæsitus. Ut si basis *dcb* fuerit

sit

(a) Lib. XIII. §. 59.

(b) Lib. XI. §. 72.

(c) Ibidem §. 70.

(d) Lib. X. §. 28.

rit =  $mn$ , & tertia pars altitudinis *ef* fuerit =  $p$ , soliditas pyramidis *deb* erit =  $mnp$ .

*Demonstratio.*

Patet ex §. 93.

S C H O L I O N . I

96. Cum pyramis sit tertia pars prismatis ejusdem basis, & altitudinis (a), & prismatis soliditas sit factum ex ductu basis in altitudinem (b), habebitur soliditas pyramidis, si multiplicata basi per altitudinem, factum per 3.

dividatur. Soliditas nimirum pyramidis erit =  $\frac{mnx}{3}$  si si basis fuerit =  $mn$ , & altitudo =  $x$ .

S C H O L I O N . II.

97. Quod modo diximus de dimensione pyramidis, intelligendum est etiam de dimensione coni. Habebitur nempe soliditas coni, si illius basis multiplicetur per tertiam partem altitudinis, vel factum ex ductu basis in totam altitudinem per 3. dividatur. Patet ex §§. 94, 95.

P R O B L E M A XIV.

*Invenire soliditatem polyedri irregularis.*

98. Esto polyedrum irregulare ACE. Determinare oportet illius soliditatem. Fig. 7.  
Tab. 2.

*Resolutio.*

Facta resolutione polyedri in pyramides (c), singularum valor

(b) §. 88.

(a) Lib. XIII. §. 29.

(c) Lib. XI. §. 115.

valor inquiretur (a). Tum fiat omnium summa, quæ erit valor ipsius polyedri quæsitus.

### *Demonstratio.*

Omnes enim partes cujusvis totius simul sumatæ, adæquant ipsum totum (b).

## THEOREMA XXI

*Polyedrum regulare adæquat prisma, cujus basis sit æqualis superficiæ ipsius polyedri, altitudo vero tertiam partem adæquet.*

Fig. 7- 92. Esto polyedrum regulare ACE, cujus centrum sit  
Tab. 9. Z, & catetus ZN. Dico, polyedrum ACE æquare prisma, cujus basis sit æqualis superficiæ ipsius polyedri, altitudo vero sit tertia pars cateti ZN.

### *Demonstratio.*

Cum polyedrum ACE resolvi possit in tot pyramides omnino inter se æquales, quot sunt plana ipsum terminantia (c), atque omnia hujusmodi plana sint inter se æqualia (d); tam multiplex pyramidis MZAF erit ipsum polyedrum ACE, quam multiplex plani AMF est tota ipsius polyedri superficies (e), ac proinde polyedrum ACE erit ad pyramidem MZAF, ut est tota superficies ipsius polyedri ad planum AMF. Ut autem integra polyedri superficies ad planum AMF, ita est prisma, cujus basis sit æqualis superficiæ ipsius polyedri, altitudo vero tertiam partem cateti ZN adæquet, ad prisma, cujus basis sit planum AMF, & eadem altitudo (f). Ergo polyedrum ACE est ad pyramidem

(a) §. 95.

(b) Synop. Alg. §. 256.

(c) Lib. XIII. §. 94.

(d) Lib. XI. §. 10.

(e) Lib. I. §. 20.

(f) Lib. XIII. §. 49.

midem MZAF, ut prisma, cujus basis sit tota superficies ipsius polyedri, & altitudo sit tertia pars cateti ZN, ad prisma ejusdem altitudinis, cujus basis sit planum AMF (a). Constat autem, pyramidem MZAF æquare prisma, cujus basis sit planum AMF, & altitudo sit tertia pars cateti ZN (b); cum altitudo pyramidis MZAF ab ipso cateto ZN non differat (c). Ergo polyedrum quocunque ACE æquabit prisma, cujus basis sit tota ipsius polyedri superficies, altitudo vero tertia pars cateti ZN (d). Itaque polyedrum &c. quod erat ostendendum.

C O R O L L A R I U M I.

*Polyedrum regulare adæquat prisma, cujus basis sit tertia pars superficiei ipsius polyedri & altitudo vero ejusdem catetus.*

100. Hujusmodi ~~quodlibet~~ prisma est illi æquale, cujus basis est tota polyedri superficies, altitudo vero tertia pars cateti (e); cum scilicet duo ista prismata recíprocent hoc ipso sibi mutuo bases, & altitudines.

C O R O L L A R I U M II.

*Sphæra adæquat prisma, cujus basis sit æqualis superficiei ipsius sphære, altitudo vero sit tertia pars radii, vel cujus basis sit tertia pars superficiei, altitudo vero ejusdem sphære radius.*

101. Sphæra namque est polyedrum regulare infinitis planis comprehensum (f); cujus catetus non differt ab ejusdem radio (g).

(a) Lib. I. §. 78.

(b) §. 92.

(c) Lib. XIII. §. 24.

(d) Lib. I. §. 128.

(e) Lib. XIII. §. 38.

(f) Lib. XIII. §. 129.

(g) Ibidem §. 118.

## PROBLEMA XV.

*Soliditatem polyedri regularis dimitiri.*

102. Dimitiri oportet soliditatem polyedri regularis ACE, cujus catetus sit recta ZN.

*Resolutio.*

Inventa superficie (a), ipsius valor per catetum ZN multiplicetur, & factum per 3. dividatur. Quotus erit soliditas quaesita. Ut si superficies polyedri ACE fuerit  $= m$ , & catetus ZN  $= d$ , soliditas ipsius polyedri erit  $\frac{md}{3}$ .

*Demonstratio.*

Quantitas enim  $\frac{md}{3}$  est valor prismatis, cui polyedrum ipsum est æquale (b).

## THEOREMA XXII.

*Sphæra est æqualis cono recto, cujus basis adæquat integram superficiem sphære, altitudo vero, sive axis sit ejusdem sphære radius.*

103. Sit sphæra ABEC, atque conus rectus KDM, cujus basis KLM sit æqualis integræ superfici ei ipsius sphære ABEC, altitudo vero, sive axis DE sit ipsius sphære radius. Dico, sphæram ABEC esse æqualem cono KDM.

De-

(a) §. 86.  
(b) §. 99.

*Demonstratio.*

Soliditas sphaerae ABEC confurgit ex tot sphaericis superficiibus sibi concentricis, quot puncta, centro excepto, sunt in radio DE (a). Soliditas vero conii KDM componitur ex tot circulis baseos circulo KLM parallelis, quot puncta in axe, sive in eodem radio DE numerantur (b). Ergo tot sunt elementa sphaerae ABEC, quot sunt elementa conii KDM. Fig. 16.  
Tab. 12. Elementa autem sphaerae ABEC sunt aequalia elementis conii KDM, alterum alteri, quae nimirum sunt in eadem distantia a centro, seu vertice D. Spectetur namque sphaerica elementaris superficies NFP, & circulus elementaris GEH. Cum igitur sphaerica superficies ABEC sit ad superficiem sphaericam NFP (c), & circulus KLM ad circulum GEH, in ratione duplicata radii DE ad radium DF (d), sphaerica superficies ABEC erit ad sphaericam superficiem NFP, ut circulus KLM ad circulum GEH (e). Posuimus autem, superficiem sphaericam ABEC aequalem esse circulo KLM. Ergo sphaerica quoque superficies NFP aequalis erit circulo GEH (f). Eodem modo ostendam, quamlibet superficiem sphaericam constituentem soliditatem sphaerae ABEC aequalem esse circulo constituenti soliditatem conii KDM, si utrumque elementum in eadem a centro D distantia sumatur. Elementa igitur sphaerae ABEC sunt magnitudine equalia elementis conii KDM. Demonstravimus autem, ea esse etiam numero equalia. Ergo sphaera ABEC adequat conum KDM (g); ac proinde sphaera &c. quod erat ostendendum.

C O R O L L A R I U M I.

*Sphaera est aequalis cono recto, cujus circulus baseos descriptus sit ex diametro sphaera, veluti radius, axis vero sit ejusdem sphaerae radius.*

104. Sphaera nimirum ABEC aequabit conum rectum KDM,

*Tom. III.*

D d

cujus

(a) Lib. XI. §. 48.

(d) Lib. XI. §. 101.

(f) Lib. I. §. 128.

(b) Ibidem §. 92.

(e) Lib. I. §. 76.

(g) Lib. IX. §. 12.

(c) Lib. XIII. §. 122.

Fig. 14. cuius axis est ipsiusmet sphaerae radius DE, si radius circuli  
Tab. 12. baseos KLM fuerit diametro ipsius sphaerae aequalis. Hoc  
enim ipso basis ipsius conii superficiem sphaerae adaequat (a).

## COROLLARIUM II.

*Sphaera est aequalis cono recto, cuius basis sit maximus ipsius sphaerae circulus, axis vero sit duplo maior diametro ipsius sphaerae.*

105. Ut si basis conii recti fuerit aequalis circulo maximo sphaerae ABEC, & illius axis fuerit duplo maior diametro ipsius sphaerae, atque adeo quadruplus radii DE ejusdem, conus iste sphaeram ipsam aequabit. Enimvero hujusmodi conus adaequat conum KDML (b), cui sphaera ipsa ABEC est aequalis, quatenus nempe horum conorum bases sunt hoc ipso in ratione reciproca altitudinum. Circulus namque sphaerae maximus est in ratione subquadrupla ad circulum baseos KLM conii KDML (c), quemadmodum axis DE ipsius conii KDML est in ratione subquadrupla ad axem, qui sit duplo maior diametro ipsius sphaerae ABEC.

## COROLLARIUM III.

*Sphaera est aequalis cylindro recto, cuius baseos radius sit ipsius sphaerae diameter, axis vero, sive latus, seu altitudo sit tertia pars radii ejusdem sphaerae.*

106. Hujusmodi namque cylindro aequalis est conus rectus, cuius baseos radius sit diameter sphaerae, altitudo vero, sive axis sit ejusdem sphaerae radius (d). Hunc autem conum rectum adaequat ipsa sphaera (e). Ergo illi quoque cylindro ipsa eadem sphaera aequalis erit (f). Hinc

CO:

(a) §. 79.

(b) Lib. XIII. §. 63.

(c) Lib. IX. §. 185.

(d) §. 94.

(e) §. 104.

(f) Syn. Algeb. §. 262.



COROLLARIUM IX.

*Sphæra est æqualis cylindro recto, cujus bases circulus adæquet superficiem ipsius sphæra, axis vero sive altitudo sit tertia pars radii ejusdem sphæra.*

107. Quandoquidem hujusmodi cylindrus non est diversus a cylindro recto, cujus baseos radius sit sphærae diameter; cum circulus, cujus radius sit sphærae diameter, superficiem ipsius sphærae adæquet (a).

COROLLARIUM V.

*Sphæra est æqualis cylindro recto, cujus basis sit maximus ipsius sphærae circulus, axis vero, sive altitudo quatuor trientes radii, seu duas tertias partes diametri ipsius sphærae continent.*

108. Videlicet sphæra ABCD adæquat cylindrum rectum DBLM, cujus basis LM sit maximus ipsius sphærae circulus, axis vero, sive altitudo EC quatuor trientes radii XC, si-  
Fig. 17.  
Tab. 12.  
 ve duas tertias partes diametri AC comprehendat. Constituto namque cono recto KHEG, cujus basis EG sit circulus descriptus ex diametro AC ipsius sphærae, axis vero KC sit tertia pars radii XC, sive quarta pars axis EC cylindri BLMD, quoniam basis cylindri HEGK quadrupla est basis cylindri BLMD, duo cylindri BLMD, HEGK, utpote reciprocan-  
 tes sibi mutuo bases, & altitudines, erunt inter se æquales (b). Sphæra autem ABCD adæquat cylindrum HEGK (c). Ergo cylindrum quoque æquabit BLMD.

D d 2

PRO

(a) §. 79.

(b) Lib. XIII. §. 62.

(c) §. 106.

## PROBLEMA XVI

*Sphæra soliditatem dimetiri.*

109. Esto sphæra ABCD, cujus soliditatem dimetiri oporteat.

*Resolutio I.*

Fig. 17.  
Tab. 12.

Inveniatur area circuli ex sphære diametro AC, veluti ex radio, descripti (a), atque hujusmodi valor per tertiam radii XC ipsius sphære partem multiplicetur. Factum erit soliditas sphære quaesita. Ut si area circuli descripti ex sphære diametro AC fuerit =  $ab$ , & radius XC fuerit =  $d$ , soliditas

$$\text{sphære ABCD erit} = \frac{abd}{3}.$$

*Demonstratio.*

Etenim factum  $\frac{abd}{3}$  exprimit valorem cylindri recti, cujus basis est circulus ex sphære diametro AC descriptus, altitudo vero, sive axis est tertia pars radii XC. Hujusmodi autem cylindro æqualis est sphæra (b). Ergo, factum  $\frac{abd}{3}$  soliditatem quoque ipsius sphære determinabit.

*Resolutio II.*

Inveniatur area circuli in ipsa sphæra maximi, ejusque valor per duas tertias partes diametri AC multiplicetur. Quod

(a) Lib. X. §. 28.

(b) §. 10.

Quod enim hinc emergit productum, erit soliditas ipsius sphaerae ABCD. Ut si valor maximi in ipsa sphaera circuli fuerit  $\equiv mn$ , & duae tertiae partes diametri AC fuerint  $\equiv r$ , soliditas sphaerae ABCD erit  $mnr$ .

*Demonstratio.*

Factum quippe  $mnr$  exprimit valorem cylindri recti; cui ipsa sphaera est aequalis (a).

THEOREMA XXIII.

*Si eadem sphaerae conus aequilaterus, & cylindrus circumscripti habeantur, conus erit ad cylindrum quoad soliditatem in ratione sesquialtera, sicuti etiam cylindrus ad sphaeram.*

Sphaerae MEN circumscripti habeantur conus aequilaterus ABC, & cylindrus FHKG.

Pro. Dico primo, cylindrum FHKG esse ad sphaeram MEN in ratione sesquialtera. Fig. 19.  
Tab. 12.

*Demonstratio.*

Etenim cylindrus FHKG est ad cylindrum PHKR, ejus eadem sit basis, nempe maximus inscriptae sphaerae circulus HK, altitudo vero, sive axis  $BE$  duas tertias partes contineat axis  $DE$ , sive diametri ejusdem sphaerae, ut axis  $DE$  ad axim  $BE$  (b), nimirum ut 3 ad 2. Cylindro autem PHKR aequalis est sphaera MEN (c). Ergo cylindrus FHKG erit quo-

(a) §. 108.

(b) Lib. XIII. §. 49

(c) §. 108.

quoque ad inscriptam sibi sphaeram MEN, est 3 ad 2, videlicet in ratione *sequaltera*.

## I L

PII. Dico 2, conum ABC esse ad cylindrum FHEKG in eadem quoque ratione *sequaltera*.

## Demonstratio

Diametro BC basos cono hinc inde in directum producta, ponatur tam recta ES, quam recta ET aequalis axi, sive diametro DE sphaerae inscriptae, atque a centro s ducantur rectae AS, AB, AC, AT, quae spectentur veluti latera conorum rectorum SAT, BAC habentium pro axe radium sphaerae AE. Quoniam itaque, ut superiori loco demonstravimus, nimirum §. 79, propter similitudinem triangulorum AEB, BEA, latus AE est ad latus EB, ut est EA ad latus, sive ad sphaerae radium AE, latus AE erit ad latus, sive ad radium AE, ut est quadratum ipsius AE ad quadratum mediae proportionalis EB (a). Loco autem citato ostensum quoque est, quadratum lateris AE esse triplum quadrati lateris EB. Ergo recta, sive axis AE cono erit tripla radii AE, ac proinde conus BAC ad conum BAC ejusdem basis erit, ut 3 ad 1, sive ut 9 ad 3 (b), & recta AA = Ed, adeoque etiam AB = dE (c), propterea quod sit AB = AE (d), ac demum ES = AB (e) cum posita fuerit ES = Ed, sitque Ed = AB. Demonstravimus porro eodem loco, quadratum lateris AE triplum esse quadrati lateris EB. Ergo, cum quadratum lateris AB sit aequale quadrato laterum BE, Ea simul sumtis (f).

(a) Lib. IX. §. 189.

(b) Lib. XIII. §. 50.

(c) Syn. Alg. §. 261.

(d) Lib. IX. §. 19.

(e) Syn. Alg. §. 261.

(a), quadratum lateris  $Ba$ , adeoque etiam lateris  $SE$ , erit ad quadratum lateris  $BE$ , ut 4 ad 3. Quamobrem circulus quoque ex radio  $ES$  erit ad circulum ex radio  $EB$ , ut 4 ad 3. (b). Constat porro, conum  $SeT$  esse ad conum  $BaC$  ejusdem axis, sive altitudinis  $aE$ , ut circulus ex radio  $ES$  ad circulum ex radio  $EB$  (c). Ergo conus  $SeT$  erit ad conum  $BaC$ , ut 4 ad 3. Cono autem  $SeT$  aequalis est sphaera  $MEN$  (d). Igitur sphaera  $MEN$  erit ad conum  $BaC$ , ut 4 ad 3; & quoniam cylindrus  $FHKG$ , ut supra demonstravimus, est ad sphaeram  $MEN$ , ut 6 ad 4, cylindrus  $FHKG$  erit ad conum  $BaC$ , ut 6 ad 3; atque adeo conus  $BAC$  ad cylindrum  $FHKG$ , ut 9 ad 6; cum scilicet ostensum fuerit, conum  $BAC$  esse ad conum  $BaC$ , ut 9 ad 3. Conus itaque  $BAC$  est ad cylindrum  $FHKG$  in ratione *sesquialtera*. Ergo, si eadem sphaera &c. quod erat ostendendum.

C O R O L L A R I U M I.

112. Quoniam, ut superiori loco, nimirum §. §. 79, 80. ostensum est, si sphaerae circumscribatur conus aequilaterus, & cylindrus, tota superficies conici est ad totam superficiem cylindri, & haec ad superficiem inscriptae sibi sphaerae in ratione *sesquialtera*, manifestum est, tria hujusmodi corpora esse in continua ratione *sesquialtera* tam penes integritas eorum superficies, quam penes soliditatem spectata.

S C H O L I O N.

113. Dissimulandum non est, Archimedes hoc theorema, quod primus omnium invenit, tanti fecisse, ut sphaeram cylindro inscriptam suo tumulo apponi jussisset.

CO.

- (a) Lib. VI. §. 37.
- (b) Lib. IX. §. 182.
- (c) Lib. XIII. §. 44.
- (d) §. 104.

## COROLLARIUM II.

*Sphæra est dupla coni recti, cujus basis sit maximus  
ipsius sphæra circulus, axis vero ejusdem  
sphæra diameter.*

Fig. 17.  
Tab. 12. 114. Videlicet sphæra ABCD est dupla coni recti LAM  
habentis pro basi LM maximum ipsius sphærae circulum, pro  
axe vero ejusdem sphære diametrum AC. Quandoquidem cy-  
lindrus NLMP ipsi sphærae circumscriptus est ad ipsam  
sphæram, ut 3 ad 2 (a). Est autem ad conum LAM, ut  
3 ad 1 (b). Ergo sphæra ABCD erit ad conum LAM, ut  
2 ad 1, scilicet in ratione dupla.

## COROLLARIUM III.

*Hemisphærium est duplum coni eandem cum illo habentis  
basim, & altitudinem.*

115. Sequitur manifeste ex præcedenti. Ut enim hemi-  
sphærium est pars dimidia integræ sphærae, ita conus, cujus  
basis eadem sit cum basi hemisphærii, nempe maximus sphæ-  
rae circulus, altitudo vero ejusdem sphærae radius, est in  
ratione *subdupla* ad conum, qui circulum itidem sphærae  
maximum pro basi habeat, diametrum vero ejusdem sphæ-  
rae pro altitudine; cum coni æqualium basium sint directe  
inter se, ut altitudines (c).

## THEOREMA XXIV.

*Sector sphericus est æqualis cono recto, cujus basis  
adaquat curvam ipsius sectoris superficiem,  
axis vero sphærae radius.*

116. Esto sector sphericus BACD genitus ex revolutione

(a) §. 110.

(b) Lib. XIII. §. 11.

(c) Lib. XIII. §. 50.

sectoris circularis BAD circa axim, sive radium AD. Ponatur autem conus rectus EDF, cujus basis EF sit circulus æqualis curvæ superficiei BAC ipsius sectoris sphærici, axis vero AD sit sphæræ radius. Dico, sectorem sphæricum BACD esse æqualem cono EDF.

Fig. 19.  
Tab. 11.

*Demonstratio.*

Coincidit cum demonstratione theorematismis XXI. Etenim elementa sectoris sphærici BACD sunt numero, & magnitudine æqualia elementis coni EDF. Sunt enim numero æqualia; quia tot portiones circulares sphæricarum superficierum sibi mutuo concentricarum BAC, *rnf*, *ebd*, *grx* productæ ex revolutione similium arcuum BA, *rn*, *eb*, *grx* sectoris generatoris BAD, constituunt soliditatem sectoris sphærici BACD, quot circuli sibi mutuo paralleli EF, *pq*, *am*, *st*, geniti ex revolutione rectarum parallelarum EA, *pn*, *ab*, *sx* constituentium triangulum rectangulum EAD, ex quo circa axim AD revoluto gignitur conus EDF, constituunt soliditatem ipsius coni EDF; cum hujusmodi elementa tot utrobique sint, quot puncta in radio AD numerantur. Sunt etiam magnitudine æqualia, alterum alteri, videlicet curva superficies *rnf* circulo *pq*, superficies curva *ebd* circulo *am*, atque ita deinceps. Ut enim circulus EF ad circumulum *pq*, ita curva superficies BAC ad curvam superficiem *rnf*; cum tam circulus EF sit ad circumulum *pq* (a), quam curva superficies BAC ad superficiem *rnf* in ratione duplicata radii AD ad radium *AD* (b). Positus est autem circulus EF æqualis curvæ superficiei BAC. Ergo circulus quoque *pq* curvam superficiem *rnf* æquabit (c). Eodem modo circulus *am* ostendetur æqualis curvæ superficiei *ebd*, &

Tom. III

E c

cir.

(a) Lib. IX. §. 118.

(b) Lib. XIII. §. 122.

(c) Lib. I. §. 128.

circulus *sc* curvæ superficiæ græ. Ergo sector sphericus BACD adæquat conum rectum EDF (a); ac proinde sector sphericus &c. quod erat ostendendum.

## COROLLARIUM I.

*Sector sphericus est equalis cono recto, cujus axis adæquat radium spheræ, radius vero baseos est equalis chordæ arcus sectoris genitoris circuli.*

117. Sector nimirum sphericus BACD æquabit conum rectum EDF, si hujus axis AD fuerit spheræ radius, semidiameter vero AE baseos EF fuerit æqualis chordæ AB arcus AB sectoris circularis BAD, ex quo circa axem, sive radium AD revolutus, sector ipse sphericus produci-  
 Fig. 19. Tab. 12. tur. Si namque radius AE fuerit æqualis chordæ arcus AB, circulus baseos conî EDF erit æqualis curvæ superficiæ BAC sectoris BACD (b); adeoque sector ipse sphericus conum EDF æquabit (c).

## COROLLARIUM II.

*Sector sphericus est equalis cylindro recto, cujus baseos radius est equalis chordæ arcus sectoris genitoris, axis vero adæquat tertiam partem radii ipsius sectoris.*

118. Videlicet sector sphericus BACD erit equalis cylindro recto, cujus baseos radius adæquat chordam arcus AB sectoris circuli genitoris BAD, axis vero tertiam partem radii AD. Huic namque cylindro equalis est conus EDF

(a) Lib. IX. §. 58.

(b) §. 84.

(c) §. 116.



EDF (a), quem sector ipse sphaericus BACD adaequat (b).

**P R O B L E M A XVII.**

*Soliditatem sectoris sphaerici dimetiri.*

119. Esto sector sphaericus ADCB, cujus soliditatem dimetiri oporteat.

*Resolutio.*

Determinato sectoris ADB circuli, ex cujus revolutione circa radium DB sector ipse sphaericus producit<sup>Fig. 10.</sup>ur, inveniat<sup>Tab. 10.</sup>ur valor circuli, cujus radius sit chorda arcus AD (c), atque huiusmodi valor per tertiam partem radii DB multiplicetur. Factum erit soliditas sectoris sphaerici ADCB quaesita. Si nimirum valor circuli, cujus radius sit chorda arcus AD, fuerit  $= ab$ , & tertia pars radii DB fuerit  $= d$ , soliditas sectoris ADCB erit  $= abd$ .

*Demonstratio.*

Factum quippe  $abd$  exprimit valorem cylindri recti; cui sector ADCB est aequalis (d).

E e z

PRO-

(a) §. 94.

(b) §. 117.

(c) Lib. X. §. 32.

(d) §. 118.

## PROBLEMA XVIII.

*Segmenti sphaerici quantitatem determinare.*

I.

120. Dimetiri oporteat segmentum sphaericum ACD minus hemisphaerio.

*Resolutio.*

Fig. 10.  
Tab. 12. Inveniatur valor sectoris sphaerici ABCD, qui curva dati segmenti superficie ADC terminatur (a). Tum huic valori subducatur magnitudo coni recti ABC, cujus latus est sphaerae radius AB, diameter vero baseos est chorda maximi arcus ADC dati segmenti sphaerici. Quod ex hac subductione relinquitur, erit valor sphaerici segmenti ACD quaesitus. Ut si sector sphaericus ABCD fuerit =  $abd$ , & conus ABC fuerit =  $mnr$ , segmentum sphaericum ACD erit =  $abd - mnr$ .

*Demonstratio.*

Si enim notus fuerit valor totius, & unius partis, per subductionem valor alterius partis in aperto ponitur.

I I.

121. Esto modo segmentum sphaericum FNG majus hemisphaerio, cujus valorem invenire oporteat.

Re-

(a) §. 119.

*Resolutio.*

Inveniatur soliditas totius sphaeræ BFNG (a), nec non segmenti residui FBG (b), isque a valore totius sphaeræ auferatur Residuum dabit valorem segmenti FNG. Si nempe sphaera BFNG ponatur =  $abd$ , & segmentum FBG =  $mnr$ , segmentum majus FNG erit =  $abd - mnr$ . Fig. 19.  
Tab. 12.

*Demonstratio.*

Eadem est cum præcedenti;

- (a) §. 119.  
(b) §. 120.

F I N I S.

1942

1. The first part of the report is a general survey of the situation in the country. It is followed by a detailed account of the work done during the year. The report is divided into two main parts: a general survey and a detailed account of the work done during the year.

2. The second part of the report is a detailed account of the work done during the year.

3. The third part of the report is a detailed account of the work done during the year.

4.

5.

6.


7.






Tabula VII.


II.




III.




IV.




VI.



VII.



VIII.




VII.








Tabula VIII.





A55












A  
L







Tabula XI.



XII.



XIII.

